

El santo evangelio según San Juan

Dios oca gotirocɥ masa rãca Cristo ã ñhare gaye

¹ Cajero ñe manirajɥti Cristo, Dios oca goti rētoꝑurocɥ ñacãyijɥ. Ì Dios rãcati ñayijɥ. Ito yicōri Ìti ñayijɥ Dios. ² Adì macãrucãro Ì rujeoroto riojɥajɥ Dios rãca ñacãyijɥ Cristo. ³ Ìna sɥoriti macãrucãro gaye jeyaro rujeoyijɥ Dios. Ñejɥa gaje Cristo manoti rujeobisijɥ Dios. ⁴ Ìti ñami catitĩñare rucogɥ. Ito yicōri Ìti ñami busurise rucogɥ. Ito bajigɥ ñari masa Ìna tɥo masiroca yi masiami Ì. ⁵ Rãitĩarojɥ masa Ìna ñeñaro yibojaja cɥni busu masiguĩji Cristo. “Ñeñaro yirã ña mani”, Ìna yi masiroca, yigɥ yiguĩji Cristo. Ito bajiri Ìre rētoꝑũ masibicɥ yiguĩji rãitĩaro ñagũ rãmáa ɥjɥ.

⁶ Sĩgũ ɥmɥgũ ñaquĩ gɥa masare Ì riasotoni Dios Ì cũrɥ. Ì wame cɥtiquĩ Juan idé guri masɥ. ⁷ “Cristo ñami busurise rucogɥ”, masare yi riasorocɥ wadiñi Juan idé guri masɥ. Cristore masa Ìna tɥorũnɥtoni Dios ocare gotigɥ wadiñi Juan idé guri masɥ. ⁸ Ì meje ñañi busurise rucogɥ. Cristo, busurise rucogure busi Ìsigũ wadirɥ ñañi Juan. ⁹ Busurise rucosagɥ Ì ñaquĩ Cristo. Jeyaro masa Ìna tɥo masitoni wadirɥ ñaquĩ Cristo. Ito bajigɥ ñari ñajediro masa Ìna tɥo masitoni wadiñi Ì.

¹⁰ Adì macãrucãro rujeoroto riojɥajɥ ñacãyijɥ Ì Dios oca gotiri masɥ. Ìna sɥoriti adì macãrucãrojɥ Dios Ì menire ñabojarocati adì macãrucãro gãna

masa ãre ti masibisjarã maji. ¹¹ Adi macãrucũro ã rujeore ñabobarocati ã ñarãjũa ãre boca ãmibisjarã. ¹² Gãjerã coriarãma ãre queno boca ãmiyijarã. Ito yicõri ãre tũorũnyijarã ãna. Ito bajiri ãre ãna tũorũnjare Dios rãa ãna ñaroca yiyijũ Cristo. “Yũre masogũ yiguĩji Cristo”, yi tũorũnrãre Dios rãa ãna ñaroca yiyijũ Cristo. ¹³ Ito bajiri Dios rãati ñama ãna ãja. ãre boca ãmicõri ã rãa ñama ãja. Masa ãna rãa cutirona ãna yiro bajiro meje ña. Dios rãati ãna ñaroca Cristo ã yiana ñama ãna. Ito bajiri Dios rãati ñama ãna ãja. Ito yicõri Dioti ñami ãna Jacũ.

¹⁴ Dios oca gotiri masũ manire bajiroti rujũ cuticõri, mani wato ña ucuquĩ. ãti ñami masare ti maigũ, ito yicõri riojo gotigũ. ã, Dios Macũ sãgũ ñagũre ticõri, “ãti ñami busurise rucogũ. ã Jacũre bajiroti rãtoro ñasagũ ñami ã cãni”, yi tũoãa mani. ¹⁵ Juan idã guri masũ, Cristore busã ãsigũ ado bajiro masare gotiquĩ ã ejaroca:

—ãni gaye gotisũogũ, ado bajiro mũare goticũ yũ. “Yũ berojũa sãgũ ejagũ yiguĩji. Yũ berojũa ejagũ ñabojaguti, yũ rãtoro ñasagũ ñagũ yiguĩji ã. Yũ riojũajũ ñacããni ã”, yi goticũ yũ, yiquĩ Juan idã guri masũ, masare gotigũ.

¹⁶ Mani jeyaro queno ã yirise boca ãmisotia mani. Manire ã queno yiado bajiroti manire queno yitãñami maji. ¹⁷ Moissã ñayorũna sũoriti bucũrã ãna rotire gaye manire ejayija. Dios manire ãti mairise gayeama, ã oca riojo ñasarise cãni, Cristona sũoriti manire ejayija. ¹⁸ Sãgũjũa Diore tigũ maquĩji. ã Macũ sãgũti ãre tiguĩji. ã ñaguĩji ã Jacũ robo bajiroti corocõ tũoãagũ. “ãto bajiro bajigũ ñami Dios”, mani yi masitoni, manire riasogũ ñami Cristo.

Jesucristore Juan ĩ b̄usi ĩsire gaye
(Mt 3.11-12; Mr 1.7-8; Lc 3.15-17)

¹⁹ Paia mesare ito yicōri levita masare c̄uni cōañi judio masa Jerusalén gãna. “¿Ñim̄a ñati m̄a?” Juan idé guri mas̄re ĩna yi seniĩatoni ĩnare cōañi ĩna. ²⁰ Ito bajiro ĩre ĩna seniĩaja t̄uocōri, riojo ĩnare c̄adiquĩ Juan idé guri mas̄a:

—Ȳu, Cristo Dios ĩ cōaru meje ña ȳu, yiquĩ Juan ĩnare.

²¹ M̄ucana t̄udi ĩre seniĩa quenocã ĩna:

—¿Ito yijama ñim̄uj̄ua ñasati m̄a? ¿Elías, Diore goti ĩsiri mas̄uj̄ua ñatite m̄a? yi seniĩacã ĩna ĩre.

—Ĩ meje ña ȳu, yiquĩ ĩ ĩnare.

Ito yija m̄ucana t̄udi ĩre seniĩacã ĩna:

—¿M̄uti ñati Diore goti ĩsiri mas̄u, “Ejagu yiguĩji”, ĩna yicacu? yi seniĩacã ĩna Juan idé guri mas̄re.

—Ĩ meje ña ȳu, yiquĩ ĩ.

²² Ito ĩ yija t̄uocōri, ado bajiro yicã ĩna:

—¿Ñim̄uj̄ua ñasati m̄a? yicã ĩna. Ḡuare roticōarãre oca ãmi t̄udi wa ãmoa ḡua. M̄umasiti m̄a gaye, ¿no bajiro ḡuare gotiati m̄a? yi seniĩacã ĩna Juan idé guri mas̄re.

²³ ĩna ito yija t̄uocōri, ado bajiro c̄adiquĩ ĩ ĩnare:

—Ȳuti ña, yuc̄u manoj̄u masare oca s̄ero goti ucuḡu: “Mani Ūju ĩ ejaroto rioj̄ua, m̄ua ñeñaro yirise jidicãcōri ĩre ña yucãña”, yi goti yuri mas̄u ña ȳu. Isaías ñayoru, Diore goti ĩsiri mas̄u, ĩ yiado bajiroti yi gotia ȳu c̄uni, yiquĩ Juan idé guri mas̄u ĩre oca seniĩacãnare.

²⁴ Juan idé guri mas̄u t̄u oca seniĩarã ejacãna, ĩna ñañi fariseo gaye t̄uõarã ĩna cōana. ²⁵ M̄ucana t̄udi ĩre seniĩacã ĩna:

—Ito yija, Cristo meje ñabojaguti, Elías meje ñabojaguti, Diore goti ñsiri masu meje ñabojaguti, ¿no yija masare idé guati mu? yi seniñacã ña Juan idé guri masure.

²⁶ Ña ito yija tucõri, ado bajiro cudiquĩ ñ:

—Yu masare idé guja, idenagoti idé gua yu. Sīgũ ñami ado mani wato mu masibicu. ²⁷ Yu rētoro ñasagu ñami ñ. Yu bero ejaru ñabojaguti, yu rētoro ñasagu ñami ñ. Ñre bajiro bajigu meje ña yuama. Yu rētoro quenagũ ññajare ñrãca corocõ ñado ma yu. Ito bajiro quenagũ meje ñacõri ñ ya guboco õja masibe a yu, yiquĩ Juan idé guri masu ñre seniñacãnare.

²⁸ Jordán wame cutirisa taju masare Juan idé guroca ito bajiro rētaçu. Betania wame cutiriju ñacu itiju, Jordán tñima.

Oveja Macu robo bajigu ñami Jesús, yire gaye

²⁹ Ito bero gaje gumu, Jesús gna taju ñ wadija tiquĩ Juan idé guri masu. Ito bajiri masare ado bajiro gotiquĩ ñ:

—Tiya mu, añiti ñami Dios yagu, Oveja Macu robo bajigu. Masa ña ñeñaro yirise waja yi ñsirocu ñari Oveja Macu robo bajiro bajigu ñami ñ. Ñti ñami adi macãrucãro gãnare ña ñeñaro yirisere waja yi ñsiri masu. ³⁰ Ñ gaye gotisugũ, ado bajiro muare goticu yu: “Yu berojua sīgũ ejagu yiguĩji. Yu berojua ejagu ñabojaguti yu rētoro ñasagu ñagũ yiguĩji ñ. Yu riojuaju ñacãñi ñ”, yi goticu yu muare. ³¹ Yu cuni, “Ñ ñaguĩji”, yi masibiticu maji. Ado ña yu masare idé gugũ. “Ñni ñami Dios ñ cõaru”, mani ñarã cuni ña yi masitoni, yi gotia yu, yiquĩ Juan idé guri masu Israel sita gãnare.

³² Gaje ado bajiro masare gotiquĩ ñ:

—Espíritu Santo bujare bajigu ruji wadicōri, ĩ joejare ĩ quedi jeaja ticu yu. ³³ ĩre tibojagati, “Īti ñaguĭji Cristo”, yi masibiticu yu maji. Yure masare idé gu roticacu, yure ĩ gotigore tuoĭa bujacōri, “Āniti ñami Cristo”, yi masicu yu ĩja. Ado bajiro yure gotiquĭ ĩ yure idé gu roticacu: “Sĭgũre Espĭritu Santo ĩ quedi jeaja, mu tija, Īti ñami masare Espĭritu Santo queo sãgũ”, yiquĭ yure idé gu roticacu. ³⁴ ĩre tigoru ña yu. Ito bajiri, “Dios Macu ñami ĩ”, yi masia yu, yi gotiquĭ Juan idé guri masu, masare gotigu.

Jesús rãca riasotisuoana gaye

³⁵ Ito bero gaje rumu ito ñacu gua mucana. Jũarã ñacu gua Juan idé guri masu rãca riasotirã. ³⁶ Jesús ĩ rêta waja ticōri, ado bajiro guare gotiquĭ Juan idé guri masu:

—Tiya, ãniti ñami Dios yagu Oveja Macu robo bajiro bajigu, mani ñeñaro yirise waja yi ĩsiri masu, yiquĭ Juan guare.

³⁷ Ito bajiro ĩ yija tuocōri, Jesure sɥya wacu gua ĩja. ³⁸ Ito bajiro gua ĩre sɥya waja jũda ticōri, ado bajiro yiquĭ Jesús:

—¿Ñere ãmarã yati muu? yiquĭ Jesús guare.

—Riasori masu, ¿noju ñati mu ñaro? yi seniĭacu gua Jesure.

³⁹ —Adoju tirã waya maji, yi cudiquĭ Jesús guare.

Ito ĩ yijare ĩre sɥya wacōri, ĩ ñaroju ticu gua ĩja. Ito bajiri iti rumu ĩ rãcati ñarã rãiooacu gua. Yucu wecacō tũjaquĭ ũmacaĭi.

⁴⁰ Juan idé guri masure tuocōri, yu rãca Jesure sɥya wacu ñaquĭ Andrés. Ī ñaquĭ Simón Pedro ocabaji. ⁴¹ Jesure ti masicōri, ĩ rĭjoru Simónre

gotirocɔ ămagũ waquĩ ĩ. Ĩ rĩjorɔ tɔ ejacõri, ado bajiro gotiyijɔ Andrés:

—Dios ĩ cõarɔ Cristore bujacõa yɔ, yi ejayijɔ ĩ.

⁴² Ito yija, Simónre gɔa tɔjɔ ămi wadiquĩ Andrés. Simónre ticõri, ado bajiro yiquĩ Jesús:

—Mɔ ña Simón, Jonás macɔ. Ito bajibojarocati Pedro wame cɔtigɔ yigɔja mɔ ĩja. Gãtagã yireoni ña iti, yiquĩ Jesús Simónre.

Natanael, Felipere cɔni Jesús ĩ jire gaye

⁴³ Ito bero gaje rumɔ, Galilea wame cɔtirita tɔjɔ waquĩ Jesús. Itojɔ ejacõri, Felipe wame cɔtigɔre bujaquĩ. Ito yicõri ado bajiro ĩre yiquĩ Jesús:

—Yɔ rãca waya, yiquĩ Jesús ĩre.

⁴⁴ Betsaida wame cɔtiri cɔto gagɔ ñaquĩ Felipe. Pedro ocabaji Andrés cɔni ĩna ñaro ñacɔ ito.

⁴⁵ Jesure tɔocõri, Natanaelre ămagũ waquĩ Felipe. ĩre bujacõri, ado bajiro ĩre gotiyijɔ ĩ:

—Moisés ñayorɔ Dios ĩ rotire ucagɔ, ĩ uca gotirɔre bujacõmɔ yɔ ĩja. Diore goti ĩsiri masa ĩna ucarɔre bujacõmɔ yɔ ĩja. Ĩ ñami Jesús, Nazaret gagɔ, José wame cɔtigɔ ĩ masorɔ, yiyijɔ ĩ Natanaelre gotigɔ.

⁴⁶ Ĩ ito yija tɔocõri, ado bajiro seniñayijɔ Natanael:

—¿Nazaret gagɔ ĩ ñaja quenagũ ñaguñjida mɔca? yi seniñayijɔ ĩ Felipere.

—Waya tito, yiyijɔ Felipe Natanaelre. Ito bajiro yicõri gɔa tɔjɔ ejacã ĩna ĩja.

⁴⁷ Natanael ĩ ejaja ticõri, ado bajiro yiquĩ Jesús:

—Sĩgũ Israel sita gagɔgoro ejaquĩ ado. ĩre ruore ma, yiquĩ Jesús, Natanaelre ticõri.

⁴⁸ Ito ĩ yijare:

—¿No bajiro yure ti masiati m̄? yi seniñaquĩ ĩ Jesure.

—Felipe m̄re ĩ jiroto rioj̄ma, higuera wame c̄tiric̄ma roca m̄ r̄ḡōroca tib̄ma ȳm̄ m̄re, yiquĩ Jesús ĩre.

⁴⁹ Ito ĩ yija t̄oc̄ōri:

—Ȳre Riasoḡm̄, m̄ti ña Dios Mac̄m̄, ito yic̄ōri ḡma Israel sita ḡana Uj̄m̄ ña m̄, yiquĩ Natanael Jesure.

⁵⁰ Ito ĩ yija t̄oc̄ōri, ado bajiro c̄diquĩ Jesús ĩre:

—Higuera wame c̄tiric̄ma roca m̄ r̄ḡōroca m̄re tib̄ma ȳm̄, ¿m̄re ȳm̄ yija, ȳre t̄or̄ñuati m̄? Gaje iti rêto busaro bajirise tiḡm̄ yiḡj̄ma m̄, yiquĩ Jesús ĩre.

⁵¹ Gaje ado bajiro gotiquĩ Jesús ḡmare:

—Riti m̄are gotia ȳm̄. Mac̄ãrc̄ōro soje iti janaroca, Ȳm̄ Masa R̄jor̄m̄ t̄j̄m̄, ángel mesa ȳm̄ t̄j̄m̄ ĩna rujija, ĩna m̄jaja c̄ni tir̄a yir̄aji m̄ma, yiquĩ Jesús ḡmare.

2

Caná wame c̄tiri c̄toj̄m̄ ĩna ãmo siare gaye

¹ J̄ma r̄m̄m̄ bero Galilea sita Caná wame c̄tiri c̄toj̄m̄ ãmo siare ñaro wado yic̄m̄. Jesús jaco c̄ni ñac̄ō itoj̄m̄. ² Ḡma Jesús r̄ca riasotir̄re c̄ni basa ḡmare gotic̄ã ĩna. Ito bajiri ḡma c̄ni Jesús r̄ca ñac̄m̄ itoj̄m̄. ³ Ito bajiro ḡma idi ñaroca, ayé ide jedicoac̄m̄. Ito bajija tic̄ōri, Jesús jaco ado bajiro yic̄ō ĩre:

—Uyé ide jedicoaj̄m̄ ĩja, yic̄ō iso Jesure.

⁴ Iso ito yija t̄oc̄ōri:

—¿Cana, no yija ȳre iti gotiati m̄? Tiyamani ȳm̄ ĩoroti ejabea maji, yiquĩ Jesús isore.

⁵ Ito bajiro ĩ yija t̄oc̄ōri, iori masare ado bajiro yic̄ō iso:

—Jeyaro ĩ rotiro bajiroti c̄diya, yic̄ō iso ĩnare.

⁶ Itojũ ñacũ ide gõnaradũri, gũtana ñna menira sotũri. Coga ãmojeno sotũri ñacũ. Ide gõnacõri bucũrã ñna rotiado robo bajiro ñna coesotiri sotũri ñacũ iti sotũri. Cincuenta, setenta cũni ide coari dajarise ñacũ iti sotũri. ⁷ Iori masare ado bajiro rotiquĩ Jesũs:

—Adi sotũrire ide jio dajoya, yiquĩ Jesũs ñnare.

Ito ñ yija tũocõri, iti sotũri ñnarocõti jio dajocã ñna.

⁸ Ñna cũdiya ticõri, ado bajiro rotiquĩ Jesũs ñnare:

—Jabeto gõnacõri, basa ẽjũre ñsitẽña mũa, yiquĩ ñ ñnare.

Ñ rotiro bajiroti yicã ñna. Basa ẽjũre ide iocã ñna.

⁹ Iti ide ñ boca idija, ẽyẽ ideti ñacoacũ iti ñja. “Ito gaye ñaroja”, yi masibitiquĩ ñ. Iori masa riti masicã ñna ãmiadore. Iti idicõri, mame manajo cõtigure ji ñucaquĩ basa ẽjũ. ¹⁰ Ñ ejaroca ado bajiro ñre yiquĩ ñ:

—Gãjerãma, basa ñna menisũoja, quenarise iosũocã. Jairo masa ñna idija bero quenasabiti ide iocã ñna. Mũãma gaje idire rẽtoro quenarise seoyija mũ. Adocãta mũ ñorise quenarise ñna, yiquĩ basa ẽjũ mame manajo cõtigure.

¹¹ Iti ñacũ tiyamani Jesũs ñ ñosũore Galilea sita, Canã wame cõtiri cõttojũ. Iti ticõri, rẽtoro ñ masirise ñ ñoja, ticũ gũa, ñ rãca riasotirã. Ito bajiri ñre tũorũnũcũ gũa ñja.

¹² Iti basa rẽtaja bero Capernaum wame cõtiri cõttojũ wacũ gũa Jesũs rãca. Ñ jaco, gũa ñ rãca riasotirã, ñ ñarã cũni ñ rãca wacũ gũa. Itojũ yoa bũsari ñna ucucũ gũa.

*Niyeru wasoari masare Jesũs ñ bucõare gaye
(Mt 21.12-13; Mr 11.15-18; Lc 19.45-46)*

13 Judio masa pascua basa ñna meniroti r̄m̄m̄ rioj̄naca r̄m̄m̄ Jerusalénj̄m̄ wac̄m̄ ḡm̄a Jesús r̄āca. 14 Itoj̄m̄ Dios ya wi ejac̄ōri, ta wec̄m̄a, oveja, buja ĩsiri masare ti b̄j̄aquī Jesús. Ito yic̄ōri niyeru wasoari masa ñna rujiadoj̄m̄, ñna rujija ti b̄j̄aquī ĩ. 15 Ito bajiro ñna yi ñaja tic̄ōri, bajera ma meniquī Jesús. Ito bajiro yic̄ōri, ñna ya wec̄m̄a r̄āca, ñna ya oveja r̄āca Dios ya wi ñnar̄are buc̄ōaquī Jesús. Niyeru wasoari masa ya niyeru cujirire ware batec̄ōquī ĩ. Ñna ya casabori gaye tuj̄m̄da queoquī Jesús. 16 Ito yic̄ōri, buja ĩsiri masare ado bajiro yiquī Jesús:

—Ñna m̄m̄a ĩsironare āmi budi wasa m̄m̄a. Ȳm̄ Jac̄m̄ ya wire gajeoni ĩsira wi godo weobesa m̄m̄a, yiquī Jesús ĩnare.

17 Ito bajiro ĩ yija t̄m̄oc̄ōri, Dios oca tuti gotire t̄m̄oĭa b̄j̄ac̄m̄ ḡm̄a ĩ r̄āca riasotir̄a: “B̄uto m̄m̄ ya wire t̄m̄oĭa r̄āc̄m̄b̄m̄o a ȳm̄”, yi Dios oca tuti gotire gaye t̄m̄oĭa b̄j̄ac̄m̄ ḡm̄a.

18 Ito yija ito ñnar̄a judio masa Jesure seniĭac̄a:

—¿No bajiro ĩoḡm̄ yiḡm̄jada m̄m̄, “Dios ĩ rotirena waib̄m̄c̄m̄r̄a ĩsiri masare buc̄ōa m̄m̄”, ḡm̄a yitoni? yi seniĭac̄a ñna Jesure.

19 Ñna ito yija t̄m̄oc̄ōri, ado bajiro c̄m̄diquī Jesús ĩnare:

—Adi Dios ya wire m̄m̄a ruyurioja, ūdia r̄m̄m̄ beroti m̄m̄cana t̄m̄di iti wire j̄ōrojoḡm̄ yiḡm̄ja ȳm̄, yiquī Jesús ĩnare.

20 Ito ĩ yija t̄m̄oc̄ōri:

—Cuarenta y seis rodori sejayijar̄a ñna adi wi menir̄a. M̄m̄ama, “Ūdia r̄m̄m̄ beroti j̄ōrojoḡm̄ja”, ¿yire masiati m̄m̄? yic̄a ñna Jesure.

²¹ Ito bajiro Dios ya wire Jesús ï tʰoĩa bʰsija, ï ya rujʰ gayere bʰsigʰ yiñi Jesús. ²² Iti Jesús ï bʰsigore mʰcana tʰdi Jesús ï catirocajʰ, ï bʰsigore tʰoĩa bʰjacʰ gʰa, ï rāca riasotigoana. Ito bajiri Dios oca ï bʰsigore cʰni tʰorʰnʰcʰ gʰa ïja.

Mani tʰoĩarise masi jeogʰ ñami Jesús, yire gaye

²³ Jerusalén ñacõri, pascua basa ïna meniroca jaje tiyamani masare ïoquĩ Jesús. Ito bajiro ï yijare, jājarā masa ïre tʰorʰnʰcā ïna ïja. ²⁴ “Masa jeyaro ñeñaro yirā ñama”, yi ti masicõri, ïnare queno tʰorʰnʰsabitiquĩ Jesús. ²⁵ Masa jeyaro ïna ya ʰsijʰ ïna tʰoĩarise ti masigũ ñaquĩ Jesús. “Ito bajiro bajirā ñama masa”, yi tʰoĩa masicāñi Jesús.

3

Nicodemo Jesús tʰ ï ejare gaye

¹ Sīgũ fariseo gaye tʰoĩagũ, Nicodemo wame cʰtigʰ ñayijʰ. Judio masa rāca ñasagu ñayijʰ ï. ² ï Nicodemo, ñamijʰ Jesure tigʰ ejayijʰ. ï tʰ ejacõri, ado bajiro yiyijʰ ï Jesure:

—Riasori masʰ, “Gʰare riasotoni mʰre cõañi Dios”, yi tʰoĩa gʰa mʰre. Mʰ rāca Dios ï ñajare tiyamani ïo masia mʰ. Ñimujʰa gāji tiyamani mʰ ïoro bajiro yibiquĩji, Dios ï rāca ñabeja, yiyijʰ ï Jesure.

³ —Riti mʰre ado bajiro gotia yʰ. No mʰcana tʰdi rujea quenobicʰ Dios ï rotirojʰ tibiquĩji, yiyijʰ Jesús Nicodemore.

⁴ Ito ï yija tʰocõri, ado bajiro Jesure seniñayijʰ Nicodemo:

—¿No bajiro ʰmugũ jaigʰ ñacābojaguti mʰcana tʰdi rujea quenoguĩjida? ¿Jacore sājacõri, mʰcana tʰdi rujea quenoguĩjida? yi seniñayijʰ ï Jesure.

⁵ –Riti m̄are gotia ȳu. Masa jeyaro jacona ru-jearãji. Ito bajibojarocati Esp̄ritu Santona ruje-abic̄u Dios ã rotiroj̄u ejabiquĩji. ⁶ Masana rujeana, masati ñarãji. Esp̄ritu Santona rujeana ã ya usina catitĩnarã yirãji ãna. ⁷ “No Dios t̄uj̄u eja ãmoja, m̄ucana t̄udi rujea quenoja quena”, ya ȳu m̄are. Ito bajiro ȳu yija, t̄uo ucabesa m̄u. ⁸ Mino iti ãmoro bajiroti w̄ea ñucaro yiroja. Mino iti udija t̄uo mani. Ito bajibojarocati, “Ito gaye wadiroja, ito waroja”, yi masibea mani. Ito bajiroti bajiḡu ñami Esp̄ritu Santo c̄uni. “Ñim̄j̄uare itoc̄o rujea quenoḡu yiguĩji Esp̄ritu Santo”, yi masibea mani, yiyij̄u Jesús Nicodemore.

⁹ Ito yija m̄ucana t̄udi seniña quenoyij̄u Nicodemo:

–¿No bajiro bajirojada iti? yi seniñayij̄u ã Jesure.

¹⁰ Ado bajiro ãre c̄adiyij̄u Jesús:

–Israel sita ḡanare riasori mas̄u ñasaḡu ña m̄u. ¿Ito bajibojaḡuti adi gayeama masibeati m̄u? ¹¹ Riti m̄are gotia ȳu. Ȳu masirisere busia ȳu. Ito yic̄ori ȳu tigore m̄are gotia ȳu. Ito bajibojarocati ȳu gotirisere queno t̄uor̄unubea m̄u. ¹² Adi sitaj̄u gaye ȳu busirise m̄u t̄uor̄unubeja, Dios ã ñaroj̄u gaye ȳu busija c̄uni, t̄uor̄unubic̄u yiḡuja m̄u, yiyij̄u Jesús ãre.

¹³ Gaje ado bajiro gotiyij̄u Jesús:

–Sĩḡu ãmac̄ij̄u m̄ujagor̄u maquĩji. Ȳu s̄iḡuti ña ãmac̄ij̄una ruji wadic̄ori m̄ucana t̄udi itoj̄u m̄uja waroc̄u. Ȳu ña Masa R̄ijor̄u. Ȳuti ña itoj̄u m̄uja waroc̄u. ¹⁴ Jane mejej̄u Moisés ñayor̄u yuc̄u manoj̄u ãna ña ucuroca yuc̄u joe ãñare jeoyij̄u, masa ãna ti m̄uotoni. ãñare ti m̄uoc̄ori ãña cuni ecoana ñabojarãti godabisijarã ãna. Ito bajiroti ȳu c̄uni

Masa Rĩjorɯ, yucɯna mɯo ecogɯ yigɯja. ¹⁵ No yɯre tɯorɯnɯgɯti godabicɯ yiguĩji catitĩnagɯ yiguĩji, yiyijɯ Jesús Nicodemore gotigɯ.

Ñajediro masare Dios ĩ maire gaye

¹⁶ Ñajediro masare bɯto maiyijɯ Dios. Ito bajiri ĩ Macɯ sĩgɯ ñagɯre cɯayijɯ, masare ĩ goda ĩsitoni. No Jesure tɯorɯnɯgɯti godabiqũji, catitĩnagɯ yiguĩji.

¹⁷ Adi macɯrɯcɯro gɯnare ĩ ruyuriotoni meje ĩ Macɯre cɯayijɯ Dios. Ado robojɯna bajiyijɯ. Masare masojaro yirocɯ ĩ Macɯre cɯayijɯ Dios.

¹⁸ No ĩ Macɯre tɯorɯnɯgɯre waja senibicɯ yiguĩji Dios. No Dios Macɯ sĩgɯ ñagɯre tɯorɯnɯbicɯ, ĩ tɯorɯnɯbitire waja ĩre ruyuriogɯ yiguĩji Dios. ¹⁹ “Yɯ Macɯre tɯorɯnɯmenare ĩnare ruyuriogɯ yigɯja yɯ”, yicɯñi Dios. Ado bajiro bajaia: Busurise rɯcogɯ ñari masa ĩna tɯo masiroca yi masiami Jesús. Ito bajiri adi tuti ejacɔri, “Ñeñaro yirɯ ña mani”, masa ĩna yi masiroca yĩni Jesús. Bɯto ñeñaro yi jairɯ ñari busurise rɣtoro rɣitĩarisere ãmoyijarɯ ĩna. Quenarise yi ãmobicɔri ñeñarisejɯare riti bɯto yi ãmoyijarɯ ĩna. Ito bajiri Jesure ĩna tɯorɯnɯbitire waja jeame ɯjɯrojɯ ĩnare cɯagɯ yiguĩji Dios. ²⁰ Ñeñaro yirɯ ñarocɔti busurise ti tema ĩna. Ito bajiri busurise rɯcogɯ yɯ ñajare, yɯre boca ãmimenaji ĩna. ĩna ñeñaro yirise goabe yirona yɯre boca ãmimenaji ĩna. ²¹ Oca riojo gotire cɯdirɯma, yɯ busurise rɯcogɯre boca ãmirɯ yirɯji ĩnama. Ito bajiri ĩna queno cɯdija ticɔri, “Ĩna queno yiroca yami Dios”, yi ti masirɯ yirɯji gɯjerɯ, yiyijɯ Jesús Nicodemore.

Juan idé guri masɯ Jesús gayere ĩ gotire gaye

22 Ito yija bero, gũa Jesús rãca riasotirã ã rãca Judea sitajũ wacũ. Itojũ yoa busari ã rãca masare idé gu ñacũ gũa. 23 Juan idé guri masũ cũni Salim cuto sõjũa Enón wame cutiri cutojũ masare idé gu ñayijũ ã cũni. Itojũ ide jairo iti ñajare, masa jãjarã idé gu rotirã ejayijarã. Ito bajiri ñnare idé guyijũ Juan. 24 Ito bajiro rêtayijũ, Juan idé guri masũre ñna tubiaroto riojũa.

25 Ito baji ñaroca coriarã Juan idé guri masũ rãca riasotirã, sīgũ judio masũ rãca gãmeri busi ñayijarã ñna. “Bucurã ñna rotiado bajiro mani cudija ticõri, mani ñeñaro yirisere coegũ yiguĩji Dios”, yi gãmeri busi ñayijarã ñna. 26 ñna gãmeri busija bero Juan tũ ejacõri ado bajiro seniñayijarã ñna:

—Gũare riasogũ, ¿Jordán wame cutirisa sidũja mũ tigorũre masiati mũ? Ñ gayere gũare busibũ mũ. Adi rũmũri bũto masare idé guguĩji. Ito bajiri masa ñre riti sũyarãji ñna, yi gotiyijarã ñna Juan idé guri masũre.

27 Ñna ito yija tũocõri:

—Ñe manoti ñarãji masa, Dios ã ñsibeja. Dioti ñami masa ñna moaroti cũri masũ. 28 “Yũ meje ña Cristo. Ñ ejaroto riojũa Dios ã cõa yurũ ña yũ”, yiari mũare goticãcũ yũ. “Ito bajiro gotiquĩ Juan gũare”, yi masirã ñna mũa, yiyijũ Juan ã rãca riasotirãre. 29 Goti masiore ocana ado bajiro gotiyijũ Juan: “Ãmo siari rũmũ isore ñiagũ, iso manũjũ ñarocũ ñaguĩji ã. Ñ, ãmo siagũ baba, ã ãmo siare gaye ã tũoja bũto wanũ quenagũ yiguĩji ã. ‘Masare idé gũgũ yiguĩji’, mũa yija tũocõri, itire bajiroti wanũ quena yũ cũni. 30 Yũ rêtoro ñasagũ ã ñnare ãmoa yũ. Yũre ñna rũcũbũoro rêtõ

b̄saro masa ĩre r̄c̄ub̄ore ãmoa ȳ”, yiyij̄ Juan ĩ r̄ca riasotir̄are.

Ũmac̄j̄ wadir̄ ñami Cristo, yire gaye

³¹ Ũmac̄j̄ gaḡ wadir̄, ĩ ñami ñasaḡ. Ñim̄ ḡaji ĩ r̄toro ñasaḡ maqūji. Adi mac̄r̄c̄uroj̄ rujeā ĩ ñami adi mac̄r̄c̄uro gaḡ. Ito bajiri adi mac̄r̄c̄uro gaye b̄siami ĩ. Ũmac̄j̄ gaḡ wadir̄ama ĩ ñami ñasaḡ. ³² ĩ tigure, ĩ t̄ogore c̄ni b̄siami ĩoc̄. Ito bajibojarocati, noaj̄a queno t̄or̄n̄beama ĩ b̄sirisere. ³³ No ĩre t̄or̄n̄ḡati, “Queno riojo yiḡ ñami Dios”, yi masigūji ĩoc̄. ³⁴ Dios ĩ c̄ar̄ama Dios ocareti gotigūji. Jabetac̄a meje ĩ ya us̄i queo s̄aḡ yigūji Dios ĩre. ³⁵ ĩ Mac̄re maiḡ, “Jeyaro rotijaro ĩ”, yiroc̄a Cristore c̄ñi man̄i Jac̄a Dios. ³⁶ No Dios Mac̄re t̄or̄n̄ḡati catit̄ñaḡ yigūji. ĩ Mac̄re t̄or̄n̄bic̄ama catit̄ñare b̄jabic̄a yigūji. ĩoc̄reama b̄to ñeñaro ĩ t̄b̄jaroca yiḡ yigūji Dios.

4

Samaria sita gago r̄ca Jesús ĩ b̄sire gaye

¹ “Juan r̄to b̄saro masare id̄e guami Jesús, ito yic̄ori ĩre j̄jar̄a b̄sa s̄yama ĩna”, yire gaye masiñi fariseo gaye t̄oĩar̄a. ² Quenogoroama Jesús meje masare id̄e guqū. Ḡna Jesús r̄ca riasotir̄j̄ masare id̄e guc̄ ḡna. ³ Fariseo gaye t̄oĩar̄a ĩna masija t̄oc̄ori, Judea sitare wacoac̄ ḡna Jesús r̄ca. Ito yic̄ori Galilea sitaj̄ wac̄ ḡna m̄cana.

⁴ Ito war̄a riti Samaria sitaj̄ ejac̄ ḡna. ⁵ Ito r̄eta wac̄ori, Sicar wame c̄t̄iri c̄toj̄ ejac̄ ḡna. Iti c̄to

Jacob ñayor_u ñ mac_u Josére ñsira sita t_u ñac_u iti c_uto.
⁶ Itoj_u ñac_u Jacob ñayor_u ya ide goje. Boga wadir_u
 ñari iti goje t_u eja r_uj_uq_uí Jesús. Ëm_ua g_udaresco
 ejarec_oro ñac_u. ⁷⁻⁸ G_uama ñ r_uca riasotir_u c_utoju
 wac_u bare waja yir_u war_u. Itoj_u Jesús ñ rujiroca,
 s_ug_o Samaria sita gago ide g_oñag_o ejayijo. Iso ejaja
 tic_ori, isore ado bajiro ide seni_uyij_u Jesús:

—Ide io_uya y_ure, yiyij_u ñ isore.

⁹ Ide ñ seni_uja t_uoc_ori, ado bajiro yiyijo Samaria
 sita gago:

—¿M_u no yija judio mas_u ñabojag_uti, y_u Samaria
 sita gagore ide seni_uati m_u? yiyijo iso Jesure.
 Samaria sita g_una r_uca judio masa r_uca queno baba
 c_utibitic_ori, ito bajiro yiyijo iso.

¹⁰ Iso ito bajiro yija t_uoc_ori:

—Dios ñ ñsiroti m_u masija, ito yic_ori, “Ñ ñami y_ure
 ide senig_u”, m_u yi masija, y_uñ_uare ide seniboroja
 m_u. Ito bajiro m_u yija, ide catit_uñare gaye m_ure
 ñsibor_uja y_u, yiyij_u Jesús isore.

¹¹ Ito ñ yijare:

—Ñena ide g_oñare ma m_ure. Jubej_u ña ide goje.
 ¿Noj_u gaye y_ure ide catit_uñare gaye ñsig_u yig_ujada
 m_u? ¹² Mani rioj_ua gag_u Jacob ñayor_u adi goje ide
 gojere c_uñi ñ. ñ c_uni idiñi iti goje gaye. ñ r_ua c_uni
 idiñi. ñ ya ecana c_uni idiñi. ¿Ñ r_uto b_usaro ñasag_u
 ñati m_u? yiyijo iso Jesure.

¹³ Ito bajiro iso yija t_uoc_ori, ado bajiro c_udiyij_u
 Jesús isore:

—No adi goje gaye ide idibojar_uti, m_ucana t_udi
 idi ñmocoar_u yir_uji. ¹⁴ No ide catit_uñare gaye y_u
 ioana, m_ucana t_udi idi ñmomena yir_uji. Y_u ñnare ide

iorise ide ũmaburi goje robo bajiro ũmabato ñaro yiroja, ñna catifñatoni, yiyijꝯ Jesús isore.

¹⁵ Ito ñ yija tꝯocõri:

–Yꝯ Ujꝯ, iti gaye ide ãmoa yꝯ cꝯni, mꝯcana tꝯdi ide yꝯ idibe yiroco. Ito yicõri mꝯcana tꝯdi adi goje gõnagõ wadibe yiroco, yiyijo iso Jesure.

¹⁶ Ito yija, ado bajiro yiyijꝯ Jesús isore:

–Wasa, mꝯ manꝯjꝯre jitẽña, ito yicõri adoju waya, yiyijꝯ Jesús isore.

¹⁷ Ito ñ yija ado bajiro cꝯdiyijo iso:

–Manꝯjꝯ maco ña yꝯ, yi cꝯdiyijo iso.

–“Manꝯjꝯ maco ña yꝯ”, mꝯ yirise riti ya mꝯ. ¹⁸ Co dꝯjamocõ ũmꝯa rãca ñagoro ña mꝯ. Ito bajicõri adocãta mꝯ rãca ñagã, mꝯ manꝯjꝯ meje ñami ñ. Ito bajiri, “Manꝯjꝯ maco ña yꝯ”, mꝯ yiriseama riti ya mꝯ, yiyijꝯ Jesús isore.

¹⁹ Ito ñ yija tꝯocõri, ado bajiro yiyijo iso ñre:

–Yꝯ Ujꝯ, jeyaro masigũocũ ña mꝯ. “Diore goti ñsiri masꝯ ñami ãni”, ya yꝯ mꝯre. ²⁰ Gꝯa Samaria sita gãna ñicꝯsabatia, adi buroju Diore rãcꝯbꝯoñi. Mꝯa judio masama, “Jerusalénjꝯ Diore rãcꝯbꝯoja quena”, ya mꝯáma, yiyijo iso Jesure.

²¹ Iso ito yijare:

–Yꝯre tꝯorũnũña romio mꝯ. Co rꝯmꝯ Diore mꝯa rãcꝯbꝯoroti rꝯmꝯ ejaro yiroja. Adi buro meje, ito yicõri Jerusalénjꝯ wamenati Diore rãcꝯbꝯo ñarã yirãji mꝯa. ²² Mꝯa Samaria sita gãna, mꝯa rãcꝯbꝯorocꝯre queno masibea mꝯa maji. Gꝯama, gꝯa rãcꝯbꝯorocꝯre queno masia. Gꝯa judio masana sꝯoriti masare masogũ yiguñji Dios. ²³ Ija ñaro yiroja, ito yicõri adocãta cꝯni ña, riojo Diore masa ñna rãcꝯbꝯo ãmosaja, ñna ya usijꝯ ñre rãcꝯbꝯorã yirãji ñna. Ito bajiro ñre rãcꝯbꝯore ãmoami mani

Jacu. ²⁴ Ruju meje ñami Dios. Usiti ñami ñ. Ito bajiri Dios ñ ãmoro bajiro riti Espiritu Santo ñ ejabuarisena Diore mani rucubhoja quena, yiyiju Jesús isore.

²⁵ Ito ñ yija tucõri, ado bajiro yiyijo iso:

—Dios ñ cõaru, Mesías ejagu yiguñji, yi tucõia yu. Ñ ñaguñji Cristo ñna yigu. Ñ ejagujü, guare queno goti rõtobugü yiguñji, yiyijo iso Jesure.

²⁶ Iso ito yija:

—Yu adocãta mare busigu, ñti ña, yiyiju Jesús isore.

²⁷ Ito bajiro ñ yi ñaroca, tãdi ejacu gua ñ rãca riasotirã. Romio rãca ñ busija ticõri, jabeto ti ucacu gua. Ito bajibojarocati, “¿Ñe gaye ñre ãmoati mü? ¿Ñe gaye isore seniñati mü?” yi seniñabiticü gua.

²⁸ Ito yirocati ide gõnaradu jidi rojocõri cutojü wacõ iso. Cutojü ejacõri, masare ado bajiro gotiyijo iso:

²⁹ —Jeyaro yu yigore, “Ado bajiro yicu mü”, yi gotigure tirã waya müa cani. ¿Cristo meje ñaguñjida müaca? yiyijo iso masare.

³⁰ Ito bajiro iso yija tucõri, Jesure ti ãmorã gua tu ejacã iti cuto gãna. ³¹ Ito bajiroca riti:

—Guare riasogu, jabeto baya maji, yi josa ñacu gua.

³² Ito gua yibojarocati, ado bajiro cudiqui Jesús:

—Müa masibiti, yu baroti ñacã yure, yiqui Jesús guare.

³³ Ito bajiro ñ yija tucõri:

—¿Sĩgũ ñre bare cũgũ ejaruda? yi gãmeri seniñasucü guamasiti.

³⁴ Ito bajiro gua gãmeri busija tucõ masicõri, ado bajiro yiqui Jesús guare:

—Yure cōaru ï āmoro bajiro yu yija, ito yicōri iti moare yu gajanoaja, iti ña yu ya bare bajiro bajirise. Masama bare ba wanusotiamama. Yumama yure cōaru ï āmoro bajiro yicōri wanua yu. ³⁵ “Juararā ũmacañi ruya maji, ote iti bucuaroto”, ote wese ujū ï yiado bajiro yi tūoñabesa mua. “Masare Dios oca mani riasorijū ejabea maji”, yi tūoñabesa mua. Yumama ado bajiro ya: Ote bucuaacoajū ïja, adocāta āmija quena. Tiya, masa jājarā yure tūorūnuroca ñacāma ïja. Adocāta ñnare riasoja quena. ³⁶ No ote miojuguti, waja boca āmigū yiguñji. Itire bajiroti, no yure masa ñna tūorūnuroca yigure ïre queno waja yigū yigūja yu. ï ñami catitññare gaye masa ñna buja masiroca yigū. Ito bajiri yu oca masare riasogu cūni, yure masa ñna tūorūnuroca yigū cūni corocōti wanurā yirāji ñna. ³⁷ Riti bajaia bucārā ñna busigore: “Sīgū ñaguñji otegu. Gāji ñaguñji itire miojugū”, yiyijarā bucārā. Riti bajaia iti. Tūote. Coriarā ñama yu oca masare riasorā. Gājerā ñama yure masa ñna tūorūnuroca yirā. ³⁸ Ote wese ujū ricare mioju rotigū yiguñji ï ya moari masare, otegoana meje ñna ñabojarcati. Yu cūni ito bajiroti mūare cōa, yure masa ñna tūorūnuroca mua yi masitoni. Yu oca ñnare riasosuoana meje ñabojarcati mūare cōa yu. Mua riojua gājerā ñnare riasosuoñi. Ito bajiri josari mejeti yure ñna tūorūnuroca yi masirā yirāji mua, yiquñ Jesús gūare.

³⁹ “Jeyaro yu yigore yure gotiquñ ï”, romio iso yi gotija tūocōri, jājarā iti cūto gāna Samaria sita gāna Jesure tūorūnucā ñna ïja. ⁴⁰ Ito bajiri iti cūto gāna Jesure ti wanucōri gūare tuja roticā ñna. Ito bajiri ñna rāca jua rūmū ñacu gūa. ⁴¹ Jesumasiti ï riasoja

tʰocōri, jãjarã busa ãre tʰorũncã ãna. ⁴² Jesure tʰorũncōri, ado bajiro busicã ãna romiore:

—Mure gʰa tʰogore gaye riti meje, ãre tʰorũna gʰa. Adocãta gʰamasiti ãre tʰocōri, tʰorũna gʰa ãja. “Ïti ñami Cristo, adi macãrucãro gãnare masoroca”, yi ti masia gʰa ãja, yicã iti cʰto gãna romiore.

Ñasagu macure Jesús ãyisioire gaye

⁴³ Ito yija bero, jʰa rumʰ beroti Samaria sitana ñacōri, Galilea sitajʰ wasuoca gʰa mucana Jesús rãca. ⁴⁴ Riti bajia Jesús ã busigore: “Diore goti ãsiri masure ã ya sita gãna ãre queno rãcubʰomenaji”, yi gotiquĩ Jesús gʰare. ⁴⁵ Galilea sitajʰ Jesús rãca gʰa ejaroca, queno boca ãmicã ito gãna. ãna cʰni Jerusalénjʰ pascua basa ti tʰdi ejana ñaãni. Ito yicōri iti basa rumʰari jeyaro Jesús ã yigore tiana ñari seyoñi ãna cʰni.

⁴⁶ Ito yija bero, Galilea sitajʰ Caná wame cʰtiri cʰtojʰ tʰdi wacʰ gʰa Jesús rãca. Ito ñacʰ idena uyé ide ã godo weogorajʰ. Itojʰ ñaquĩ sãgũ ʰjʰre moa ãsiri masʰ ñasagu. ã macʰ Capernaum wame cʰtiri cʰtojʰ cõ ñaãni. ⁴⁷ “Judea sitana wacōri, Galilea sitajʰ ejayijʰ Jesús”, yija tʰocōri, ãre tigʰ ejaquĩ ʰjʰ ya moari masʰ ñasagu. Jesús tʰ ejacōri ado bajiro josaquĩ ã ãre:

—Yʰ ya wijʰ waya. Yʰ macʰ cõ wacʰ yiguĩji. Yʰ macure yisio gʰ waya, yiquĩ ã Jesure.

⁴⁸ Ito ã yija tʰocōri, ado bajiro yiquĩ Jesús:

—Tiyamani mʰa tibeja, yʰre queno tʰorũnabea mʰa, yiquĩ Jesús ãre.

⁴⁹ Ito bajiro ã yibojarocati:

—Yʰ ʰjʰ coji waya, yʰ macʰ ã godare ãmobe a yʰ, yiquĩ moa ãsiri masʰ ñasagu Jesure.

50 Ito ï yija tɔocõri:

—Mɔ ya wijɔ tɔdi wasa. Mɔ macɔ catiguĩji, yiquĩ Jesús ïre.

Ito bajiro Jesús ï yija tɔocõri, “Riti gotiami Jesús”, yi tɔorũnuquĩ ï. Ito bajiri ï ya wijɔ tɔdi wasoquĩ ï ïja. 51 ï ya wijɔ ejagɔ wagɔ ï yiroca ïre ejabɔari masa ado bajiro ïre goti bocayijarã ïna:

—Mɔ macɔ caticoami ïja, yiyijarã ïna.

52 ïna ito yija tɔocõri:

—¿Nocãta catisɔori yɔ macɔ? yi seniĩayijɔ ï ïnare.

—Ñamica, ïmacañi ï juja rãgũrijɔ, ïre ñiotarɔjobɔ, yiyijarã ïna, ïna ɔjɔre.

53 Ito bajiro ïna yija tɔocõri, tɔoĩa bɔjayijɔ ï. “Itocõ ïmacañi ï juja rãgũrijɔti, ‘Mɔ macɔ catiguĩji’, yi gotimida Jesús yɔre”, yi tɔoĩa bɔjayijɔ ï. Ito bajiri ï, ï ñarã cɔni Jesure tɔorũnyijarã ïna ïja.

54 Iti ñacɔ bero gaye tiyamani Jesús ï ïore, Judea sitana, Galileajɔ tɔdi ejacõri, ï ïore gaye.

5

Cõ ñarɔre Jesús ï yisioŕe gaye

1 Ito bajija bero mɔcana tɔdi basa menicã judio masa. Ito bajiri itire tigɔ waquĩ Jesús mɔcana Jerusalɛnjɔ. ï rãca wacɔ gɔa cɔni. 2 Iti cɔto Oveja wame cɔtiri soje tɔ ñacɔ masa ïna guarita. Hebreo ocana Betzata wame cɔticɔ itira. Itira tɔ co dɔjamocõ jɔri ñacɔ ide ñura jɔri. 3 Iti roca cõrã jãjarã jacajɔ cũñacã. Cajea mana, queno wa masimena cɔni, ito yicõri ruduana cɔni ñacã itojɔ. “¿Nocãta iti jacũja tiana?” yirona bocati cũñacã ïna. 4 Co rɔmɔrea ángel ruji ejacõri, ide jacũroca yiñi. Ito ï yija bero, no itira cajero quedi roasɔogɔreti

ĩ ñarise cãtirise rêtacoayijũ ãja. ⁵ Itojũ cõrã wato sãgũ ñaquĩ treinta y ocho rodori cõ ñarũ. ⁶ Ñ cũñaja ticõri, “Yoariguti cõri seyoñi ãni”, yĩ tiquĩ Jesũs ãre. Ito bajiri ado bajiro ãre seniãaquĩ Jesũs:

—¿Mũcana tãdi cati quenagũ ña ãmoati mũ? yiquĩ Jesũs ãre.

⁷ Ito bajiro ã yija tũocõri:

—Yũ Ujũ, sãgũjũa yũre idejũ queo roagũ mami, iti jacũroca. Coji ruyabeto yũ ide cão ãmobarocati, gãjerã riti yũ riojũa ide cũosotiana, yiquĩ ã Jesure.

⁸ Ito ã yija:

—Wũmũña, mũ ya cama ãmi wasa, yiquĩ Jesũs ãre.

⁹ Ito ã yirocariti, queno cati quenagũ ñacõaquĩ ã mũcana. Ñ ya cama ãmicõri, wasũoquĩ ã. Iti rãmãti gũa judio masa ya tujacãra rãmũ ñacu. ¹⁰ Ito bajiri ã ya camare ã gajaja ticõri, ado bajiro yicã judio masa ãre:

—Jane tujacãra rãmũ ña. Ito bajiri mũ ya camare gajare ma mũre, yicã judio masa.

¹¹ Ado bajiro cãdiquĩ ã cõgorũ:

—Mũcana tãdi cati quenaroca yũre yigũ, ado bajiro yimi yũre: “Mũ ya camare ãmi wasa”, yimi ã yũre, yiquĩ ã judio masare.

¹² Ito ã yija tũocõri:

—¿Ñimũ ñari, “Mũ ya camare ãmi wasa”, mũre yigũ? yĩ seniãacã ãna ãre.

¹³ Ito bajiro ãna seniãobarocati, “Ñ ñami”, yĩ masibitiquĩ ã. Itojũ masa jãjarã ñacã. Ito bajicõri Jesuama masa jãjarã watojũ wa godacoaquĩ ã.

¹⁴ Mũcana ito bero Dios ya wijũ gũa ñaroca, ti bũjaquĩ Jesũs mũcana ã yisorũre. ãre ti bũjacõri, ado bajiro yiquĩ Jesũs ãre:

—Tɔoya, queno tɔdi mɔcana catia mɔ. Mɔcana tɔdi ñeñaro yibeja, bɔto bɔsa mɔ tɔbɔjabe, yiquĩ Jesús ãre.

¹⁵ Ito ã yibojarocati mɔcana tɔdi judio masa tɔ wacɔri, “Jesuti ñami, mɔcana tɔdi yɔ cati quenaroca yigɔ”, yi judio masare gotiñi ã. ¹⁶ Ito bajiro ã yija tɔocɔri, Jesure sãã amorã ɔsirio codecã ãna. Tujacãra rɔmɔ ñabojarocati cɔgãre ã yisioja ticɔri, ãre sãã amocã ãna. ¹⁷ Gɔa tɔjɔ ãna ejaja ticɔri, ado bajiro yiquĩ Jesús ãnare:

—Moatĩnagɔ ñami yɔ Jacɔ. Ito bajiri yɔ cɔni moatĩña, yiquĩ Jesús ãnare.

¹⁸ Ito bajiro ã yija tɔocɔri, bɔto bɔsa ãre sãã amocã ãna. Tujacãra rɔmɔ ñaroca cɔgãre ã yisioarena sɔori meje, ãre junisinicã ãna. “Dios ñami yɔ Jacɔ”, Jesús ã yija tɔocɔri, “Dios robo bajiro ñasagɔ ña yɔ”, yirocɔ yami ã, yi tɔoĩacã ãna. Ito bajiri bɔto bɔsa ãre sãã amocã ãna ãja.

Dios Macɔ ñari ã rotirisena sɔori Jesús ã ñare gaye

¹⁹ Ito bajiro ãna tɔoĩaja ti masicɔri, ado bajiro yiquĩ Jesús, ãnare:

—Riti mɔare gotia yɔ. Yɔ, Dios Macɔ, yɔã amoro bajiro riti meje ya yɔ. Yɔ Jacɔ ã yirise ticɔri, ito bajiro ya yɔ. Jeyaro yɔ Jacɔ ã yiro bajiro ti yɔ ã Macɔ cɔni ito bajiro ti ya. ²⁰ Yɔ Jacɔ yɔre maicɔri, jeyaro ã yirise yɔre ãoami ã. Ito yicɔri bɔto bɔsa ñasarise yɔre ãogɔ yiguĩji maji. Ito bajiro yɔre ã ãja ticɔri, ti ɔcarã yirãji mɔa. ²¹ Godarãre mɔcana ãna tɔdi catiroca yami yɔ Jacɔ. Ito bajiri yɔ, ã Macɔ cɔni ãna catiroca yɔ yiãmoja, ãna catiroca yigɔ yigɔja yɔ. ²² Masa ãna ñeñaro yirise cɔĩagɔ meje ñami yɔ Jacɔ. Yɔjɔare cũni ã, masa ãna ñeñaro yirise yɔ cɔĩatoni.

²³ Ito bajiro yiñi yu Jacu, ãre ãna rucuburo bajiroti yure canì ãna rucubotoni. Yure rucubobicu, yu Jacu, yure cõarure canì rucubobiquĩji, yiquĩ Jesús judio masare.

²⁴ Gaje ado bajiro gotiquĩ Jesús:

—Riti mure gotia yu. No yu busirisere tuorunugũ, yure cõarure canì tuorunugũti catitĩnagũ yiguĩji ã. Ìocũre ruyuriobicu yiguĩji Dios. Godabojaguti catitĩnagũ yiguĩji Ìocũ. Ito bajiri catitĩnagũ yiguĩji ã ãja. ²⁵ Riti mure gotia yu. Yure tuorunumena godacãna robo bajiro bajirã ñama ãna. Ìja ñaro yiroja, adocãta canì ña, yu Dios Macu busirisere tuorã yirãji ãna. Yure ãna tuorunuja, catitĩnarã yirãji. ²⁶ Catitĩnare gaye rucogu ñami yu Jacu. Ito bajiri masa ãna catiroca yi masiamì ã. Masa ãna catitĩnaroca yu yitoni, yure cũquĩ Cuna. ²⁷ Masa Rĩjoru, yu ñajare masare ãna ñeñaro yirise yu waja senitoni, yure cũquĩ Cuna, ya yu mure. ²⁸ Ito bajiro yu yija tuocõri, tuocabesa mure. Ìja yu busirise godana jeyaro tuocõri jedirã yirãji. ²⁹ Yu oca tuocõri, masari cuma ñana budirã yirãji ãna. Queno yigoana, tuocõri, Dios rãca catitĩnarã yirãji ãna. Ñeñaro yigoanama, tuocõri ãna catiroca ãnare waja senigũ yiguĩji Dios. Ito yicõri jeame ãjuroju ãnare cõagũ yiguĩji ã, yiquĩ Jesús judio masare.

Ìrotirise yure cũñi Dios, Jesús ã yire gaye

³⁰ Gaje ado bajiro gotiquĩ Jesús ãnare:

—Yu ãmoro bajiro riti yirocu meje wadicu yu. Masare ãna ñeñaro yirise waja yu senija, Dios ã rotiro bajiroti ya yu. Masare ãna ñeñaro yirise yu waja senija, ñeñaro ãna yiadocõti senia yu. Yu ãmoro bajiro meje ya yu. Yure cõaru ã ãmoro bajiroju ya

yɯ. ³¹ “Yɯti ña Dios ĩ cōaru”, yɯ yibojaja, “Īti ñami”, yɯ masimenaji gājerã. ³² “Īti ñami Dios ĩ cōaru”, yɯre yɯ ĩsigũ ñami gāji. Yɯre ĩ bɯsi ĩsirise, oca riojo ñasarise ña. Ito bajiri ĩre tɯorã yirãji masa. ³³ “¿Īti ñati Dios ĩ cōaru?” yɯ Juan idé guri masɯre seniña rotiyija mɯa. Mɯare ĩ cɯdire, riti ña. ³⁴ “Riti, Dios ĩ cōaru ñami Jesús”, Juan idé guri masɯ yɯre ĩ bɯsi ĩsija, ĩ bɯsi ĩsibeja cɯni no yibea, Dios ĩ cōaru ti ña yɯ. Juan idé guri masɯ gaye mɯare gotia yɯ, Dios ĩ masoana mɯa ñatoni. ³⁵ Mɯa tɯo masijaro yirocɯ, busurica yocōri yigɯre bajiro yiñi Juan. Ito bajiri ĩre tɯocōri, wanɯyija mɯa. ³⁶ Juan yɯre ĩ bɯsi ĩsigore rēto bɯsaro ñasarise ña yɯre. Tiyamani yɯ ĩorise, iti ña yɯ Jacɯ ĩ rotire. Itire ticōri, “Riti Dios ĩ cōaru ñami”, yɯ masirãji mɯa yɯre. ³⁷ Yɯ Jacɯ yɯre cōaru cɯni, “Riti ãni ñami yɯ cōaru”, yɯ yɯre bɯsi ĩsiquĩ. Īreama tɯogoana meje, tigoana meje ña mɯa. ³⁸ Ī ocare tɯo ãmorã meje ña mɯa. Yɯre ĩ cōarɯre cɯni tɯorãñubea mɯa. Ito bajiri mɯa ya ɯsijɯ ĩ ocare queno tɯo masibea mɯa. ³⁹ Dios oca tutire queno ticōri rēoariti riasotia mɯa. Catitiñare gaye bɯja ãmorã, itire riasotia mɯa. Yɯ gayereti gotia Dios oca. ⁴⁰ Ito bajibojarocati yɯre boca ãmi ãmobeja mɯa. Yɯre mɯa boca ãmija, catitiñare gaye bɯjarã yirãji mɯa.

⁴¹ Masa yɯre ĩna rɯcɯbɯotoni meje wadicɯ yɯ. ⁴² Mɯare ti masia yɯ. Ito bajiri, “Diore mairã meje ña mɯa”, yɯ ti masia yɯ mɯare. ⁴³ Yɯ Jacɯ ĩ rotirisena wadirɯ ña yɯ. Ito bajibojarocati yɯre boca ãmibeja mɯa. Sĭgũ ĩ ãmoro bajiro ĩ wadija, ĩreama boca ãmirã yirãji mɯa. ⁴⁴ Mɯamasi gãmeri rɯcɯbɯorejɯa ãmobeja mɯa. Dios sĭgũti

ñami mani Ҳу. Ito bajibojarocati ãre сuдibiticõri m̃are ã wañroca yibea m̃a. Ito bajiro bajirã ñari ỹre сuни тuor̃uñabea m̃a. ⁴⁵ Ỹ Jacu ri-ojo, “Ïnare seti ña”, yibicuja yu m̃are. Moisés ñayoruti ñaguñji, “M̃are seti ña”, yigu. Moisés ñayoru ã rotirisena сuoriti, “Dios tu ejarã ya mani”, yi тuoĩaboya m̃a. ⁴⁶ Ỹ gaye ucayoñi Moisés ñayoru. Ïucarisere m̃a тuor̃uñaja, ỹre сuни тuor̃uñaboana m̃a. ⁴⁷ Ï ucagore gaye m̃a тuor̃uñabeja, ỹre сuни тuor̃uñamena yirãji m̃a, yiquĩ Jesús judio masare.

6

Cinco mil ñarãre Jesús ã ecare gaye

(Mt 14.13-21; Mr 6.30-44; Lc 9.10-17)

¹ Ito bajiro ã yija bero, itajura Galilea wame cutirita siduja j̃ea wacu гуа Jesús rãca. Tiberias wame cuticu gaje itira wame. ² Cõrãre Jesús ã yisioja ticõri, ito yicõri tiyamani ã ñoja ticõri, jãjarã masa сuyacã гуаре. ³ Gaje dujaju ejacõri, gaje buro maja wacu гуа Jesús rãca. Itoju Jesús rãca rujicu гуа ã rãca riasotirã. ⁴ Pascua basa judio masa ña meniroti nocõ mejeti рууасу. ⁵ Jãjarã masa Jesure ña сuyaja ticõri, ado bajiro yiquĩ ã Felipere:

— Æna masa jeyarore yiari, ¿no bare waja yirã yirãjida mani? yiquĩ Jesús Felipere.

⁶ “Ado bajiro yigu yiguja yu”, yi masibojaguti, “No bajiro Felipe ã сuдija, тuocuja”, yirocu seniñari seyoquĩ Jesús. ⁷ Ito yijare Felipe ado bajiro сuдiquĩ:

— Doscientos niyeru cujirina naju yu waja yibojaja сuни, masa jeyarore т̃jabetoja, yiquĩ ã Jesure.

⁸ Ito ï yija tʉocõri, ado bajiro cʉdiquĩ gʉa rãca gagʉ, Andrés wame cʉdigʉ. Ì cʉni Jesús rãca riasotigʉti ñaquĩ. Ìti ñaquĩ Simón Pedro ocabaji. Ado bajiro yiquĩ ï:

⁹ —Ado ñami sīgũ macʉacã, co dʉjamocõ cebada wame cʉtirise naju rʉcogʉ ito yicõri wai jʉarã rʉcogʉ. Masa jãjarã ïna ñajare tĩjado ma adi, yiquĩ Andrés.

¹⁰ Ito ï yija:

—Masa jeyarore ruji rotiya, yiquĩ Jesús.

Ta quenarise jaje ñacʉ itojʉ. Ito bajiri cinco milcõ ʉmʉa rujicã ïna. ¹¹ Ìna rujija ticõri, ï ya ʉmona naju ʉmiquĩ Jesús. “Queno ya Dios mʉ”, yicõri, gʉa ï rãca riasotirãre ïsiquĩ Ì. Gʉajʉa ito rujirãre batocʉ ïja. Waire cʉni ito bajiroti batocʉ gʉa. Masa ïna ʉmorocõti ïsicʉ gʉa. ¹² Masa ïna yajija ticõri, ado bajiro yiquĩ Jesús gʉare:

—Rʉyarise miojuya, iti godabe yirona, yiquĩ Jesús gʉare.

¹³ Cebada wame cʉtirise naju rʉyarise jʉa gʉbojeno jibʉri dajacʉ, gʉa bato rʉarise. ¹⁴ Ito bajiro tiyamani Jesús ï ïoja ticõri, ado bajiro yicã masa:

—Riti, Diore bʉsi ïsiri masʉ ñami ʉni, adi macãrʉcãrojʉre mani bocatirʉ, yicã masa.

¹⁵ “Yʉ ʉmobitibojarocati yʉre ʉmi wacõri, cʉto ʉju yʉre cũ ʉmoama ʉna”, yì tʉoĩacõri, sīgʉti tʉria joeju maja waquĩ Jesús.

*Ide joe Jesús ï ware gaye
(Mt 14.22-27; Mr 6.45-52)*

¹⁶ Iti rãioja ticõri, gʉa Jesús rãca riasotirã itaju-rajʉ roja wacʉ. ¹⁷ Iti rãitĩaja tibo jagʉti gʉa tʉ tʉdi

ejabitiqũ Jesús maji. Ito bajiri cumajũ sãjacõri jêa wasuocũ gũa, Capernaum wame cutiri cutojũ ejarã warã. ¹⁸ Ito bajiro gũa jêa waroca bato mino wêasuocũ. Ito yicõri jacũrise bucu, curise jacũcu. ¹⁹ Cinco, seis kilómetrocõ gũa wa tujaroca, ide joe cada wadicõri cuma tujũ Jesús ã wadija ticũ gũa. Ito bajijare ti ucacũ gũa ãja. ²⁰ Gũa ti ucaja ticõri, ado bajiro yiquĩ Jesús:

—Yuti ña. Güibesa, yiquĩ Jesús guare.

²¹ Ito ã yija tuocõri, wanũre rãca boca ãmicũ gũa ãre ãja. Ito yija bero yoari mejeti gaje dũja jêa ejacu gũa, gũa tuoĩa warojũ.

Jesure masa ãna ãmare gaye

²² Ito bero gaje rumũ itajura gaje dũja tujana, “Ñari cumanati wañi ãna. Ito bajibojarocati Jesuama wabisĩ ãna rãca”, yicã ãna. ²³ Ito bajiro ãna baji ñaroca Tiberias cuto gãna gaje cumarina ejayijarã ãna tu. “Queno ya Dios mũ”, yĩ Jesús ã gotirajũ tu, ito yicõri masa ãna bagorajũ tu ejayijarã ãna. ²⁴ Itijũ Jesús ã manija ticõri, gũa ã rãca riasotirã gũa manija ticõri, iti cumarina Capernaumjũ ãre ãmarã wayijarã ãna.

Jesuti ñami catitĩñare gaye rucogũ, yire oca

²⁵ Itajura sidujajũ ejacõri guare ti bujacã ãna ãja. Jesure ti bujacõri ado bajiro ãre seniãcã ãna:

—Guare riasogũ, ¿nocãta ado ejari mũ? yĩ seniãcã ãna Jesure.

²⁶ Ito bajiro ãna yija tuocõri:

—Riti mũare gotia yũ. Yaji quenaro babũ mũa, ito bajiri yũre ãma mũa. Tiyamani yũ ãorise gaye ti masicõri meje yũre ãma mũa. ²⁷ Bare jedirise gaye

bujarona meje moaña m̄ua. Bare jogarise gaye meje, catitĩñare gaye bujarona moaña m̄ua. Ȳu ña Masa Rĩjor̄u, bare jogabiti gaye m̄uare ĩsiroc̄u. “Ito bajiro ĩ yitoni ĩre cũñi Dios”, ȳure m̄ua yi masiroca yami Dios, yiquĩ Jesũs masare.

²⁸ Ito ĩ yija ĩre seniĩacã ĩna:

—¿No bajiro Dios ĩ ãmoro bajiro yirãjida ḡua? yicã ĩna Jesure.

²⁹ ĩna ito yija t̄uocõri, ado bajiro c̄udiquĩ Jesũs:

—Dios ĩ cõarure m̄ua t̄uor̄ũn̄ure ãmoami Dios, yiquĩ Jesũs masare.

³⁰ Ito ĩ yijare:

—¿Ñe tiyamani ḡuare ĩogũ yiḡujada m̄u, itire ticõri m̄ure ḡua t̄uor̄ũn̄toni? ¿Ñe gaye ḡuare ĩogũ yiḡujada m̄u? ³¹ Mani ñic̄usabatia ñayoana yuc̄u manoj̄u ña ucurã, maná wame c̄utirise bayijarã ĩna maji. Itire gotia Dios oca c̄uni. T̄uote: “Ũmac̄ũju gaye naju ĩnare ecaroc̄u queoñi Dios”, yi gotia Dios oca, yicã masa Jesure.

³² ĩna ito yija t̄uocõri, c̄udiquĩ Jesũs:

—Riti m̄uare gotia ȳu. Moisés ñayor̄u meje ũmac̄ũju gaye naju ĩnare ecañi. Ȳu Jac̄uti ñañi ũmac̄ũju gaye naju ñasarise ĩnare ecaru. ³³ Naju ũmac̄ũju gaye ñasarise r̄ucoḡu ñaguĩji Dios ĩ cõar̄u. Naju ñasarise r̄ucocõri, masare catitĩñare ĩsigũ yiguĩji ĩ, yiquĩ Jesũs masare.

³⁴ Ito ĩ yija:

—Ḡua Ũju, iti naju catitĩñare gaye riti ḡuare eca-sotiya, yicã ĩna Jesure.

³⁵ Ito ĩna yija t̄uocõri, ado bajiro yiquĩ Jesũs ĩnare:

—Ȳuti ña naju ñasarise r̄ucoḡu, ito yicõri catitĩñare ĩsigũ. No ȳure boca ãmigũti j̄uaji ñiocõbic̄u yiguĩji

ĩ. Najuro babojarāti m̄cana t̄di ñiocōrã yirãji m̄na. Ide idibojarāti m̄cana t̄di idi ãmorã yirãji m̄na. No ȳre boca ãmigūti ñe gaje ãmobic̄u yigūji. No ȳre t̄orãnugūti ñe gaje ãmobic̄ōri queno wan̄u quenagū yigūji. ³⁶ “Ȳre tibojarāti, ȳre t̄orãnubea m̄na”, ȳari m̄are gotic̄u ȳu. ³⁷ No ȳre boca ãmirāti, ñna ñama ȳ Jac̄u ȳre ĩ ĩsiana. No ȳre boca ãmi ãmogūre, ĩre r̄ebic̄uja ȳu. “Ȳre boca ãmibesa m̄”, ȳibic̄uja ȳu. ³⁸ Ūmac̄juna wadic̄ōri, ȳu ãmoro bajiro yiḡu meje wadic̄u ȳu. Ȳre c̄ōar̄u ĩ ãmoro bajiro ȳiroc̄u wadic̄u ȳu. ³⁹ Ado bajiro ãmoami ȳu Jac̄u ȳre c̄ōar̄u. Ȳre ĩ ĩsiana, s̄iḡũ ĩ godare ãmobeami ĩ. S̄usari r̄um̄u ñna t̄di catiroca ȳu ȳire ãmoami ĩ. ⁴⁰ No ȳre boca ãmic̄ōri, ȳre t̄orãnuḡũ ĩ catit̄ĩñare ãmoami ȳu Jac̄u Dios. Ito bajiri ȳre t̄orãnr̄ãre ñna t̄di catiroca yiḡu yiḡuja ȳu s̄usari r̄um̄u, yiq̄uĩ Jesús masare.

⁴¹ Ito ĩ yija bero, ĩre b̄situs̄ocã judio masa. “Ȳu ña naju ñasarise r̄ucoc̄ōri, ūmac̄juna wadir̄u”, Jesús ĩ yija t̄oc̄ōri, ĩre b̄situs̄ocã ñna. ⁴² Ito yic̄ōri, ado bajiro ḡãmeri b̄sicã ñna:

—¿Ñi Jesús, José mac̄u meje ñati? ĩ jac̄ure, ĩ jacore c̄ũni tic̄u mani. ¿No yija ito bajibojaguti, “Ūmac̄jũ gaḡu wadir̄u ña ȳu”, yati ĩ? yicã ñna.

⁴³ Ito bajiro ñna yija masic̄ōri:

—Itoc̄ō b̄sitsu jidicãña m̄na. ⁴⁴ Noa ȳre boca ãmimenaji, Ȳu Jac̄u ȳre c̄ōar̄u ȳre ñna boca ãmiroca ĩ yibeja. No ȳre boca ãmirãre s̄usari r̄um̄u ñna t̄di catiroca yiḡu yiḡuja ȳu. ⁴⁵ Diore goti ĩsiri masa ñna ucare ado bajiro gotia: “Masa jeyarore riasoḡu yigūji Dios”, ȳi gotia iti. Ito bajiri no ȳu

Jacu riasorise gaye t̄or̄n̄r̄ã, ȳre c̄ni boca ãmirã yirãji, yiquĩ Jesús judio masare.

⁴⁶ Gaje ado bajiro gotiquĩ Jesús:

—No ȳ Jacure tigu maquĩji. Ȳ s̄ḡãti ã t̄ wadir̄ ñari, ãre tigor̄ ña ȳ. ⁴⁷ Riti m̄are gotia ȳ. No ȳre t̄or̄n̄ḡãti catitĩñagũ yiguĩji. ⁴⁸ Ȳ ña naju ñasarise r̄coḡ, ito yicõri catitĩñare gaye r̄coḡ. ⁴⁹ Mani ñic̄sabatia yuc̄ manoj̄ maná wame catirise naju babojarãti goda jediñi ña. ⁵⁰ M̄are ȳ b̄siriseama, naju ãmacũj̄ gaye ruji wadirise gaye, m̄are b̄sia ȳ. Ȳ r̄corise najure bacõri, godamena yirãji. ⁵¹ Ȳti ña, naju catitĩñare gaye r̄cocõri, ãmacũj̄na ruji wadir̄. No iti gaye naju baḡ catitĩñagũ yiguĩji. M̄are ȳ naju ãsirise, ȳ ya ruj̄ti ña. Masa jeyarore yiari ȳ ya ruj̄ ãsigũ yiḡja ȳ, yiquĩ Jesús judio masare.

⁵² Ito ã yija t̄ocõri, ãn̄masiti gãmeri b̄sis̄ocã judio masa:

—¿No bajiro ã ya ruj̄re manire ecaḡ yiguĩjida ã? yicã ña.

⁵³ Ado bajiro c̄diquĩ Jesús ãn̄re:

—Riti m̄are gotia ȳ. Ȳ Masa R̄jor̄re ȳ ya ruj̄ m̄a babeja, ito yicõri ȳ ya rí m̄a idibeja, catimena yirãji m̄a. ⁵⁴ No ȳ ya ruj̄re bacõri, ito yicõri ȳ ya ríre idiḡ catitĩñagũ yiguĩji. S̄sari r̄m̄ t̄di ã catiroca yiḡ yiḡja ȳ. ⁵⁵ Ȳ ya ruj̄ iti ña bare ñasarise. Ito yicõri ȳ ya rí iti ña idire ñasarise. ⁵⁶ Ȳ ya ruj̄re baḡ, ito yicõri ȳ ya ríre idiḡ, ã ya ãsij̄re ñagũ yiḡja ȳ. Ito bajiri ȳre bajiroti ãsi catiḡ yiguĩji ã. ⁵⁷ Ȳ Jacu ȳre cõar̄, catire r̄coḡ ñami ã. Ito bajiri ña s̄oriti catia ȳ. Ito bajiroti, no ȳre boca ãmigũ, ȳna s̄oriti catiḡ yiguĩji ã.

58 Ñmacũjũ gaye naju wadire gaye busia yũ. Iti gaye naju maná wame cõtirise robo bajirise meje ña. Mani ñicusatia maná wame cõtirisere babojarãti goda jediñi ña. No naju ñasarisere baguama catitĩñagũ yiguĩji ñocũ, yiquĩ Jesús judio masare.

59 Capernaum wame cõtiri cato minijuara wijũ ito bajiro riasoquĩ Jesús masare.

Jesús ocare mani tũorũnũja catitĩñarã yirãji mani, yire gaye

60 Ito bajiro riasore gaye Jesús ñ busija tũocõri, jãjarã ñre sũyarã ado bajiro gãmeri busicã ña:

—Ito bajiro ñ riasorise josari ña. Itire queno tũo masibea mani. Sĩgũjũ itire boca ãmigũ mami, yicã ña.

61 “Yũ riasorise tũocõri, tũoĩa bũjatobeama ña”, yi masiri seyoquĩ Jesús. Ito bajiri ado bajiro ñnare yiquĩ ñ:

—¿Ito bajiro mũare yũ riasorise tũoĩa bũjatobeati mũa? yiquĩ Jesús ñnare. 62 Yũ Masa Rĩjoru, ñmacũjũ yũ ñagoado mũcana yũ tũdi mũja waja, ¿no bajiro tũoĩarã yirãjida mũa? 63 Espĩritu Santo ñami masa ña catitĩñaroca yigũ. Masama gãjerã ña catitĩñaroca yi masimenaji ña. Jĩjũ mũare yũ gotirise Espĩritu Santo riojo ñ goticãrise ña. Itire mũa tũorũnũja, mũa catitĩñaroca yigũ yiguĩji ñ. 64 Mũa coriarã, yũre tũorũnũmena ñarãji maji, yiquĩ Jesús ñnare.

Cajerojũti, “Ña ñarã yirãji yũre tũorũnũmena. Ito yicõri ñ ñagũ yiguĩji, yũ wajanare yũre ña ñiatoni gotiri masũ”, yi masi yucãri seyoñi Jesús cajerojũti.

65 Ado bajiro masare goti quenoquĩ Jesús:

—Espíritu Santo ñami masa ñna catitĩñaroca yigu. Itire masicõri jĩjũ ado bajiro mũare gotibũ yũ: Noa yũre boca ãmimenaji, yũ Jacũ yũre ñna boca ãmiroca ã yibeja, yibũ yũ, yiquĩ Jesús masare.

⁶⁶ Ito ã yija tũocõri, jãjarã ãre sũyabojarã ãre jidicãcã ñna. Ito bajiri gũa rãca wa ucubiticã ñna ãja.

⁶⁷ Ito bajiro ñna bajija ticõri, gũa ã rãca riasotirã jũa gũbojeno ñnarãre seniñaquĩ Jesús:

—¿Mũa cũni yũre jidicã ãmoati? yiquĩ Jesús gũare.

⁶⁸ Ito ã yija tũocõri, ado bajiro cãdiquĩ Simón Pedro:

—Gũa Ujũ, mũare gũa jidicãja, ¿ñimũ tũ warã yirãjida gũa? Mũ ya oca ñna catitĩñare oca. ⁶⁹ Mũre tũorũnũcãcũ gũa. “Mũ ñna Cristo, Dios catitĩñagũ Macũ”, yĩ masia gũa mũare, yiquĩ Simón Pedro Jesure.

⁷⁰ Ito ã yija tũocõri, ado bajiro yiquĩ Jesús gũare:

—Mũa jũa gũbojeno ñnarãre besecãcũ yũ. Ito bajibojarocati mũa wato sĩgũ ñami rãmũ yagũ, yiquĩ Jesús, gũare.

⁷¹ Ito bajiro ã bũsija, Judas Iscariote Simón macure, yĩ tũoĩa bũsiquĩ Jesús. Jesús rãca riasotigu ñabojaguti Judas ñaquĩ Jesús wajana ãre ñiatoni gotiri masũ. Gũa jũa gũbojeno ñnarã rãca gagũ ñabojaquĩ Judas.

7

Jesús ocabajirã ãre ñna tũorũnũbitire gaye

¹ Ito yija bero mũcana Galilea sitajũ wa ucucũ gũa Jesús rãca. Judea sitajũ ñna ãmobitiquĩ Jesús, iti sita gãna judio masa ãre ñna sĩa ãmojare. ² Chozas

basa, judio masa ñna meniroti jabeto ruayacu. ³ Ito bajiri Jesús ocabaji mesa ado bajiro yicã ñre:

—Judea sitajũ mure suyarã jãjarã busa ñarãji. Ito bajiri ado tujabesa. Itojũ wasa. Itojũ tiyamani gaye mũ ñoja, tirã yirãji ñna cuni. ⁴ No masa ñre ti masire ñ ãmoja, yeyorojũ tiyamani yi ñobiquĩji ñ. Masa tiro riojo ñogũ yiguĩji ñ. Tiyamani gaye mũ yiado bajiroti masa jeyaro tiro riojo ñoja quena, yicã Jesús ocabaji mesa ñre.

⁵ Ñ ocabaji mesa cuni queno ñre tuorũnabiticã ñna. ⁶ Ito bajiri ado bajiro yiquĩ Jesús ñnare:

—Judea sitajũ yũ waroto ejabea yure maji. Adocãta cuni mũa waja quenacõa mũareama. ⁷ Adi macãrucũro gãna mũare ti tudimenaji. Yũreama ti tudirã yirãji. “Ñeñaro yirã ñna mũa”, yũ yijare, yure ti terã yirãji ñna. ⁸ Basa titẽña mũama. Yũreama yũ waroto ejabea maji, yiquĩ Jesús ñ ocabajirãre.

⁹ Ito bajiro Jesús ñ yija bero Galilea sitajũ jabeto tujacu gua ñ rãca maji.

Ñna basaroca Jesús ñ riasore gaye

¹⁰ Ñ ocabajirã waja bero Jesús cuni basa tigu waquĩ. Ñre baba cuti wacu gua cuni. Buto masa ñna tiro riojo meje ñna ucuquĩ Jesús, basa tigu. ¹¹ Basa rãmũ ñaroca Jesure ãmabojacã judio masa. Ado bajiro yicã ñna:

—¿Nojũ ñnaguĩjida ñ? yi busicã ñna.

¹² Basa rãmũ ñaroca, jãjarã masa Jesús gaye busicã ñna. Coriarã ado bajiro yicã: “Queno yigu ñnaguĩji ñ”, yicã coriarã. Gãjerãma ado bajiro yicã: “Queno yigu meje ñnaguĩji ñ. Masare ruogu ñnaguĩji ñ”, yicã gãjerã.

13 Judio masa ɯjarãre güirã, recoti ï gaye busi joeobiticã ïna.

14 Basa gɯdareco iti tɯjaroca Dios ya wi sãjacu gɯa Jesús rãca. Iti wijɯ sãjacõri, masare riasosɯoquĩ Jesús. 15 Ï riasoja tɯo ɯcacõri, ado bajiro yicã judio masa ɯjarã:

—Riasotibitigorɯ ñabojaguti, ¿no yija queno masiati ãni? yicã ïna.

16 Ito bajiro ïna tɯoñaja ticõri, ado bajiro yiquĩ Jesús ïnare:

—Yɯ riasorise yɯ ye meje ña. Yɯre cõarɯ gaye ña iti. 17 Dios ï ãmoro bajiro mɯa yi ãmoja, “Dios gaye riasoami ï, ï gayeti riasoami ï”, yi masirã yirãji mɯa yɯre. 18 No ï gayeti ï busija, masa ïna ïre rãcɯbɯore ãmoguĩji. No ïre cõarɯ gaye ï busija, ïre cõarɯjuare masa ïna rãcɯbɯore ãmoguĩji ï. Ï busirise riti ñaroja. Ñejɯa rɯore oca manoja ïre, yiquĩ Jesús masare.

19 “Moisés ñayorɯ ï rotire gaye mɯare cũni. Ito bajibojarocati mɯa sãgũjɯa iti rotire gaye cɯdi jeobea mɯa. ¿No yija yɯre sã ãmoati mɯa?” yiquĩ Jesús masare.

20 Ito ï yija tɯocõri, ado bajiro cɯdicã masa ïre:

—Rũmá sãñagũ ña mɯ. Ñimɯjɯa mɯre sã ãmogũ maquĩji, yicã ïna Jesure.

21 ïna ito yijare:

—Tujacãra rɯmɯ ñaroca sãgũ cõgũre yɯ yisioja ticõri, itire ti ɯcabɯ mɯa. 22 Moisés ñayorɯ rĩacare wiroti tare gaye mɯare rotiñi ï. ïna sɯori meje iti rotire ñasɯoyija. Ï riojɯa gãna cɯni ito bajiroti yiyjarã ïna. Iti rotire mɯare ñajare, tujacãra rɯmɯ ñabojarocati rĩacare wiroti ta mɯa. 23 Moisés ñayorɯ ï rotirise cɯdirona tujacãra rɯmɯ ñabojarocati rĩacare

wiro ta m̄ua. Ito bajiri tujacãra r̄um̄u ñabojarocati s̄igũ cõgũre ȳu yisioja, ¿no yija ȳure junisiniati m̄ua? ²⁴ Rocati queno t̄uoĩa jeobitibojarãti, “Ïre seti ña”, yibesa m̄ua. “Ïre seti ña”, m̄ua yi ãmoja, cajero queno t̄uoĩa jeocõri, “Ïre seti ña”, yija quena, yiquĩ Jesús masare.

Dios ï cõaru ña ȳu, Jesús ï yire gaye

²⁵ Ito ï yija t̄uocõri, Jerusalén gãna ñamasiti gãmeri seniĩas̄uocã:

—¿Áni meje ñati s̄iarona ña ãmagũ? ²⁶ Ado mani jeyaro tiro riojo b̄usi ñami ï. Ito bajibojarocati s̄igũ ïre r̄eogũ mam̄i. Ado gãna ɱjarã mesa, “Cristo Dios ï cõaru ñaguĩji ãni”, ¿yi t̄uoĩarãjida ña? ²⁷ “Iti c̄uto gaḡu wadiñi ï”, yi masia mani. Cristoreama, ï ejaja, “Ito gaḡu wadiñi ï”, yi masimena yirãji mani.

²⁸ Ña ito yija t̄uocõri, Dios ya wij̄u riaso ñabojaru, oca s̄oro ado bajiro b̄usiquĩ Jesús:

—¿Ȳure ti masiati m̄ua? “Ito gaḡu wadir̄u ñami ï”, ¿ȳure yi masiati m̄ua? Ȳumasi meje wadic̄u. Dios ȳure ï cõajare wadic̄u ȳu. Riojo gotiḡu ñami ȳure cõaru. Ïre ti masirã meje ña m̄ua maji. ²⁹ Ȳuama, ïre masia. ï cõaru ña ȳu. Ito yicõri, ï t̄u wadir̄u ña ȳu, yiquĩ Jesús ñare.

³⁰ Ito ï yija t̄uocõri, ïre b̄uto ñia ãmocã judio masa ɱjarã. Ito bajibojarocati s̄igũ ïre ñiagũ maniquĩ. Dios ï ñiarotiraj̄u ejabitic̄u maji. Ito bajiri ñia masi-biticã ña maji. ³¹ Gãjerãma jãjarã ïre t̄uor̄un̄cã ña. Ito bajiri ado bajiro yicã ña:

—Cristo Dios ï cõaru ñaguĩji ãni. ï r̄etoro tiyamani yiḡu maquĩji, yicã ña ïre t̄uor̄un̄rã.

Fariseo gaye t̄uoĩarã Jesure ña ñia ãmore gaye

³² Jesús gaye masa ñna busija, tuoñi fariseo gaye tuoñarã. Ito bajiri porecia masare, Jesure ñia rotĩni fariseo gaye tuoñarã, ito yicõri paia ujarã cuni. ³³ Ñna ejaja ticõri, ado bajiro yiquĩ Jesús:

—Yure cõaru tu tũdi wacu yiguja yu. Ito bajiri yoari mejeti masa tu ñagũ yiguja yu maji. ³⁴ Yure amabojarãti tũdi yure bujamena yirãji mua. Yu ñaroju wa masimena yirãji mua, yiquĩ Jesús masare.

³⁵ Jesús ito ñ yija tuocõri, judio masa ñnamasiti gãmeri seniñacã ñna:

—¿Noju wacu yiguĩjida ñni, ñre mani ti bujabetoju? Mani masa sõju wacõri griego masa rãca wusarã tu, wacu yiguĩji gajea. Ito yicõri, ñnare riasogu wacu yiguĩji gajea. ³⁶ “Yure amabojarãti yure bujamena yirãji mua. Ito yicõri yu ñaroju wa masimena yirãji mua”, ito bajiro ñ yija, ¿no yireoni ñati iti? yi gãmeri busicã ñna.

No yure senirãti catitĩñare bujarã yirãji, yi Jesús ñ riasore gaye

³⁷ Basa ñasusari rumu, iti rumu ñacu ñasari rumu. Iti rumu wumu rãgũcõri, oca sãoro busiquĩ Jesús:

—Sĩgũ ñ idi ãmoja, ide senigũ yiguĩji. Iti bajiroti, no catitĩñare gaye ñ buja ãmoja, yu tu wadicõri seni ejagu yiguĩji. ³⁸ Ado bajiro gotia Dios oca. Tuote mua: “Sĩgũ yure ñ tuorũnũja, ñ ya usiju ide catitĩñare gaye ide goje robo bajiro ñ ya usiju ãmabato ñaro yiroja”, yi gotia Dios oca, yi gotiquĩ Jesús masare.

³⁹ Iti gaye Jesús ñ busija, “Yure tuorũnurãre ñna ya usiju, Espiritu Santo quedi sãjagũ yiguĩji ñnare”, yigu yiquĩ Jesús, ito bajiro ñ busija. Jesús ãmacãju rãcuboraju ñ tũdi ejabeja, Espiritu Santore adi sitaju cõabisĩ Dios maji.

Ricati riti masa ñna tʉoĩare gaye

⁴⁰ Jesús ï bʉsija tʉocõri, ado bajiro yicã coriarã:

—Riti Diore goti ïsiri masʉ wadirʉ ñami ãni, yicã coriarã.

⁴¹ Gãjerãma ado bajiro yicã ñna:

—Cristo Dios ï cõarʉ ñami ãni, yicã ñna.

Gãjerãma ado bajiro yicã:

—¿Galilea gagʉ Cristo no bajiro ñaguĩjida? ⁴² Dios oca iti gotija, “David ʉjʉ ñayorʉ, janerãbatia janami, ñagũ yiguĩji Cristo. Ito yicõri David ñayorʉ robo bajiro Belén gagʉti ñagũ yiguĩji ï cʉni”, yi gotia Dios oca, yicã ñna.

⁴³ Ito bajiro Jesús gaye ñna bʉsija tʉocõri, ricati riti tʉoĩacã masa. ⁴⁴ Coriarã ïre ñia ãmobjacã. Ito bajibojarocati sĩgũ ïre ñiagũ maniquĩ.

ʉjarã Jesure ñna tʉorʉnʉbitire gaye

⁴⁵ Jesure ñia masibiticõri, fariseo gaye tʉoĩarã ito yicõri paia ʉjarã tʉ cʉni tʉdi wacã porecia. Ñe manati ñna ejaja ticõri, ado bajiro ñnare seniĩayijarã ñna:

—¿No yija ïre ãmi wadibiti mʉa? yiyijarã ñna.

⁴⁶ Ado bajiro cʉdiyijarã porecia:

—Sĩgũjʉa ï robo bajiro bʉsirã masa manicã, yiyijarã ñna.

⁴⁷ Ito yijare, fariseo gaye tʉoĩarã ado bajiro yiyijarã:

—¿Ï tʉorisere ïre tʉori mʉa? ⁴⁸ Mʉa ʉjarã ña gʉa. Gʉama sĩgũ ïre tʉorʉnʉgũ ma. ⁴⁹ Ado gãna masa Moisés ñayorʉ ï rotire gaye masibiticõri Jesure tʉorʉnʉrãji ñnaõna. Ito bajiro ñna bajijare ñnare ruyuriogʉ yiguĩji Dios, yiyijarã fariseo gaye tʉoĩarã.

⁵⁰ Nicodemo ñamijũ Jesure tigũ ejarũ, fariseo gaye tũoĩagũ ñayijũ ĩ cũni. ĩ baba mesare ado bajiro yiyijũ ĩ:

⁵¹ —Ado bajiro bajia mani rotirise: Cajero seti cutigũre mani seniña tũobeja, “ĩre seti ña”, yi masibebea mani, yi gotia mani rotirise, yiyijũ Nicodemo ĩ baba mesare.

⁵² Ito ĩ yijare:

—¿Galilea sita gagũ ñati mũ cũni? Dios oca tutire riasotiĩate mũ. Itire mũ riasotija bero, “Diore goti ĩsiri masũ Galilea wadirũ macũ yiguĩji”, yire gaye masigũ yigũja mũ cũni, yiyijarã ĩna, Nicodemore tudirã.

⁵³ Ito yija bero batacõri ĩna ya wirijũ wasosayijarã ĩna.

8

Romio gajeo manũjũ rãca ajegore gaye

¹ Cũtoju gũa tujaroca Jesuama Olivos wame cutiri burojũ maja waquĩ. ² Gaje rũmũ busuri, Dios ya wijũ gũa ñaroca tũdi ejaquĩ Jesús mũcana. ĩ ejaja ticõri, jãjarã masa ĩ tũ minijuacã. ĩna minijuaja ticõri, eja rũjũquĩ ĩ ĩnare riasorocũ. ³ Ito bajiro ĩ yiroca fariseo gaye tũoĩarã, bũcurã rotirise riasori masa cũni ejacã. Sĩgõ romio gajeo manũjũ rãca ajegore ĩna bũjarore ãmi ejacã ĩna. Isore ãmi ejacõri, gũa riojo isore rojocã ĩna. ⁴ Ito yicõri, ado bajiro Jesure yicã ĩna:

—Riasogũ, adio romiore gajeo manũjũ rãca iso ajeroca ti bũjabũ gũa. ⁵ Moisés ñayoru ĩ rotire, ado bajiro rotia: Ito bajiro yigore gũtana rea sĩaña, ya ĩti. ¿Mũáma no bajiro tũoĩati? yicã ĩna Jesure.

⁶ “No bajiro manire ï cudiya tona” yirona ito bajiro seniari seyocã ïna. “Manire ï cudi masibeja, ïre seti ña”, yi masirã yirãji mani, yi tãoñari seyocã ïna. ïna ito yija masicõri, jacaꝓ ñini rjũcõri, ï ya ãmo wãsoana ucasuõquĩ Jesús. ⁷ ïre ïna seniã uyamucutija tãocõri, wꝓꝓ rãgũquĩ Jesús ïja. Ito yicõri ado bajiro ïnare yiquĩ:

—Mua sãgũ ñeñaro yĩlamena ñajama, isore cajero gũtana reaja quena, yiquĩ Jesús ïnare.

⁸ Ito bajiro yi tãogã ñini rjũquĩ Jesús mꝓcana. Ito yicõri, mꝓcana jacaꝓ ucaquĩ ï. ⁹ Ito ï yija tãocõri, “Mani sãgũ ruyabeto ñeñaro yirã riti ña mani”, yi tãoña masicã ïna. Ito bajiri bꝓcãrã budi wasuocã ïna. Ito yicõri, ïna ñarocõti budi jedicoacã ïna ïja. ïna budi jedija bero, romio riti ito tujacõ Jesús tã. ¹⁰ Ito yija Jesús wꝓꝓ rãgũquĩ mꝓcana. Romio sãgõreti ticõri, ado bajiro yiquĩ Jesús isore:

—Nomi, ¿nojꝓ ñati, “Isore seti ña”, mure yirã? ¿Sãgũja, “Mure seti ña”, yigꝓ mati? yiquĩ ï isore.

¹¹ Ito ï yija bero cudicõ iso:

—Yꝓ Ëjꝓ, sãgũ mami, “Mure seti ña”, yure yigꝓ, yicõ iso Jesure.

Iso ito yija tãocõri, ado bajiro yiquĩ Jesús:

—Yꝓ cꝓni, “Mure seti ña”, yibea. Wasa, mꝓcana tãdi ñeñaro yibeja ïja, yiquĩ Jesús isore.

Yuti ña adi macãrũcãrore busurise rucogꝓ, Jesús ï yire gaye

¹² Mꝓcana masare gotigꝓ, ado bajiro bꝓsiquĩ Jesús:

—Yꝓ ña busurise rucogꝓ, ito yicõri, adi macãrũcãrore busugꝓ. Busurise rucogꝓ ñari adi macãrũcãro gãna ïna tão masiroca ya yꝓ. No yure

suyaguti rãitĩaroju wa ucubicu yiguĩji. Īre sĩatitĩñagũ yigũja yu, ĩ queno tuo masitoni. Ito bajiri yũre boca ãmicõri catitĩñagũ yiguĩji ĩ, yiquĩ Jesús.

¹³ Ito bajiro ĩ yija tuocõri, ado bajiro yicã fariseo gaye tuoĩarã:

—“Riti gotia yu”, ya mu, masa mare ĩna rũcubũtoni. Ito bajiro mu yibojaja, ñe waja ma iti. Rũogu ya mu, yicã ĩna Jesure.

¹⁴ ĩna ito yijare ado bajiro cãdiquĩ Jesús:

—Yumasiti yu gotirise ñabojarocati, riti ña yu gotirise. Iti ña oca riojo ñasarise. Yu masia yu wadigoadoju. Ito yicõri yu warotoju masia yu. Mũama yu wadigoadoju masibea. Ito yicõri, yu warotoju cuni masibea mua. ¹⁵ “Mũare seti ña”, yũre mua yija, adi macãrucãro gãna ĩna tuoĩado robo bajiro ya mua. Yũama, “Mũare seti ña”, yibea yu. ¹⁶ “Mũare seti ña”, yu yija, riojo mũare gotibogũja yu. Masare ĩna ñeñaro yirise yu waja senija, yu sīgũ meje senia yu. Yu Jacu yũre seni rotigu, yu rãcati senigũ yiguĩji ĩ. ¹⁷ Mũa bũcũrã rotirise ado bajiro ucare ña: “Īre seti ña”, jũarã ĩna yija, ĩnare tuorũnũja quena, ya mua bũcũrã rotirise. ¹⁸ “Riti gotia yu”, ya yu yumasi cuni. Yu Jacu yũre cõaru cuni, “Riti gotiami ãni”, yi goti ejabũami ĩ yũre yiari, yiquĩ Jesús ĩnare.

¹⁹ Ito ĩ yija tuocõri, ado bajiro ĩre seniĩacã ĩna:

—¿Noju ñati mu Jacu? yicã ĩna Jesure.

Ito yijare cãdiquĩ Jesús:

—Yũre ti masibea mua. Ito yicõri yu Jacure cuni ti masibea mua. Yũre mua ti masija, yu Jacure cuni ti masiboana mua, yiquĩ Jesús ĩnare.

²⁰ Dios ya wijɯ ñacōri ito bajiro masare riasoquĩ Jesús. Masa ñna niyeru sãra jedori tujɯ rãgōcōri ito bajiro masare riasoquĩ Jesús. Ìre ñna ñiarotijɯ ejabiticɯ maji, ito bajiri sīgǎjɯa Ìre ñiagũ maniquĩ.

Yɯ warotojɯ wa masimenaji mɯa, Jesús ì yire gaye

²¹ Mɯcana masare gotigɯ, ado bajiro bɯsiquĩ Jesús:

—Wacɯ ya yɯ. Yɯre ãmabojarã yirãji mɯa. Mɯa ñeñaro yirise jidicãmenati godarã yirãji mɯama. Ito bajiri yɯ warojɯ wa masimena yirãji mɯa, yiquĩ Jesús ñnare.

²² Ito ì yija tɯocōri, ado bajiro yicã judio masa:

—¿Ìmasiti sãa godagɯ yati ãni? Ito bajiri, “Yɯ warotojɯ wamena yirãji mɯa”, yami ì, yi gãmeri seniñari seyocã ñna.

²³ Ìna ito yija tɯocōri:

—Mɯa ado jaca gãna ña. Yɯama ùmacǎjɯ gagɯ ña. Adi sita gãna ña mɯa. Yɯama adi sita gagɯ meje ña.

²⁴ Ito bajiri, “Mɯa ñeñaro yirise jidicãmenati godarã yirãji mɯa”, yibɯ yɯ mɯare. “Ìti ña yɯ”, yɯ yiro bajiro yɯre mɯa tɯorǎnɯbeja, mɯa ñeñaro yirise jidicãmenati godarã yirãji mɯa, yiquĩ Jesús ñnare.

²⁵ Ito ì yija tɯocōri, ado bajiro Ìre seniñacã ñna:

—Ito yijama, ¿ñimɯjɯa ñasati mɯ? yicã ñna Jesure. Ìna ito yija:

—“Ìti ña yɯ”, yiarì mɯare goticãbojabɯ yɯ. ²⁶ Jaje mɯare gotiroti ñaboja yɯre. Ito yicōri, “Mɯare seti ña”, yɯ yi ãmoja, jaje gotiroti ñaboja yɯre. Yɯre cōaru Ìti ñami riojo gotigɯ. Adi sita gãna masare yɯ gotirise, Ìre tɯocōri gotia yɯ, yiquĩ Jesús ñnare.

²⁷ Ito bajiro ñare ñ bʉsibojarocati, “Mani Jacʉ Dios gaye bʉsiami ñ”, yi masibiticã ñna. ²⁸ Ito bajiri ado bajiro ñare gotiquĩ ñ:

—Yʉ ña Masa Rĩjorʉ. Yucutẽona yʉre mʉa mʉoja, “Dios Macʉ ña yʉ”, yʉ yiado bajiro ti yʉre ti masirã yirãji mʉa. “Ĩmasirio tʉoĩacõri meje bʉsiñi. Ñ Jacʉ ñ riasoado bajiro riti bʉsiñi”, yi masirã yirãji mʉa yʉre. ²⁹ Yʉre cõaru yʉ rãcati ñami. Yʉ Jacʉ ñ wanʉrise gaye riti ya yʉ. Ito bajiri yʉre wagobiti-sotiami ñ, yiquĩ Jesús masare.

³⁰ Ito bajiro Jesús ñ yija tʉocõri, jãjarã masa ñre tʉorãnʉcã.

Dios rĩa meje ñama ñeñaro yirã, yire gaye

³¹ Ito bajiri, ado bajiro gotiquĩ Jesús, judio masare ñre tʉorãnʉrãre:

—Yʉ bʉsirise mʉa jidicãbeja, riti yʉ rãca riasotirã ñarã yirãji mʉa. ³² Ito bajiro yicõri, oca riojo ñasarise masirã yirãji mʉa. Oca riojo ñasarise tʉocõri, mʉa ñeñaro yirisere jidicãrã yirãji mʉa. Ito bajiri rãmúre moa ñsiri masa meje ñarã yirãji mʉa ñja, yiquĩ Jesús.

³³ Ito ñ yija tʉocõri:

—Abraham ñayoru janerãbatia ña gʉa. Rãmúre moa ñsiri masa ñabiti wadicʉ gʉa. ¿No yija, “Rãmúre moa ñsiri masa meje ñarã yirãji mʉa”, yati mʉ gʉare? yicã ñna Jesure.

³⁴ Ñna ito yija tʉocõri:

—Riti mʉare gotia yʉ. No ñeñaro yirã rãmúa ʉyʉre moa ñsiri masa ñama ñnaõna. ³⁵ Sīgũ macʉacã ñ jacʉsabatia rãca ñaguĩji. Sīgũ ñre moa ñsiri masʉama, ñ rĩa rãca ñagũ meje ñaguĩji. Sīgũ macʉ ñ jacʉ robo bajiro roti masigũ yiguĩji. ³⁶ Dios Macʉ ñari roti

masigũ ña yu. Ito bajiri rãmúá ujure moa ñsiri masa ñabitiroca muare yu yija, riti ñre moa ñsiri masa meje ñarã yirãji muu. ³⁷ “Abraham ñayoru janerãbatia ña muu”, yi masia yu muare. Ñ janerãbatia ñabojarãti yu busirise tuorũnabiticõri, yure sãã moa muu. ³⁸ Cuna yure ñ ñogore muare busia yu. Muu jacu ñ rotiado bajiro riti ya muama, yiqui Jesús ñnare.

³⁹ Ito ñ yija tuocõri, ado bajiro cudicã ñna:

—Gua ñicusabatia ñicu ñayoñi Abraham, yicã ñna, Jesure.

Ñna ito yija:

—Riti Abraham janerãbatia muu ñajama, ñ yiado bajiro yiboana muu. ⁴⁰ Oca riojo ñasarise, Dios yure ñ riasoado bajiroti muare yu riasobojarocati, yure sãã moa muu. Abraham ñayoruama ito bajiro yibitiyoñi. ⁴¹ Yure muu sãã moja, muu jacu ñ rotiado bajiroti ya muu, yiqui Jesús ñnare.

Ito ñ yija tuocõri:

—Jacu manoti gua jacosaromia bujana meje ña gua. Sīgũ ñami gua jacu. Ñ ñami Dios, yicã ñna Jesure.

⁴² Ñna ito yija tuocõri, ado bajiro cudiqui Jesús:

—Dios tu wadicõri ado ña yu. Riti muu jacu Dios ñ ñaja, yure maiboana muu. Yumasi meje wadicu yu. Dios yure ñ cõajare wadicu yu. ⁴³ ¿No yija yu busirise tu masibeati muu? Yu busirise tu ñmobeati muu. Ito bajiri itire tu masibeati muu. ⁴⁴ Muu jacu rãmúá ujũ ñami ñ. Ito yicõri ñ rã ña muu. Ito bajiri ñ ñmoro bajiroti yi ñmoa muu. Cajerojutu masare sãari masu ñañi rãmú. Oca riojo gotire wanugũ meje ñami ñ. Ito yicõri, cojirea riojo gotigu meje ñami ñ. Ruore oca ñ gotija socagu ñari, ito bajiroti ruo gotiguñi ñ. Ñ ñami ruore jaigu, ito yicõri ruore jacu.

⁴⁵ M̄ua jac̄u ĩ ñajare, oca riojo ñasarise ȳu m̄uare gotibojaja, ȳure t̄uor̄ũn̄ubea m̄ua. ⁴⁶ “Ado bajiro ñeñaro yic̄u m̄u”, ȳure yiḡu sīgũ mami m̄ua r̄aca. Oca riojo ñasarise m̄uare ȳu gotibojaja, ¿no yija ȳure t̄uor̄ũn̄ubeati m̄ua? ⁴⁷ Dios ñarã m̄ua ñaja, recoti Dios ocare t̄uor̄ũn̄urã yirãji m̄ua. Dios ñarã meje ñari, ȳure t̄uo ãmobe a m̄ua, yiq̄uĩ Jesús ĩnare.

Abraham ñayor̄u riojuajuti Cristo ĩ ñacãre gaye

⁴⁸ Ito yija ado bajiro c̄adicã judio masa:

—“Samaria sita gaḡu, r̄amú sãñagũ ña m̄u”, m̄ure ḡua yija, riti ya ḡua, yicã judio masa Jesure.

⁴⁹ ĩna ito yija t̄uocõri:

—Ñejua r̄amú sãñagũ meje ña ȳu. Ȳu Jac̄u Diore r̄ac̄ub̄uoa ȳu. M̄uama ȳure r̄ac̄ub̄uobe a. ⁵⁰ Masa ĩna ȳure r̄ac̄ub̄uotoni wadir̄u meje ña ȳu. Sīgũ ñami masa ĩna ȳure r̄ac̄ub̄uore ãmogũ. ĩ ñami ȳure r̄ac̄ub̄uomenare ti masigũ, ito yicõri ĩna ñeñaro yirise waja senigũ. ⁵¹ Riti m̄uare gotia ȳu. No ȳu b̄usirise t̄uor̄ũn̄ugũ godabic̄u yiguĩji. Dios r̄aca catitĩñagũ yiguĩji, yiq̄uĩ Jesús.

⁵² Ito ĩ yija t̄uocõri, ado bajiro yicã judio masa:

—Iti m̄ure ḡua t̄uoja, “Riti r̄amú sãñagũ ñami”, ȳi masia ḡua, m̄ure ĩja. Abraham ñayor̄u, Diore goti ĩsiri masa ñayoana c̄uni goda jediñi ĩna. “Ȳure t̄uor̄ũn̄urã godamenaji”, yiboja m̄u. ⁵³ ¿Ḡua ñic̄usabatia ñic̄u, Abraham ñayor̄u r̄etoro ñasaḡu ñati m̄u? ĩ c̄uni, Diore goti ĩsiri masa c̄uni goda jedicoañi ĩna. ¿Ñim̄u ña ȳu yati m̄uãma? yicã ĩna Jesure.

⁵⁴ ĩna ito yija t̄uocõri:

—Yumasiti, “Masa ñna rūcubhogu ña yu”, yu yibojaja, ñe waja ma iti. Yu Jacu ñami yure rūcubhogu, “Íti ñami gha yagu Dios”, mua yibojagu. ⁵⁵ Ire queno masibea mua. Yuma ire queno masia. “Íre masibea yu”, yu yibojaja, mua robo bajiroti socagu ñaboraja yu cani. Yuma, queno masisacōa ire. Í yiro bajiroti cudia yu. ⁵⁶ Mua ñicabatia ñicu Abraham ñayoru, “Co rumu ejagu yiguñi Cristo”, yirocu wanu yuñi. Adi sitaju yu ejaja ticōri, wanusacōquĩ í, yiquĩ Jesús judio masare.

⁵⁷ Ito í yija tucōri, ado bajiro yicã ñna Jesure:

—Bucagu meje ña mu maji. Cincuenta rodori tujabea mu maji. Ito bajibojarocati, ¿no yija, “Abraham ñayore ticu yu”, yati mu? yicã ñna.

⁵⁸ Ñna ito yijare:

—Riti muare gotia yu. Abraham ñayoru í ñaroto riojuaju, ñacacu yu, yiquĩ Jesús ñnare.

⁵⁹ Ito í yija tucōri, gūta āmicã ire rearona. Ñna ito yijare, “Ito baja”, yí masia manoti ñna watoti budicoaquĩ Jesús, Dios ya wire budigo wacu.

9

Cajea macu rujeare Jesús í yisiore gaye

¹ Ito yija bero busa Jesús rāca gha rūgō ucuroca sīgū cajea macu rujeare ti bujaquĩ Jesús. ² Gha Jesús rāca riasotirā ado bajiro seniācu Jesure:

—Guare riasogu, ¿no yija cajea macu rujeayijari āni? ¿Í jacabatia ñna ñeñaro yire waja ito bajiro rujeayijari í? ¿Ímasi ñeñaro yire wajati bajiyijarite? yicu gha Jesure.

³ Ito bajiro gha yijare:

—Īmasi ñeñaro yire waja meje, ito yicōri ĩ jacuſabatia ĩna ñeñaro yire waja meje ito bajiro rujeañi añi. Dios ĩ masirise masa ĩna titoni, ito bajiro rujeañi añi. ⁴ Ɔmua ña maji. Ito bajiri yure cōaru ĩ rotiado bajiroti moagũ ya yu. Yoari mejeti rãioro yiroja. Noajua moa masimena yirãji itocō. ⁵ Busurise rucogũ ña yu. Ito bajiri adi macãrucũro yu ñaroca, masa ĩna tuo masiroca ya yu maji, yiquĩ Jesús.

⁶ Ito bajiro yi t̄iocōri, jacaju go eocũquĩ ĩ. Sitare jabeto ide yiquĩ ĩ itina. Ito yicōri, cajea macure itina tuquĩ ĩ, ĩ ya cajeare. ⁷ Ito bajiro yi t̄iocōri, ado bajiro rotiquĩ cajea macure:

—Siloé wame cutirita masa ĩna guaritaju wasa. Itoju ejaçōri, mu ya cajeare gōna coeba, yiquĩ Jesús cajea macure. “Cōaru”, yireoni ña Siloé wame.

Jesús ĩ gotija tuocōri, ĩ gotiro bajiroti coegu waquĩ cajea macu. ĩ coe t̄ioja bero t̄adi ejaçu ticoaquĩ ĩ ĩja. ⁸ ĩ ñarã, ĩre tigoana cani ado bajiro yicã ĩna:

—“Yure ti maicōri, yure jabeto ĩsiña”, çyi rujicacu meje ñati añi? yicã ĩna.

⁹ —Īti ñami, yicã coriarã.

—Ī meje ñami. ĩ robo bajiguti ñami ñarea, yicã gãjerã.

Īna ito yija tuocōri, ĩmasiti ado bajiro yiquĩ:

—Īti ña yu, yiquĩ ĩ.

¹⁰ Ito ĩ yijare, ado bajiro ĩre seniñacã masa:

—çNo bajiro yicōri, cajea tiati mu? yicã ĩna ĩre.

¹¹ Īna ito yijare:

—Sĩgũ Jesús wame çtigũ ĩ ya go idena sita ide yicōri, yure cajea tumi ĩ. Iti tucōri, ado bajiro

rotimi yure: “Siloé wame cõtirita wacõri, coeba”, yimi yure. Itira ejacõri yu ya cajea gõna coebu yu. Ito bajiro yu yirocati ruyucoaju yure, yiquĩ ã.

¹² Ito ã yija tucõri, ado bajiro ãre seniãacã masa:

—¿Noju ñaguĩjida mare ito bajiro yiru? yicã ãna.

Ïna ito yija tucõri:

—Ba, masibea yu, yiquĩ cajea macu ñagoru.

Cajea macure ãna seniãa josare gaye

¹³ Ito ã yija tucõri, fariseo gaye tucõarã tare cajea macu ñabojare ãmi wacã ãna. ¹⁴ Ï ya go idena cajea macure Jesús ã yisiora ruu, tujacãra ruu ñacu.

¹⁵ Cajea macu ñabojare ãna ãmi ejaja ticõri, ado bajiro ãre seniãayjarã fariseo gaye tucõarã:

—¿No yicõri cajea tiati mu mucana? yiyjarã fariseo gaye tucõarã.

Ito bajiro ãna seniãaja tucõri:

—Go idena sitare ide yicõri, yu ya cajeare tuquĩ ã. Iti yu coeja bero tia yu ãja, yiyju ã.

¹⁶ Ito ã yija:

—Mure ito bajiro yiru, Dios yagu meje ñaãni. Tujacãra ruuare rucubobisã ã, yiyjarã ãna.

Gãjerãma ado bajiro yiyjarã:

—Ñeãaro yigu ã ñaja, tiyamani yibitiboru ã, yiyjarã gãjerã.

Ito bajiri ricati riti tucõayjarã ãna fariseo gaye tucõarã. ¹⁷ Ito yijare mucana tãdi seniãayjarã ãna, cajea macu ñagore:

—¿Mũama no bajiro tucõati, mu cajea tiroca yure? yiyjarã ãna.

Ïna ito yija tucõri:

—Diore goti ãsiri masu ñaguĩji, ya yuama, yiyju ã.

18 “Cajea macu rujearu mucana tædi cajea tiru ñami”, yi ãmobisijarã ñna judio masa ujarã. Ito bajiri cajea macu jacusabatiare ji ñucayijarã ñna. 19 Ñna ejaja ticõri, ado bajiro ñnare seniñayijarã ñna:

—¿Mu macuti ñati ñni, cajea macu rujearu? ¿No yija cajea macu ñabojaruti adocãta tiati? yiyijarã ñna, i jacusabatiare.

20 Ñna ito yija tuocõri, ado bajiro cudiyijarã ñna:

—Gua macu, cajea macu rujearuti ñami ñni. 21 Ito bajiro i tija, ito yicõri ñre cajea tiroca yirure masibebea gua. Ñre seniñate mu. Bucugua ñami ñja, ñmasiti gotigũõcũ ñami, yiyijarã i jacusabatia.

22 Judio masa ujarãre güirã, ito bajiro yiyijarã i jacusabatia. “Jesús ñami Cristo, Dios i cõaru”, yirãre rëorã ya mani mucana minijuara wiju ñna sãjame yirona, yi tuoña yucãyijarã judio masa. 23 Ito bajiri ñnare güirã, “Bucugua ñami, muamasiti ñre seniñaña”, yiyijarã cajea macu ñabojaru jacusabatia.

24 Ñna ito yija tuocõri, cajea macu ñabojarure ji ñucayijarã judio masa ujarã mucana:

—Dios i tiro riojo, riojo guare gotiya. “Mure yisioru, ñeñaro yi jaigu ñaña”, yi masia gua, yiyijarã ñna.

25 Ñna ito yija tuocõri:

—“Ñeñaro yigu, ñeñaro yigu meje ñaguñji”, yi masibebea yu. Adi riti masia yu, cajea macu ñacu yu maji. Adocãtama yu cajea tia ñja, yiyijã i.

26 Ito i yija tuobojarãti mucana tædi seniñayijarã ñna:

—¿No bajiro mure yicati i, mu titoni? yiyijarã ñna ñre.

27 Ñna ito yijare:

—M̄are goticãbojabu yu. Yure tuorũnubea m̄a. ¿No yija m̄cana t̄di gotire ãmoati m̄a? ¿M̄a c̄ni ãre oca tuo s̄ya ãmoati? yiyijũ ã judio masa ujarãre.

²⁸ Ito bajiro ã yija tuocõri, ãre busi tudiyijarã ãna:

—Ëre oca s̄yagu ya m̄. Moisés ñayoru ocare s̄ya guama. ²⁹ “Moisés ñayorure busiñi Dios”, yi tuoãa gu. M̄are yisorureama masibea gu. “Ito gagu ñaguñji ã”, yi masibea gu ãreama, yiyijarã ãna.

³⁰ ãna ito yija tuocõri, c̄diyijũ ã:

—Yu ya cajea ã yisiorẽ ñabobarocati, “Ito wadiru ñaguñji ã”, yi masibea m̄a. M̄a ãre ti masibeja bujatobea yu. ¿No yija ãre ti masibeati m̄a? M̄a ãre ti masibeja queno tuo masire ma yure. ³¹ “Ñeñaro yirãre tuobiqũji Dios. ãre r̄c̄b̄uocõri, ã ãmoro bajiro yirãre riti tuogũ yiguñji Dios”, yi tuoãa mani. ³² “Cajea macu rujeare ã tiroca yĩni s̄gũ”, yire gaye tuo ya manicu. ³³ ãni yure yisoru, Dios tu wadiru meje ã ñaja, yure no yibitiboru, yiyijũ ã.

³⁴ Ito ã yijare:

—Ñeñaro yi jaigu rujeare ña m̄. “Ënare riasocuja yu”, ¿yi tuoãati m̄, guare? yiyijarã ãna cajea macu ñabobarure.

Ito yicõri, ãre bucõayijarã ãna, ãna minijuari wijũ ñagũre.

“Dios oca tuorũnubena cajea mana robo bajirã ñama”, yire gaye

³⁵ Cajea macu ñabobarure ãna bucõare gaye tuo bujacu gu Jesús rãca. Ito bajiri ãre ti bujacõri, ado bajiro ãre yiquĩ Jesús:

—¿Dios Macure tuorũnubati m̄? yiquĩ Jesús ãre.

³⁶ Ito ã yija:

—Yu Uju, yure gotiya. “Í ñami”, yiya yure, ïre tuorãnuocu ya, yiquĩ ï Jesure.

³⁷ Ito ï yija, ado bajiro ïre cudiquĩ Jesús:

—Ïre ticãcu mu. Adocãta mu rãca busigu, ïti ña yu, yiquĩ Jesús ïre.

³⁸ Ito ï yija tuocõri, Jesús riojo rijomunigãna ñini rũjũquĩ ï, ïre rucubogũ. Ito bajiro yicõri:

—Mure tuorãnuu ya Uju yu, yiquĩ ï.

³⁹ Ito yija bero, ado bajiro yiquĩ Jesús masare:

—“Ana ñama yure cudirã. Ana ñama yure cadimena”, yi busirocu wadiru ña yu. Cajea mana robo bajirã ñama Dios oca tuo masimena. Ito bajiri ïnare ïna tuo masiroca yigu yigũja yu. “Queno masirã ña gũa”, yibojarãreama, ïna tuo masibitiroca yigu yigũja yu. Ito bajiri tuo masibiticõri, cajea manare bajiro bajirã ñarã yirãji ïna, yiquĩ Jesús ïnare.

⁴⁰ Ito ï yija tuocõri, ito ñarã coriarã fariseo gaye tuoïarã seniïacã ïna Jesure:

—“Tuo masibiticõri, cajea manare bajiro bajirã ña muu”, ¿yati mu gũare? yicã ïna Jesure.

⁴¹ ïna ito yija:

—Tuo masimena muu ñaja, seti cutirã meje ñaboana muu. “Queno masirã ña gũa”, muu yire waja, seti cutirã ña muu, yiquĩ Jesús ïnare.

10

Ovejare coderi masa oca

¹ Mucana masare riasosogũ ado bajiro yiquĩ Jesús:

—Riti muare gotia yu. No oveja ïna ñari sãnimu ïna ya soje sãjabicu, gaje dũja jore sãjagũ tuocõri rinigũ

ñami ïocũ. ² Ìna ya soje sãjagũama, ïnare tirũnucõri codegũ ñami. ³ Ovejare tirũnuri masũ ï sãjatonì ïre soje jana ïsigũ yiguĩji soje coderi masũ. Ì sãjaroca ï ya ocare tũo masirã yirãji ï ya oveja. Ì ya ovejajũare ti masicõri, wamena ïnare ji bucõagũ yiguĩji ï. ⁴ Ìnare bucõa jeocõri, ïna riojũa ïnare tũa ũmatãgũ yiguĩji ï. Ì ya ocare tũo masicõri, ïre sũyarã yirãji ïna. ⁵ Ì oca ïna tũo godo weobejama ïre sũyamena yirãji ïna. Ì ya ocare tũo masibiticõri, ïre rudirã yirãji ïna, yiquĩ Jesús masare.

⁶ Riasore oca ïnare goti masioquĩ Jesús. Ito bajibojarocati itire tũo masibiticã ïna.

Bũto masare codegũ ñami Jesús, yire gaye

⁷ Ito yija mũcana tũdi gotiquĩ Jesús ïnare:

—Riti mũare gotia yũ. Yũ ña soje, oveja ïna sãjari soje bajiro bajigũ. ⁸ Yũ riojũa wadiana ñarocõti, rũori masa ito yicõri riniri masa cũni ñañi ïna. Ito bajiri yũ ya oveja mesare tũorũnubisijarã. ⁹ Yũ ña soje bajiro bajigũ. No yũna sũoriti sãjagũ, ïre masogũ yigũja yũ. Ado bajiro bajigũ yiguĩji ïocũ: Oveja ïna ñari sãnimũju sãjacõri, mũcana tũdi, budi, yi ñagũ, ñagũ yiguĩji ïocũ. Queno wanũ quenagũ yiguĩji ï. Ito yicõri, quenari wese ï baroti bũjagũ yiguĩji ï. Ito bajiro bajirã ñarã yirãji yare boca ãmirã. Ìnare tirũnugũ yigũja yũ.

¹⁰ Riniri masũ ï ejaja, rinicõri sãgũti ejagũ yiguĩji ï. Ito yicõri, ruyuriogũti ejagũ yiguĩji ïocũ. Yũama masa ïna catitĩnaroca yigũ wadirũ ña yũ. Ito yicõri, ñe ruyabeto queno ïna ñaroca yigũ wadirũ ña yũ. ¹¹ Yũ ña ovejare queno coderi masũ. Yũre tũorũnũrãma yũ ya oveja bajiro bajirã ñarã yirãji.

Y_u ya oveja bajiro bajirãre goda ĩsiroc_u ñacã y_u.
 12 Sĭgũ waja b_ujaroc_u ĩ moaja, queno oveja coderi
 mas_u meje ñaguĩji ĩocã. Buyairo ĩ ejaja ticõri, ove-
 jare wagog_u yiguĩji ĩ. ĩ ya oveja meje ĩna ñajare,
 ĩnare wagog_u yiguĩji ĩ. Ito bajiri buyairo ejacõri,
 ovejare ñiagũ yiguĩji, ito yicõri ĩnare ĩo bateg_u yiguĩji
 ĩ. 13 Waja b_ujaroc_u riti sĭgũ ĩ moaja, ovejare wagog_u
 yiguĩji ĩ, ĩ ñarã meje ĩna ñajare. ĩnare maigũ meje
 ñari ĩnare ĩ wagoja no yimenaji ĩre, yi riasoquĩ Jesús
 masare.

14-15 'Y_u ña ovejare queno coderi mas_u. Y_u Jac_u
 y_ure ĩ masiro bajiroti, y_u c_uni ito bajiroti ĩre masia.
 Ito bajiroti y_u ya ovejare ti masia y_u. ĩnaj_ua c_uni ito
 bajiroti y_ure ti masiama ĩna. Y_u ya ovejare goda
 ĩsiroc_u ñacã y_u. 16 Adi sãnim_u gãna meje ñama gãjerã
 y_u ya oveja. ĩna ñama gãjerã masa. ĩnare c_uni ãmigũ
 yig_uja y_u. ĩna c_uni y_ure c_udirã ñama ĩna. Co r_um_u
 co sãnim_uti ñarã yirãji ĩna. Ito yicõri, y_u sĭgũti ñagũ
 yig_uja ĩnare coderi mas_u, yiquĩ Jesús masare.

17 'Godag_u yig_uja y_u, m_ucana t_udi catiroc_u. Ito
 bajiro y_u yijare y_u ñarã catitĩñarã yirãji Dios rãca.
 Ito bajiri y_u Jac_u b_uto y_ure maiami. 18 Masama
 y_ure sĭamena yirãji. Y_umasiti y_u ãmoro bajiroti
 masare yiari goda ĩsigũ yig_uja y_u. Masare yiari y_u
 goda ĩsi ãmoja, iti ña y_u ãmoro bajiro y_u yiroti. Ito
 yicõri, m_ucana t_udi y_u cati ãmoja cati masigũ ña y_u.
 Ito bajiro y_u yi masitoni y_ure cũquĩ y_u Jac_u, yiquĩ
 Jesús masare.

19 Ito bajiro ĩ yija t_uocõri, judio masa _ujarã ricati
 riti t_uoĩacã ĩna ĩja. 20 Coriarã jãjarã ado bajiro yicã:

—Rãmú sãñagũ, mec_uri mas_u ĩ ñabojarocati, ¿no
 yija masa ĩre t_uorũn_uati? yicã ĩna.

21 Gãjerãma ado bajiro yicã ãna:

—Rãmú sãñagũ ã ñaja, ito bajiro b̄sibitibor̄ũ ã. Ito yicõri, rãmú sãñagũ ã ñaja, cajea mana ãna tiroca yibitibor̄ũ, yicã ãna.

Jesure judio masa ãna ãmobitire gaye

22 Iti rum̄ari jueb̄uc̄ũ ñac̄ũ. Jerusalén̄jũ Dios ya wi cajero ãna c̄udabiare basa, m̄ucana t̄udi t̄woĩarã basa menicã ãna. 23 Ide ñurajũ roca, Salomón wame c̄utiri d̄ujajuare Dios ya w̄ijũ sãja wac̄ũ ḡua Jesús rãca. 24 Ito bajiro ḡua baji ñaroca Jesure gãni biacõri, ãre seniãcã judio masa:

—¿Nocãta, “Ï meje ñami ã. Ïti ñami”, m̄ure yi masirã yirãjida ḡua? Cristo Dios ã cõarũ m̄ũ ñaja, adocãtati riojo ḡuare gotiya, yicã ãna Jesure.

25 ãna ito yija t̄wocõri, ado bajiro c̄udiquĩ Jesús:

—M̄uare goticãbojac̄ũ yũ. Ito bajibojarocati yũre t̄wor̄ũn̄bitic̄ũ m̄ua. Yũ Jac̄ũ ã rotirisena jaje m̄uare ãbojac̄ũ yũ. Itire ticõri, “Ïti ñami”, yi masir̄ujabojac̄ũ m̄uare. 26 Yũ ya oveja meje ñari, yũre t̄wor̄ũn̄bea m̄ua. Can̄ũ m̄uare yũ goticato bajiroti bajia. Yũ ñarã meje ñari, yũre t̄wor̄ũn̄bea m̄ua, ya yũ m̄uare. 27 Oveja ãna ãjũ ocare ãna t̄wo masiro robo bajiro, yũ ñarã yũre t̄wo masiama ãna. Yũ can̄i ãnare ti masia. Ito yicõri yũre s̄uyarã yirãji ãna. 28 ãna catitĩñaroca ya yũ. Ito bajiri coji godacoa yimenaji ãna. S̄igũjua yũ r̄ucorãre ãmabic̄ũ yiguĩji. 29 ãnare yũ r̄ucotoni yũre c̄ũquĩ C̄una. Nijua ã r̄ëtoro s̄ëogũ maquĩji. Ito bajiri s̄igũjua yũ r̄ucorãre ãma masigũ maquĩji ãja. 30 Yũ, ito yicõri yũ Jac̄ũ rãca riti ña ḡua, yiquĩ Jesús judio masare.

31 Ito yija m̄ucana ãre rearona gũta ãmicã ãna.

32 ãna ito yija ticõri, ado bajiro yiquĩ Jesús ãnare:

—Y_u Jac_u ï masirisen_a s_uoriti jaje m_ua tiro riojo quenarise yibojac_u y_u. ¿Disej_ua queno y_u yire waja y_ure g_uta rear_a yir_ajida m_ua? yiquí Jesús ïnare.

³³ Ì ito yijare ado bajiro c_udic_a judio masa:

—M_u queno yire wajare meje m_ure g_uta rear_a yir_aji g_ua. M_u ya ocana Diore m_u b_usiture waja m_ure rear_a yir_aji g_ua. G_ua robo ùmug_u ñabojaguti, “Dios ña y_u”, yiboja m_u, yic_a ïna Jesure.

³⁴ Ìna ito yijare Jesús ado bajiro yiquí:

—“Y_u bajiroti bajir_a ña m_ua c_uni”, yíni Dios, yí ucare ña m_ua ñic_usabatia ïna rotire. ³⁵ “Dios oca ri-ojo ñasarise ña”, yí t_uo_ia mani. Ì oca t_uor_un_uanare, “Y_u bajiroti bajir_a ña m_ua c_uni”, yíni Dios ï oca tutina. ³⁶ Y_ure besec_uri adi sitaj_u y_ure c_uo_uquí Dios. Ito bajiri, “Dios Mac_u ña y_u”, y_u yijare, ¿no yija, “Diore b_usitua m_u”, yati m_ua y_ure? ³⁷ Y_u Jac_u ï yiro bajiro y_u yibeja, y_ure t_uobesa. ³⁸ Y_u Jac_u ï yiro bajiro y_u yija, y_ure t_uor_un_ubitibojar_ati, y_u yigore tic_uri, “Riti gotiami”, yí t_uo_iar_uja m_uare. Ito bajiri, “Y_ure bajiroti _usi c_utig_u ñami y_u Jac_u. Y_u c_uni ïre bajiroti _usi c_utia”, y_u yija, “Riti gotiami”, yí masir_uja m_uare coji b_usati, yiquí Jesús ïnare.

³⁹ Ito ï yija t_uoc_uri, m_ucana ïre ñia _am_ubojac_a ïna. Jesuj_uama rudicoaquí.

⁴⁰ Rudi wac_uri, Jordán wame c_utirisa sid_uja waquí Jesús m_ucana. Ìre baba c_uti wac_u g_ua c_uni. Itoj_u ejac_uri, Juan ï idé gu ñacati_u tujaquí Jesús.

⁴¹ J_ajar_a masa ïre tir_a ejac_a. Ìre tic_uri, ado bajiro yic_a ïna:

—Tiyamani ïobitibojaguti, _ani gaye ï gotire gaye, riti goti_uni Juan, yic_a masa.

⁴² Itoj_u Jesús ñaroca j_ajar_a ïre t_uor_un_uc_a masa.

11

Lázaro ï godare gaye

¹ Sīgũ ñañi ñarise cōgũ. Ì wame cutiquĩ Lázaro. Ì ñarã romia ñacã María, gajeo Marta. Ìna ñacã Betania gãna. ² Iso María ñacõ Jesús ya gubore queno suti quenarise jio gugoro. Jiocõri iso ya joana weja carogoro ñacõ iso, Lázaro ocabajio. ³ Lázaro ï cõja ticõri, ï ñarã romia Jesure oca cõañi ñna:

—Gua Ëjũ, mũ baba Lázaro cõ ñami, yi oca cõañi ñna Jesure.

⁴ Iti oca tũocõri ado bajiro yiquĩ Jesús gũare:

—Adi ñarise ñre ruyuriobetoja. Godarocũ meje cõ ñaguĩji ï. Ado robojũa bajia. “Rẽtoro ñasagu ñami Dios, ito bajiroti rẽtoro ñasagu ñami Dios Macũ cũni”, masa ñna yi rũcũbuotoni, cõ ñaguĩji Lázaro, yiquĩ Jesús.

⁵ Lázaro, ï ocabajirã romia María, Martare cũni tũo maiñi Jesús. ⁶ “Cõ ñami Lázaro”, yire oca tũobojaguti wabitiquĩ Jesús maji. Gua ñarijũ jũa rũmũ ñacõacũ gua Jesús rãca maji. ⁷ Jũa rũmũ bero gua ï rãca riasotirãre ado bajiro yiquĩ Jesús:

—Ita mũcana Judea sitajũ. Lázaro ï ñarojũ wato mani, yiquĩ Jesús gũare.

⁸ Ito ï yija tũocõri:

—Canũ busati itojũ gãna judio masa mũre gũtana rea sĩa ãmobjañi ñna. ¿Itojũ tũdi ware tũoĩati, gũare riasogũ mũ? yi seniĩacũ gua Jesure.

⁹ “Yũre ñna sĩarotijũ ejabea maji”, yirocũ ado bajiro cũdiquĩ Jesús gũare:

—Ëmũa co ãmũa doce hora busurise ña. Ito bajiri sīgũ ï wa ucuja jũatabiquĩji iti busujare. Macãrucũro busurise iti ñajare ti masigũ yiguĩji. Ito

bajiri j̄at̄abiquĩji ĩ ẽm̄ua ñajare. ¹⁰ Ñami ĩ wa ucuja j̄at̄aḡu yiguĩji, busurise iti manijare, yiquĩ Jesús ḡuare.

¹¹ Itire goticõri m̄ucana gaje gotiquĩ Jesús ḡuare:

—Mani baba Lázaro canicoaguĩji. Ito bajiri ĩre yujioḡu waju ȳu, yiquĩ Jesús.

¹² Ito ĩ yija t̄ocõri:

—Ḡua Ƴ̄j̄u, ĩ canija quena ña ĩre. Tujacoagu yiguĩji ĩ, yic̄u ḡua Jesure.

¹³ “Caniḡũ yiguĩji”, Jesús ĩ yija, “W̄ujore, yiguĩji Jesús”, yire masic̄u ḡua. Ito bajiro ḡua t̄oĩabojarocati, Jesuama, “Godacoami”, yireoni yiḡu yĩni ĩ. ¹⁴ “Ȳure queno t̄o masibeama ĩna”, yi t̄oĩacõri, riojo ḡuare gotiquĩ Jesús ĩja:

—Lázaro godacoami ĩja. ¹⁵ Queno yiḡuti ĩ t̄uj̄u ñabisija ȳu. Ito bajicõri ȳure t̄oŕũn̄rã yirãji m̄ua. “Riti Dios Mac̄u ña m̄u”, ȳure yi r̄uc̄ub̄orã yirãji m̄ua. ĩ t̄u ita ĩja, yiquĩ Jesús ḡuare.

¹⁶ S̄iḡũ Jesús r̄ãca riasotiḡu, ḡua r̄ãca gaḡu Tomás wame cutiquĩ. “S̄ũr̄uar̄u”, yic̄u ḡua ĩre. Ado bajiro yiquĩ ĩ, ḡuaj̄uare:

—Ita mani c̄uni. Jesús r̄ãcati godana mani c̄uni, yiquĩ Tomás ḡua ĩ baba mesare.

Ȳu ña masa t̄udi catiroca yiḡu, Jesús ĩ yire gaye

¹⁷ Betaniaj̄u ḡua ejaroca, “J̄uaria r̄um̄uri t̄aja Lázarore ĩna yujeja bero”, yicã masa, ḡuare gotirã.

¹⁸ Jerusalén rocaj̄ua b̄usa ñac̄u Betania. Coji cõre ḡudarecocõ ñac̄u Betania. ¹⁹ Ito bajiri j̄aj̄arã Jerusalén ḡãna judio masa ejacã Lázaro ĩ godaja otirã. “B̄ujato bajaia, m̄ua r̄ĩjor̄u ĩ godaja”, yi María, Martare c̄uni guañagõ otirã ejacã ĩna. ²⁰ “Wadiami Jesús”, yire oca t̄ocõri, ĩre bocago ejacõ Marta.

Maríama ejabiticō. Wijū ñacōañi iso. ²¹ Jesús tujū ejacōri ado bajiro yicō Marta:

—Yū Ūjū, mū iti rūmū busa ado mū ñajama, bai godabitiborū ĩ. ²² “Ī godaja bero ñabojarocati, no Diore mū senija, ito bajiroti mure ĩsigū yiguñji Dios”, yi tūoĩa yū, yicō Marta Jesure.

²³ Iso ito yija tūocōri:

—Mū rījorū tūdi catigū yiguñji, yiquĩ Jesús isore.

²⁴ Ito ĩ yija:

—Riti gotia mū. Sūsari rūmū masare tūdi ĩna catiroca Dios ĩ yiri rūmū, tūdi catigū yiguñji bai, yi tūoĩa yū, yicō Marta Jesure.

²⁵ Iso ito yija tūocōri, ado bajiro yiquĩ Jesús:

—Yū ña tūdi masa ĩna catiroca yigū. Ito yicōri yuti ña catitīñare rucogū. No yure tūorūnūgūti catitīñagū yiguñji. Godabojagūti tūdi catigū yiguñji ĩocū ĩja, yiquĩ Jesús isore. ²⁶ Mūcana tūdi yū ejari rūmū, yure tūorūnū ña yucārā catitīñarā yirāji ĩna. Godamenaji ĩna. ¿Itire tūorūnūati mū cūni? yi seniñaquĩ Jesús Martare.

²⁷ Ito ĩ yija tūocōri:

—Yū Ūjū, mū yiro bajiroti bajia. Mūti ña Cristo, Dios ĩ cōarū. Mūti ña Dios Macū, adi macārucārojū wadirū. Itire tūorūnūa yū, yicō iso Jesure.

Lázaro ya masari cuma tū Jesús ĩ otire gaye

²⁸ Iso ito yija bero iso rījoro Maríare jigo wacō Marta. Iso tū ejacōri, ado bajiro Maríare goti rudi-yijo iso:

—Manire riasori masū ito ñami. “Wadijaro”, yimi mure, yiyijo Marta iso rījorore.

²⁹ Iso ito yiroca riti wūmūcōri, Jesure tigo wadiñi María. ³⁰ Cūtojū ejabiticū gūa Jesús rāca maji.

Marta iso bocacatojuti ñacu gña maji. ³¹ María rãca ñañi judio masa, iso yagu godajare otirã. Ejori iso wamwaja waja ticõri, isore sũya wadiñi ña cani. “Masari cumajũ otigo wagõji”, yi tũõari seyoñi ña.

³² Gña tũ ejacõri Jesús riojo rijomunigãna ñini rũjũcõ María. Ito yicõri ado bajiro ñre bũsicõ iso:

—Yũ Eju, mũ iti rãmũ bũsa mũ ado ñajama, bai godabitiboru, yicõ iso Jesure.

³³ María iso otija ticõri, iso rãca wadiana judio masa ña otija ticõri, bojori bũjaquĩ Jesús cani. Ito bajiri ñ ya usiju bũto bojori bũja ñaquĩ Jesús. ³⁴ Ado bajiro ñnare seniãaquĩ Jesús:

—¿Noju ñre yujeri mũa? yi seniãaquĩ Jesús.

Ito ñ yija tũocõri:

—Adojũa tigu waya mũ, yicã ña Jesure.

³⁵ ña ito yija tũocõri, otiquĩ Jesús ñja. ³⁶ Jesús ñ otija ticõri, ado bajiro yicã judio masa:

—Tite mũa. Lázare bũto tũo mairi seyoami ñ, yicã ña.

³⁷ Gãjerã coriarãma ado bajiro yicã ña:

—Cajea tibicũre yisiogu ñabojaguti, ¿no yija Lázaro ñ godabitiroca yibisijari ñ? yicã ña coriarã.

Lázare tũdi ñ catiroca Jesús ñ yire gaye

³⁸ Mũcana Jesús bojori bũjaguti eja rũgũquĩ, masari cuma tũju. Gũta toti ñacu godarũre ña cũrajũ. Iti soje gũtana biare cãtica. ³⁹ Ito yija ado bajiro rotiquĩ Jesús:

—Itiga gũtagã ãmigoya, yiquĩ Jesús.

Ito ñ yija tũocõri, ado bajiro yicõ Marta, godarũ ocabajio:

—Jũaria rãmũri tũja ñ godaja bero. Bũoro ãniguñji ñja, yicõ iso Jesure.

40 Iso ito yibojarocati:

—Yure mu t̄or̄n̄ja, r̄toro ñasarise Dios gaye tigo yigoja mu, mare gotibu yu, yiqui Jesús isore.

41 “Gūtagā āmicāña”, Jesús i yija t̄oc̄ori, gūtagāre āmigocā masa. Ito yija macār̄c̄uroj̄are ti m̄oc̄ori, ado bajiro yiqui Jesús:

—Cuna, queno ya mu. Yure t̄oa mu. 42 Yu masia, coji rayabeto yure t̄osotia mu. Ito bajibojarocati adi sita gāna mare ña t̄or̄n̄toni, ña tiro riojo mu rāca b̄sia yu. “Dios i c̄aru ñami āni”, ña yitoni, mu rāca b̄sia yu, yiqui Jesús, Diore b̄sigu.

43 Iti goti t̄oḡti awasāquī Jesús ija:

—Lázaro, budi waya adoju, yiqui Jesús.

44 Ña yujeboruti budiqui Lázaro ija. I ya ricari, ito yic̄ori i ya rujure c̄ni sayana d̄rea biar̄ ñaquī i. Ḡbori c̄ni, i ya rijoga c̄ni saya werona biar̄ ñaquī. Ruyubic̄ ñaquī i. Ito bajiri ado bajiro masare rotiqui Jesús:

—Ire ōjaña, i watoni, yiqui Jesús.

Jesure ñiarona ña c̄n̄re gaye

(Mt 26.1-5; Mr 14.1-2; Lc 22.1-2)

45 Ito bajiro Jesús i yija tic̄ori, jājarā judio masa Mariare baba cutiana Jesure t̄or̄n̄c̄ā ña ija. “Riti Dios i c̄aru ñami āni”, yi t̄or̄n̄c̄ā ña ija.

46 Gājerāma fariseo gaye t̄oīarāre tirā wacā ña. Ña t̄ju ejaçori, Jesús i iogore ñare gotiyijarā ña.

47 Ña ito yijare, fariseo gaye t̄oīarā, paia ujarā rāca, ujarā ñasarā rāca minijuayijarā. Ito yic̄ori ado bajiro b̄siyijarā ña:

—¿No bajiro yir̄jati mani? Jaje tiyamani iogū ñami āni. 48 Ire mani camotabeja, masa jeyaro

Īre t̄or̄un̄r̄ā yir̄āji. Īna ito yija ticōri, mani ya minijuara wire ruyurior̄ā wadir̄ā yir̄āji romano masa. Ito yicōri manire c̄ni ruyurior̄ā wadir̄ā yir̄āji Īna, yi gāmeri b̄siyijar̄ā Īna.

⁴⁹ Iti rodore paia ɯj̄u Caifás wame c̄tiḡu ñaquĩ. Īnare ado bajiro gotiyij̄u ĩ:

—Masir̄ā meje ña m̄ua. ⁵⁰ Sīḡu mani jeyarore yiari ĩ goda ĩsija quena. Mani jeyarore ĩna ruyuri-oja quenabetoja, yiyij̄u Caifás.

⁵¹ Paia ɯj̄u ñari, ĩmasirio t̄oĩacōri meje yiyij̄u Caifás. Ī masia mani ito bajiro ĩ b̄siroca yiyij̄u Dios ĩre. Ito bajiro ĩ b̄sija, ijaj̄u bajiroti gaye b̄siyij̄u ĩ. “Judio masa ñajedirore goda ĩsiḡu yiguĩji Jesús. ⁵² Īnare riti meje goda ĩsiḡu yiguĩji ĩ. Dios ĩ beseana di sita gāna r̄yabeto manire goda ĩsiḡu yiguĩji ĩ. Sīḡu r̄iare bajiro mani ñatoni manire goda ĩsiḡu yiguĩji Jesús”, yiḡu bajiro yiyij̄u ĩ Caifás. ⁵³ Iti ram̄arinati, “¿No bajiro Jesure s̄iar̄ajati mani?” yi b̄si ñayijar̄ā judio masa ɯjar̄ā.

⁵⁴ Ito bajiri masa ĩna tiro riojo wa ucubitiq̄u Jesús ĩja. Judea sita Jesús ĩ wagoja, ĩre s̄ya wac̄u ḡua c̄ni. Efraín wame c̄tiri c̄to wac̄u ḡua. Yuc̄u mano t̄uj̄u ñac̄u iti c̄to. Itoj̄u tujac̄u ḡua Jesús r̄āca.

⁵⁵ Ȳu ñar̄ā judio masa pascua basa ĩna menirotto jabeto r̄yayij̄u. Ito bajiri masa jājar̄ā wayijar̄ā Jerusalén̄j̄u. Pascua basa rioj̄ua ĩna ñeñaro yirise coe rotir̄ā ejayijar̄ā ĩna. ⁵⁶ Itoj̄u ejacōri, Jesure āmabojayijar̄ā ĩna. Dios ya wij̄u ejacōri ado bajiro gāmeri seniñayijar̄ā ĩna:

—¿No bajiro t̄oĩati m̄ua? ¿Basa tiḡu ejaḡu yiguĩjida m̄uaca? Ejabic̄u yiguĩji gajea, yi gāmeri b̄siyijar̄ā ĩna.

⁵⁷ Fariseo gaye tũoĩarã, paia ɯjarã cuni, “Jesure mɯa ti bɯjaja, gɯare gotiba. Ĩre ñiarona ya gɯa”, yi gotiyijarã ĩna masare.

12

*Jesús ya gɯbore sɯtirise María iso jio gure gaye
(Mt 26.6-13; Mr 14.3-9)*

¹ Coga ãmojeno rumɯri pascua basa ĩna menirotio jɯa Betania wame cutiri cutojɯ wacɯ gɯa Jesús rãca. Iti cuto ñacɯ Lázaro ĩ ñaro. Ito ñacɯ Lázarore mɯcana tɯdi ĩ catiroca Jesús ĩ yirajɯ. ² Jesús ĩ ejaja ticõri, ĩre rãcɯbɯorã ĩre bare meni ĩsicã Lázaro ĩ ocabajirã romia. Marta ñacõ gɯare bare jeogo. Lázaro cuni gɯa rãca ba rujiqũ ĩ. ³ Gɯa baroca úye queno sɯti quenarise nardo wame cutirise ãmi ejacõ María. Co coacõ ñacɯ iti. Buto waja cutirise ñacɯ. Itina Jesús ya gɯbore jio gucõ iso. Ito yicõri iso ya joana weja carocõ iso. Wi dajaroti sɯti dajacoacɯ iti sɯtirise. ⁴ Itojɯ ñaquĩ Judas Iscariote. ĩcuni gɯare bajiroti Jesús rãca riasotigu ñabojaqũ. ĩ ñaquĩ Jesús wajana ĩre ñiatoni gotiri masɯ. Jesús ya gɯbore iso jio guja ticõri, ado bajiro yiquĩ Judas:

⁵ –Iti úye queno sɯti quenarise ĩsicõri, trescientos niyeru kujiri ãmirɯjaboyija mɯ. Iti waja bɯjacõri bojoro bɯjarãre ejabɯarɯjaboyija mɯ, yiquĩ Judas.

⁶ Bojoro bɯjarãre tɯo maigũ meje yiquĩ ĩ, ito ĩ yirise. Riniri masɯ ñari ito bajiro yiquĩ ĩ. ĩ ñaquĩ gɯa ya niyeru awiruca seori masɯ. Iti awiruca gɯa sãrisere ãmisotiñi ĩ. ⁷ Ito yija ado bajiro yiquĩ Jesús ĩre:

—Ŭsirio codebesa isore. Yure ñna yujerotire tuoña yugo ito bajiro yamo iso. ⁸ Mña rãca riti ñatĩñarã yirãji bojoro bñjarã. Ito bajiri ñnare ejabñatĩñarã yirãji mña. Yñama mña rãca ñatĩñabicu yigñja. Ito bajiri mña rãca yñ ñaroca maji yñjñare ejabñaja quena, yiquĩ Jesús ñre.

Lázarore sña ãmorã ñna cññre gaye

⁹ “Betaniaju ñaguñji Jesús”, yire oca, jñjarã tuoñi judio masa. Jesure riti tirã meje ejacã ñna. Lázarore tñdi ñ catiroca Jesús ñ yirñre tirã rãcati wadiñi ñna. ¹⁰ Ito bajiro masa ñna yija ticõri, Lázarore cñni sñare cñnicã paia ñjarã. ¹¹ Lázaro ñ tñdi catija ticõri, paia ñjarãre jidicã wacã masa. Ito yicõri Jesure tñorññcã ñna ñja. Ito bajijare Lázarore cñni sña ãmoñi paia ñjarã.

Jerusalénju Jesús ñ ejare gaye

(Mt 21.1-11; Mr 11.1-11; Lc 19.28-40)

¹² Ito bero gaje rñmñ, “Ado ejagu yiguñji Jesús”, yire oca tuo jedicã masa. ñna ñnacã Jerusalénju pascua basa tirã ejana. ¹³ Ito bajiri Jesure boca ãmirona rujaño caeri ãmicã ñna. Ito yicõri ado bajiro awasãcã ñna, ñre wanñrã:

—Rẽtoro ñnasagu ñnami Dios. ñ cõarñre queno yijaro Dios. Gña Israel gña ñju ñarocñre queno yijaro Dios, yi awasãcã ñna, ñre wanñrã.

¹⁴ Burro wame cutigñre bñjacõri, mñja jeaquĩ Jesús. Ito bajiroti yi gotia Dios oca cñni. Tñote mña:

¹⁵ Mña Siõn cuto gña, gñibesa. Mña ñju ñarocñ burro joe jesa wadiami, yi gotia Dios oca.

¹⁶ Cajero queno tuo masibiticñ gña Jesús rãca ri-asotirã maji. Ŭmacñju Jesure rñcñbñorajñ ñ mñjaja

bero, “Riti gotia Dios oca. Jeyaro iti gotiadao bajiroti rētacu”, yi masicu gna ĩja.

17 Masa jājarā ticā masari cumaju ñagū Lázarore tūdi ĩ catiroca Jesús ĩ yija. ĩ catija tigoana ñari masa jeyarore goti batoñi ĩna. 18 Ito bajiri, “Tiyamani gaye, ĩoami Jesús”, yire oca tūocōri, Jesure tirā masa jājarā ejacā. 19 Ito bajiro masa ĩna yija ticōri, fariseo gaye tūoñarā ĩnamasiti gāmeri būsijarā:

—Tiya, masa jeyaro ĩ ocare tūo sūya wama ĩja. No yiado ma manire, yiyijarā fariseo gaye tūoñarā.

Griego masa Jesure ĩna āmare gaye

20 Basa ñaroca Jerusalénju Diore rūcubhorā wana rāca wusayijarā coriarā griego masa. 21 Felipere oca seniñarā wayijarā ĩna. Galilea sita Betsaida wame cutiri cuto gagu ñaquĩ Felipe. Ado bajiro Felipere yiyijarā ĩna:

—Jesure ti āmosacōa gna, yi josayijarā ĩna Felipere.

22 ĩna ito yija tūocōri, Andrésre gotigu wayiju Felipe. Ito bajiri ĩna jāarā Jesure gotirā ejacā gna tūju. 23 ĩna oca gotija tūocōri, ado bajiro yiquĩ Jesús ĩnare:

—Yū ña Masa Rĩjoru. Ũmacūju rūcubhoraju yū tūdi mūjarotiju ejacoaju ĩja. Yūre ĩna sīarotiju eja-coaju ĩja. 24 Riti mūare gotia yū. Trigo aje queno carabetoti jacaju iti quedija, judibetoja. Queno caracōri iti quedija, jaje judiro yiroja mūcana. Godacōri mūcana tūdi catiadao bajiro baja ito. 25 No ĩ catirise maibojaguti godagu yiguĩji. Ito yicōri Dios tū ejabiquĩji ĩ. No adi macārucūroju ĩ ñarise maibicūama godabicū yiguĩji. Catitĩnare gaye būjagu yiguĩji ĩocūama. 26 No yūre moa ĩsi

ãmogũ, yure sayaja quena. No yu ñaroti, ito ñagũ yiguĩji yure moa ñsigũ cani. No yure moa ñsigũre rucabũogũ yiguĩji yu Jacũ, yiquĩ Jesús ñnare.

Yure sñarã yirãji, Jesús ñyi gotire gaye

²⁷ Ñ Jacũre bũsigũ ado bajiro yiquĩ Jesús:

—Bũto tũoĩa oca jaia yu. “Cũna adocãta yure rētaroti gaye, iti yure rētame yirocũ yure masoña”, ¿yirũjati yu? Meje ito bajiro yibicũja yu. Itire tũbũjarocũ wadirũ ña yu. ²⁸ Cũna, mũ ãmoro bajiroti rētajaro, masa mũre ñna rucabũotoni, yiquĩ Jesús, Diore bũsigũ.

Ito ñ yirocati, ñmacũju oca ruyucũ:

—Masa yure ñna rucabũoroca yicãcũ yu. Mũcana tũdi ñna rucabũoroca yigu ya yu, yire oca ruyucũ ñmacũju.

²⁹ Gũa iti oca tũocõri:

—Bũjo ñaru, yicũ gũa coriarã. Gãjerãma:

—Ángel bũsirũ, yicã ñna.

³⁰ Ito bajiro masa ñna yija tũocõri, ado bajiro yiquĩ Jesús:

—Yure yiari meje oca ruyubũ. Mũare yiari, mũa tũotoni oca ruyubũ. ³¹ Adocãta adi macãrucũro gãnare Dios ñ beserotijũ ejacoajũ ñja. Ito yicõri, adi macãrucũro gãnare ñeñaro yi rotigure, ñre bucõagũ yiguĩji Dios. ³² Masa yucũtẽojũ yure ñna mũo rũgõja, jãjarã yure ñna boca ãmiroca yigu yigũja yu, yiquĩ Jesús masare.

³³ “Ito bajiro godagũ yiguĩji”, masa ñna yi tũo masitoni, ito bajiro gotiquĩ Jesús ñnare. ³⁴ Ito ñ yijare, ado bajiro cũdicã masa:

—Gũa masa bũcũrã papera tuti iti gotija, “Catitĩñagũ yiguĩji Cristo”, yi gotia iti. ¿No yija,

“Masa Rĩjorũre mũorã yirãji ãna”, yati mũ? ¿Ñĩmũ ñati Masa Rĩjorũ? yicã ãna Jesure.

³⁵ Ñna ito yijare ado bajiro cãdiquĩ Jesús:

—Yũ ña busurise rucogũ, mũa tũo masiroca, mũa ti masiroca cũni yigũ. Yoari mejeti mũare wagogũ yigũja yũ. Yũ waroto riojũa mũare riasogũ ya yũ maji. Ito bajiri mũa rãca yũ ñaroca riti queno riasotiya mũa. Ito bajiro mũa yija queno tũo masirã yirãji mũa. Ito yicõri ñeñaro yimenaji mũa. No rãitĩarojũ wacũ, “Ito wagũja yũ”, yi masibicũ yiguĩji. Ito bajiro yibojama ñeñaro yirã. ³⁶ Yũ ña busurise rucogũ. Yũre tũorũnũña mũa, mũa rãca yũ ñaroca riti maji. Yũre mũa tũorũnũja, queno tũo masirã yirãji. Ito yicõri yũ ñarã ñatĩñarã yirãji, yiquĩ Jesús masare.

Ito bajiro masare ã gotija bero, gũa masibetojũ wa godacoquĩ Jesús ãja.

Judio masa Jesure ãna tũorũnũbitire gaye

³⁷ Jaje tiyamani masa ãna tiro riojo ã ãbojarocati, ãre tũorũnũbiticã masa. ³⁸ Ñna Jesure tũorũnũbeja, Isaías ñayorũ ã ucado bajiroti rãtacũ. Ado bajiro ucayoñi ã:

Gũa Uju, gũa gotirise sĩgũ tũorũnũgũ mami. Ito yicõri, mũ ãorisere sĩgũ tũorũnũgũ mami, yi ucañi Isaías ñayorũ.

³⁹ “Dios ã cõarũre tũorũnũmena yirãji masa”, yirocũ ado bajiro ucañi Isaías ñayorũ:

⁴⁰ Ñna tibitiroca yigũ yiguĩji Dios. Ito yicõri ãna ya usijũ ãna tũo masibitiroca yigũ yiguĩji Dios. Ito bajiri ãna ya cajeana ti masimena yirãji ãna. Ñna ya usina queno tũo masimena yirãji

ĩna. Ito yicõri, Dios ĩ cõarure tãdi yisio rotimena yirãji ĩna, yi ucañi Isaías ñayoru.

41 Isaías ĩ cãiroju, bũto Cristo ĩ ñasarise tiyijũ ĩ. Ito bajiri iti gaye ucayoñi ĩ.

42 “Ito bajiro bajirã yirãji”, Isaías ĩ yire ñabojarocati jãjarã judio masa Jesure tũorũnũcã. ĩna ujarã cũni coriarã Jesure tũorũnũcã. Masa ĩna tũoro riojo, “Jesure tũorũnũgũ ña yũ cũni”, yibiticã ĩna. “Fariseo gaye tũoĩarã manire bucõarã yirãji ĩna”, yirona gotibiticã ĩna. 43 Dios gaye rẽto bũsaro, masa gaye rũcũbũore ãmocã ĩna.

Yũ ocare tũorũnũbitianare ruyuriogũ yiguĩji Dios, Jesús ĩyire gaye

44 Gũa tũ tãdi ejacõri, ado bajiro masare oca sẽoro bũsiquĩ Jesús:

—Yũre tũorũnũrã, yũre riti meje tũorũnũrã yirãji. Yũ Jacũ yũre cõarure cũni tũorũnũrã yirãji. 45 Yũre mũa tija, yũre cõarure cũni tia mũa. 46 Yũ ña busurise rũcogũ. Yũre tũorũnũrã rãitĩaroju ĩna ñame yirocũ, adi macãrũcũrojure wadicũ yũ. 47 Yũ ocare tũobojaguti, yũre ĩ tũorũnũbeja, yũ meje ña ĩre ruyuriorocũ. Adi macãrũcũro gãnare ruyuriorocũ meje wadicũ yũ. Masare masorocũjũa wadicũ yũ. 48 Yũre rũcũbũobiticõri, yũ ocare tũorũnũbicure, ruyuriorocũ sũgũ ñacãguĩji. Yũ ocare ĩ tũorũnũbiti waja sũsari rũmũ ĩre ruyuriogũ yiguĩji Dios. 49 Yũmasirio meje bũsia yũ. Yũ Jacũ yũre cõaru, yũ bũsiroti, yũ riasoroti cũni yũre cũcãquĩ ĩ. 50 “Yũ Jacũ ĩ rotirise gaye ĩna tũorũnũja, catitĩnarã yirãji ĩna”, yi tũoĩa yũ. Yũ bũsija, yũ Jacũ ĩ rotiado bajiroti bũsia yũ, yiquĩ Jesús masare.

13

Īrāca riasotirā ya gūbori Jesús ĩ coere gaye

¹ Pascua basa ñaroto riojua, “Yū adi macārucārore wagocōri yū Jacu tu yū waroto ejacoaju ĩja”, yi tūoñari seyoñi Jesús. Adi macārucāro gānare ĩ ñarāre maisotiquĩ Jesús. “Riti mūare buto maisacōa yū”, yi ĩorocū, goda ĩsirocū ñacāñi Jesús.

² Gūa basūsaroca Judas Iscariote Simón macūre ĩ ya ũsiyū ñacāri seyoñi rāmá. Judas ya ũsiyū ñacōri, “Jesús wajana ĩre ĩna ñiatoni gotiba”, yi ñari seyoñi rāmá Judasre. ³ Ado bajiro yi tūoñari seyoñi Jesús, “Dios yagu wadirū ña yū, ito yicōri ĩ tu tūdi wacū yigūja yū. Yū roti masitoni yū Jacu ĩ cūrū ña yū”, yi tūoñari seyoñi Jesús. ⁴ Gūa basūsa ñaroca bare jeodo tu rujigu wūmū rūgūquĩ Jesús. Joegado ĩ sāñaro ruacōri, toallana ĩ ya jeragaju wēo taquĩ. ⁵ Ito yicōri rujatērojū ide jioquĩ. Ito yicōri gūa ya gūbori coesūoquĩ Jesús. Coe tīocōri toalla ĩ wēo tarona gūa ya gūbori caroquĩ ĩ.

⁶ Simón Pedrore gūbo ĩ coegū wagū yiroca ado bajiro yiquĩ Simón Pedro ĩre:

—¿Yū Ūjū, yū ya gūbore coegū yati mū? yiquĩ Pedro.

⁷ Ito ĩ yijare cūdiquĩ Jesús:

—Adocāta mūa ya gūbori yū coerise queno tūo masibea mūa maji. Ija co rūmū masirā yirāji mūa itire, yiquĩ Jesús.

⁸ Ito ĩ yibojarocati:

—Yū ya gūbore coebicū yigūja mū, yiquĩ Pedro Jesure.

Ito ĩ yijare:

—M_u ya g_ubori y_u coebeja y_u rãca gag_u meje ñag_u yig_uja m_u, yiquĩ Jesús Pedrose.

⁹ Ito ï yija t_uocõri, c_udiquĩ Pedro:

—M_u ito yija, y_u ya g_ubori riti meje coeya. Y_u ya ãmo c_uni, y_u ya rijoga c_uni coeya, yiquĩ Pedro Jesure.

¹⁰ Ito ï yija t_uocõri, ado bajiro c_udiquĩ Jesús:

—Gua t_uocãr_ure jeyaro ruj_uri coere ma. G_ubori riti coeja quena. Ueri mana bajiro bajirã ña m_ua. Ito bajibojarocati s_ug_u ñami m_ua rãca gag_u ueri jaig_u bajiro bajig_u, yiquĩ Jesús g_uare.

¹¹ “Ï ñami y_ure ñna ñiatoni gotiri mas_u”, yi ma-sicõri, “M_ua jeyaro meje ueri mana ña m_ua”, yiquĩ Jesús g_uare.

¹² G_ua ya g_ubori coe t_uog_u joe ï sãñaro sãñaquĩ Jesús m_ucana. Bare jeoado t_u rujicõri ado bajiro yiquĩ ï m_ucana g_uare:

—¿M_uare g_ubori y_u coerise t_uo masiati m_ua?

¹³ “G_uare riasog_u, g_ua Uj_u”, ya m_ua y_ure. Ïti ña y_u. Ito bajiro y_ure m_ua yija quena ña. Riojo ya m_ua. ¹⁴ Y_u m_ua Uj_u, m_uare riasog_u ñabojaguti m_ua ya g_ubori y_u coeja, m_uamasi c_uni gãmeri g_ubori coeja quena. ¹⁵ Y_u yiro bajiro m_ua yitoni m_uare ïocãm_u y_u. ¹⁶ Riti m_uare gotia y_u. S_ug_u moa ïsiri mas_u ï u_u rëtoro ñasabiquĩji ï. S_ug_u gãji cõar_u ï ñaja ïre cõar_u rëtoro ñasabiquĩji ï. ¹⁷ Iti y_u busirise t_uocõri, ito yicõri itire m_ua queno c_udija, wan_u quenarã yirãji m_ua, yiquĩ Jesús, g_uare.

¹⁸ M_ucana gaje ado bajiro gotiquĩ Jesús g_uare:

—M_ua jeyarore t_uoñag_u meje busia y_u. “Ïna ñama y_u beseana”, yi masia y_u. Dios ï busigore rëtaru ya. Ado bajiro gotia iti ï oca tutina: “Y_u rãca bag_u

ñabojaguti yure jidicãgũ yiguĩji”, yi gotia Dios oca. ¹⁹ Iti rëtaroto riojua mware gotia yu. Ito bajiri iti rëtaja ticõri, “Dios cõaru ña yu”, yu yiro bajiroti yure tãorãnurã yirãji mwa. ²⁰ Riti mware gotia yu, Yu cõanare boca ãmirã yure cãni boca ãmirã yirãji. Noa yure boca ãmirã yure cõarure cãni boca ãmirã ñama ñaõna, yiquĩ Jesús guare.

Yure ñna ñiatoni yu wajanare gotigu yiguĩji Judas, Jesús ï yire gaye

(Mt 26.20-25; Mr 14.17-21; Lc 22.21-23)

²¹ Ito bajiro ï yija bero, ï ya usijua bũto tãoĩa bojori bujaquĩ Jesús. Queno riojo guare gotigu ado bajiro yiquĩ ï:

—Riti mware gotia yu. Yure ñna ñiatoni yu wajanare gotigu yiguĩji mwa rãca gagu, yiquĩ Jesús guare.

²² Ito ï yija tãocõri, gwa ï rãca riasotirã guamasiti gãmeri ticu. “Ïre busiguĩji”, yi masibiticu gwa. ²³ Yu ï rãca riasotigure bũto maiquĩ Jesús. Ito bajiri gwa basusacati rumu ï tãba rujicu yu. ²⁴ ¿Ñimure tãoĩagũ busiati mu? yi Jesure yu seniĩatoni yure ti ñucaquĩ Simón Pedro. ²⁵ Ito ï yija ticõri, Jesús tã busa eja rũjũcõri, ïre seniĩacu yu:

—Yu Uju, ¿ñimujua ñati mware oca menirocu? yicu yu Jesure.

²⁶ Ado bajiro cudiquĩ Jesús yure:

—Najuro yosecõri, yu ïsigũ, ï ñagũ yiguĩji, yiquĩ Jesús yure.

Ito bajiro ï yija bero, Judas Iscariote Simón macure ïsiquĩ ï. ²⁷ Iti naju ï boca ãmirocati rãmúa ujua Satanás sãjacoari seyoquĩ Judas ya usijua. Ito bajijare ado bajiro yiquĩ Jesús ïre:

—Yure mu oca meni ãmorise cojisiti wacõri oca meniña, yiquĩ Jesús Judasre.

²⁸ Ì rãca ba rujicãna gña sîgũjua ito bajiro ì busirisere tão masibiticu gña. ²⁹ Gña ya niyeru awirucare tirãnugũ ñaquĩ Judas. Ito bajiri, “Basa ramu ñaroca mani baroti waja yitẽña”, yiguĩji Jesús, yire masicu gña. “Bojoro bujarãre niyeru ìsitẽña”, yiguĩji gajea, yire masicu gña.

³⁰ Naju Jesús ì ìsirise boca bacõri, wacoaquĩ ì ìja. Ito bajiro ì yiroca ñamijũ ñacoacu ìja.

Mame rotire gaye

³¹ Judas ì wagoja bero ado bajiro yiquĩ Jesús gñare:

—Ûmacũju, yu Masa Rĩjoru, yure rãcubũoroju ware ejacoaju ìja. Yure rẽtaroti gaye ticõri, Diore rãcubũorã yirãji masa. ³² Diore masa ìna rãcubũoroca yu yija, yure cuni ìna rãcubũoroca yigu yiguĩji Dios. Yoari mejeti ito bajiro yigu yiguĩji Dios. ³³ Yu rĩa robo bajirã ña muu. Muu rãca yoari ñabicũja yu ìja. Yure ãmabojarã yirãji muu. Canu gãjerã judio masare yu goticato bajiroti adocãta muare cuni gotia yu. “Yu waroto wa masimenaji muu”, ya yu muare cuni. ³⁴ Adocãta mame rotire gaye muare gotigu ya yu. Ado bajiro bajia iti. Gãmeri ti maima muu. Muare yu ti mairo bajiroti muu cuni gãmeri ti maija quena. ³⁵ Muu gãmeri ti maija ticõri, “Jesús rãca riasotirã ñama ìna”, yirã yirãji masa jeyaro.

“Jesure masibea yu”, yigu yigũja mu, Pedrore Jesús ì yire gaye

(Mt 26.31-35; Mr 14.27-31; Lc 22.31-34)

³⁶ Ito ì yija tãocõri, Jesure seniñaquĩ Simón Pedro:

—Y_u *Uj_u*, ¿no_u wac_u yati m_u? yiquí Pedro ñre.

Ito bajiro ñ yijare:

—Adocãta y_u warotoj_u wa masibicuj_a m_uáma maji. Ija y_ure s_uyag_u yig_uja m_ucana, yiquí Jesús Pedrore.

³⁷ Ito ñ yija t_uocõri:

—Y_u *Uj_u*, ¿no yija adocãta m_u rãca wa masibicuj_ada y_u? Gãjerã y_ure ñna sãbojarocati m_ure jidicãbicuj_a y_u. M_ure goda ñsiroc_u ñacã y_u, yiquí Pedro Jesure.

³⁸ Ito ñ yijare c_udiquí Jesús:

—¿Riti y_ure goda ñsiroc_u ñacãti m_u? Riti m_ure gotia y_u. Cara ñ yujiroto rioj_ua *u*diaji, “Jesure masibea y_u”, yig_u yig_uja m_u, yiquí Jesús Pedrore.

14

Y_una s_uoriti mani Jac_u t_u ejarã yirãji m_ua, Jesús ñ yire gaye

¹ M_ucana gaje ado bajiro gotiquí Jesús g_uare:

—B_uto t_uoïa *u*sirio yibeja m_ua. Diore t_uor_un_ucõri, y_ure c_uni t_uor_un_uña. ² C_una ya wi m_ua ñarotij_uri jaje ñaroja. Ito bajiro iti bajibeja m_uare gotibitiboa y_u. Itoj_u m_ua ñarotij_u queno yug_u waj_u y_u. ³ Ito wacõri m_ua ñarotij_uri queno t_uog_u m_ucana t_udi wadig_u yig_uja y_u. Ito yicõri y_u ñaroj_u m_ua ñatoni m_uare *ã*mig_u eja_u yig_uja y_u. ⁴ Y_u warotij_u masia m_ua. Ito yicõri itoj_u wara mare masia m_ua, yiquí Jesús g_uare.

⁵ Ito ñ yibojarocati ado bajiro yiquí Tomás:

—G_ua *Uj_u*, m_u warotore masibea g_ua. ¿No bajiro ito wara mare masirã yirãjida g_ua? yiquí Tomás Jesure.

⁶ Ito ñ yijare ado bajiro c_udiquí Jesús:

—Y_u ña ito wara ma bajiro bajig_u. Y_uti ña riojo gotig_u. Y_uti ña catitĩñare rucog_u. Y_u sīgũna s_uoriti y_u Jac_u t_u ejare ñaro yiroja. ⁷ Y_ure m_ua ti masija y_u Jac_ure c_uni ti masirã yirãji m_ua. Y_ure ticōri ĩre ticã m_ua. Ito bajiri ĩre ti masirã ña m_ua ĩja, yiquĩ Jes_us g_uare.

⁸ Ito ĩ yijare ado bajiro yiquĩ Felipe ĩre:

—G_ua E_uj_u, m_u Jac_ure g_ua tiroca yiya. Ito bajiro m_u yija quena ñaroja g_uare. “Riti gotia m_u”, y_u masirã yirãji g_ua ĩja, yiquĩ Felipe Jes_ure.

⁹ Ito ĩ yijare:

—Iti r_um_uj_u m_ua rãca ñas_uoc_u Felipe y_u. ¿No yija ito bajibojarocati y_ure ti masibeati m_u maji? Noa y_ure tigoana y_u Jac_ure c_uni tirã ñama. Ito bajiri, ¿no yija ĩre tigoana ñabojarãti, “M_u Jac_ure g_ua tiroca yiya”, yati m_ua y_ure? ¹⁰ “Y_u Jac_u rãca ña y_u. ĩ c_uni y_u rãca ñami”, y_u yija, ¿y_ure t_uorãñ_ubeati m_ua? Y_u m_uare busirise y_umasi t_uoĩa rujeocōri meje busia y_u. Y_u Jac_u y_u rãca ñag_u, y_una s_uoriti ĩ moarise yami ĩ. ¹¹ “Y_u Jac_u rãca ña y_u. ĩ c_uni y_u rãca ñami”, y_u yija y_ure t_uorãñ_uña. Y_u busirise m_ua t_uorãñ_u ãmobeja, tiyamani y_u ĩorise ticōri, y_ure t_uorãñ_uña. ¹² Riti m_uare gotia y_u. No y_ure t_uorãñ_ug_u, y_u yiro bajiroti yig_u yiguĩji. Y_u Jac_u t_u wac_u ya y_u. Dios t_u y_u t_udi wajare, tiyamani y_u ĩogore rēto busaro tiyamani ĩorãji m_ua c_uni. ¹³ Y_ure m_ua t_uorãñ_uja, no m_ua seniro bajiroti m_uare ĩsig_u yig_uja y_u. Ito bajiro y_u yijare, y_u Jac_ure r_uc_ub_uorã yirãji masa. ¹⁴ Y_ure m_ua t_uorãñ_uja, no m_ua seniro bajiroti c_udig_u yig_uja y_u, yiquĩ Jes_us g_uare.

Espíritu Santore cōag_u yiguĩji Dios, Jes_us ĩ yire gaye

15 'Yure m̄ua maija ȳu rotirisere c̄adirã yirãji m̄ua. 16 Ito bajiro m̄ua yija ȳu Jacure senigũ yiguj̄a ȳu, yure wasoaroc̄u ĩ c̄oatoni. ĩ c̄oaroc̄u ĩ ñagũ yiguĩji Espiritu Santo riojo gotiḡu. M̄ua rãca ñatĩñagũ yiguĩji m̄uare ejabuaroc̄u. Ito yicõri m̄ua bojori b̄ujaja m̄uare baba catiḡu yiguĩji. 17 Adi macãrucãro gãna ĩre ti masibeama ĩna. Ito bajiri ĩre boca ãmi masimenaji ĩna. M̄ua rãca ĩ ñajare, ĩre masirã ña m̄uama. M̄ua ya usij̄u ñatĩñagũ yiguĩji ĩ. 18 M̄uare jidicãbic̄u yiguj̄a ȳu. M̄ucana m̄ua rãca ñaroc̄u ejaḡu yiguj̄a ȳu. 19 Yoari mejeti wac̄u ya ȳu ĩja. Ito bajiri yure t̄orũn̄amenama yure timenaji ĩja. M̄uama t̄adi yure tirã yirãji. T̄adi catiḡu yiguj̄a ȳu. Ito bajiri m̄ua c̄uni catirã yirãji. 20 "Ȳu Jacu rãca ña ȳu. Ito yicõri m̄ua rãca ña ȳu, m̄uaj̄ua c̄uni ȳu rãca ña", ȳu yicato bajiro, t̄adi ȳu catiri r̄am̄u, "Riti gotiñi Jesús", ȳi t̄oõarã yirãji m̄ua. 21 Ȳu rotirise masicõri c̄adiḡu ĩoc̄uti ñami yure maigũ. Yure maigũre maigũ yiguĩji ȳu Jacu c̄uni. Ȳu c̄uni ĩre maigũ yiguj̄a. Ito yicõri yure ĩ ti masiroca yiḡu yiguj̄a ȳu, yiquĩ Jesús guare.

22 Ito ĩ yija t̄ocõri, Judas Iscariote meje, gãji Judas wame catiḡu ado bajiro ĩre c̄adiquĩ:

—Gua Uj̄u, ¿no yija adi macãrucãro gãnare ĩobicuti, guare riti goaõogũ yiguj̄ada m̄u? ȳi seniãaquĩ ĩ Jesure.

23 Ito ĩ yijare:

—No yure mairã, ȳu busirise t̄orũn̄arã yirãji. Ito bajiri ȳu Jacu ĩnare maigũ yiguĩji. Ito bajiri ȳu c̄uni ȳu Jacu rãca ĩna t̄u ñarã wadirã yirãji gua. 24 No yure ti maibic̄u ȳu busirise t̄orũn̄ubiquĩji. Ȳu busija m̄ua t̄orise ȳmasi t̄oõa rujeocõri busire meje ña.

25 'M̄a r̄aça ȳa ñarij̄ugoti itire m̄are gotia ȳa.
 26 Ȳure wasoaroc̄ure Esp̄iritu Santo c̄oaḡũ yiguĩji
 ȳa Jac̄a. M̄are ejab̄uaḡu yiguĩji ã. Ito yic̄ori m̄a
 bojori b̄ajaja m̄are baba c̄atiḡu yiguĩji ã. Jeyaro
 m̄are riasoḡu yiguĩji ã. Jeyaro m̄are ȳa gotirise
 m̄a t̄oĩa b̄ajaroca yiḡu yiguĩji ã, yiquĩ Jesús ḡhare.

27 Gaje ado bajiro gotiquĩ Jesús ḡhare:

—M̄are ware gotiḡu, “Ñe oca mano queno ñama
 m̄a”, ya ȳa m̄are. M̄a queno ñaroca ya ȳa. Adi
 mac̄ar̄uc̄aro ḡãnama queno m̄a ñaroca yi masi-
 menaji. Ȳa ña m̄a t̄oĩa usiriobeto ñaroca yiḡu.
 Ito bajiri t̄oĩa usirio yibesa. Ito yic̄ori ḡuibesa.

28 “Wac̄u ya ȳa, ito bajibojarocati m̄a r̄aça ñaḡũ
 ejaḡu yiḡuja m̄cana”, ȳa yija t̄ob̄u m̄a. Riti ȳure
 m̄a maĩa, “Ȳa Jac̄a t̄u wac̄u ya ȳa”, ȳa yija, queno
 wan̄u quenaboa m̄a. ã ñami ȳa r̄eto busaro ñaḡũ.
 29 Jeyaro iti r̄etaroto rioj̄ua iti m̄are gotia ȳa. Ito
 bajiri iti r̄etaja tic̄ori, ȳure t̄or̄ãn̄ur̄ã yir̄ãji m̄a.

30 'Yoari mejeti m̄are busiḡu ya ȳa. Adi
 mac̄ar̄uc̄aro ḡãnare ñeñaro yi rotiḡu wadic̄oaguĩji
 r̄ãm̄ua ūj̄u. Ȳure roti masiḡũ meje ñami ã. 31 Ȳa Jac̄u
 ã rotiado bajiroti ya ȳa. Ito bajiro ȳa yija tic̄ori, “ã
 Jac̄ure maiḡũ ñami ã”, yi yir̄ãji adi mac̄ar̄uc̄aro ḡãna,
 yiquĩ Jesús ḡhare. Ito bajiro ã yija bero:

—Ita, adij̄ure wagoto mani, yiquĩ Jesús ḡhare.

15

Ûyéḡu ñasaric̄u robo bajiḡu ña ȳa, Jesús ã yire gaye

1 M̄cana gaje ado bajiro gotiquĩ Jesús ḡhare:

—Ûyéḡu ñasaric̄u robo bajiḡu ña ȳa. Ûyéḡure
 tir̄ãn̄uḡũ robo bajiro bajiḡu ñami ȳa Jac̄u. 2 Ȳa ya
 r̄aj̄uri iti rica manija jataḡu yiguĩji ã. Ȳa ya r̄aj̄uri

iti rica cutija, queno tirũnũgũ yiguĩji, jai busaro iti rica cutitoni. Yũ ya rũiri gaja iti siniaja itire bejagũ yiguĩji ã. Ito yicõri gajeoni iti judija itire ãmicãgũ yiguĩji, jai busaro iti rica cutitoni. ³ Yũ riasorise tũorũnũcõri queno ña mũa. Ueri mana bajiro bajaia mũa. ⁴ Yũre bajiroti usi cutisotiya mũa cũi. Ito bajiro mũa yija, mũa rãca ñatĩñagũ yigũja yũ. Yucũ rũi rujagũre iti wãñabeja rica mano yiroja. Iti bajiroti yũre mũa tũorũnũbeja yũre queno moa ãsimenaji mũa. Yũre moa ãsibiticõri, uyégũ rica manigũ bajiro bajirã yirãji mũa, yiquĩ Jesũs gũare.

⁵ Gaje gũare ado bajiro riasoquĩ ã:

—Yũ ña rujagũ robo bajigũ. Yũ ya rũiri robo bajirã ña mũa. No yũre bajiro usi cutirã ãna rãca yũ ñajare, yũre queno moa ãsirã yirãji ãna. Ito yicõri rica cutirã bajiro bajirã yirãji ãna. Yũ manija no yi masimenaji ãna. ⁶ No yũ rãca sũgũre bajiro usi cutibicũre ãre cõagũ yiguĩji yũ Jacũ. Siniara rũiũre ãmicõri, jeamejũ soeado bajiro yigũ yiguĩji yũ Jacũ ãocũre.

⁷ Yũre bajiro usi cutisoticõri yũ riasorise ãcabojabiticõri mũa ãmoro bajiro mũa senija, mũa ãmoro bajiroti cũdigũ yigũja yũ. ⁸ Yũre mũa queno moa ãsija ticõri, yũ Jacũre queno rũcũbũorã yirãji masa. Ito yicõri, “Riti Jesũs rãca queno riasotiana ñama ãna”, yi masirã yirãji masa mũare. ⁹ Yũ Jacũ yũre ã mairo bajiroti mũare maia yũ. Yũ mairã ña mũa. Ito bajiri ito bajiroti ñaña mũa. ¹⁰ Yũ rotirise mũa cũi ñasotija, yũ mairã ñatĩñarã yirãji mũa. Ito bajiroti yũ Jacũ ã rotirise cũdisotia yũ cũi. Ito bajiri yũre maisotiami Cũi.

11 Y_u rãca m_{ua} wan_u quenatoni itire m_{ua}re gotia y_u. Ito yicõri m_{ua} ya usij_u queno m_{ua} wan_u quenatoni, itire m_{ua}re gotia y_u. 12 Ado bajiro bajia y_u rotirise: Y_u m_{ua}re mairo bajiroti, m_{ua} gãmeri ti maija quena. 13 Sīgũ ĩ baba mesare maigũ, ĩnare ĩ goda ĩsija iti ña b_uto maire gaye. 14 Y_u rotiro bajiroti m_{ua} c_udija, y_u baba mesa ñarã yirãji m_{ua}. 15 Ito bajiri, “Y_ure moa ĩsirã ña m_{ua}”, yibea y_u ĩja m_{ua}re. Moa ĩsiri masama ĩna u_{ju} yirisere masimenaji ĩna. “Y_u baba mesa ña m_{ua}”, ya y_u m_{ua}re adocãta. Jeyaro y_u Jac_u y_ure ĩ gotire m_{ua} masiroca yicãc_u y_u. Ito bajiri y_u baba mesa ña m_{ua}. 16 M_{ua} meje ña y_ure beseana. Y_uju m_{ua}re besecu. M_{ua}re c_ua y_u, y_u ocare gãjerãre m_{ua} riasotoni. Ito bajiro m_{ua} yija coriarã queno y_ure t_uorã_usotirã yirãji ĩna. Iti ña rica jogabiti robo bajirise. Ito bajiro masare m_{ua} riasoja ticõri, y_ure m_{ua} seniro bajiroti ĩsigũ yiguĩji y_u Jac_u. 17 Ado roboju ña m_{ua}re y_u rotirise: “Gãmeri ti maiña m_{ua}”, yi rotia y_u m_{ua}re, yiquĩ Jesús g_uare.

Adi macãrucãro gãna manire ti tudirã yirãji, Jesús ĩ yire gaye

18 Gaje g_uare ado bajiro riasoquĩ Jesús:

—Adi macãrucãro gãna m_{ua}re ĩna ti tudija, “Manire ĩna ti tudiroto rioj_ua Jesure ti tudis_uoñi ĩna”, yi t_uoĩarã yirãji m_{ua}. 19 Adi macãrucãro gãna ĩna ñarãre mairãji. Adi macãrucãro gãna ĩna t_uoĩaro bajiro m_{ua} t_uoĩaja, m_{ua}re c_uni mailboana ĩna. Adi macãrucãro gãna wato ñarãre m_{ua}re besecu y_u. Adocãta ĩna bajiro t_uoĩarã meje ña m_{ua}. Ito bajiri m_{ua}re ti tudiana ĩna. 20 Y_u b_usirise t_uote m_{ua}: “Moa ĩsiri masa ĩna u_{ju} rãto b_usaro ñasarã meje

ñama ñna”, yiarî m̄are gotib̄u ȳu. Adi mac̄ar̄uc̄uro ḡana ȳare ʘsirio codeama. Ito bajiri m̄are c̄uni ʘsirio coderã yirãji ñna. Ȳu riasorisere c̄udibiticã ñna. Ito bajiri m̄are c̄uni c̄udimena yirãji ñna. ²¹ Ȳure c̄oar̄ure masibeama adi mac̄ar̄uc̄uro ḡana. Ito bajiri ȳu ñarã m̄ua ñajare, m̄are ʘsirio coderã yirãji ñna, yiquĩ Jesús ḡare.

²² Gaje ḡare ado bajiro riasoquĩ Jesús:

—Adi mac̄ar̄uc̄uro ḡanare busiroc̄u ȳu wadibeja ñnare seti maniboadoja. Ȳu ñnare gotija bero ñajare, “Ḡare seti ma”, yĩ masibeama ñna ñja. ²³ No ȳure ti tudirã ȳu Jac̄ure c̄uni ti tudirã ñama ñna. ²⁴ Ñna tiro riojo tiyamani ȳu ñobeja seti maniboadoja ñnare. Tiyamani ȳu ñoja tigoana ñama ñna. Tigoana ñabojarãti ȳure ti tudiamã ñna. Ito yic̄ori ȳu Jac̄ure c̄uni ti tudiamã ñna. ²⁵ Ñna ya papera tuti ucare gaye iti gotiado bajiroti r̄eta adocãta. Ado bajiro gotia iti: “Ñe manoti ȳure ti tudiamã ñna”, yĩ gotia iti oca.

²⁶ Esp̄iritu Santo riojo gotiḡure m̄ua t̄u c̄oḡũ yiḡuja ȳu. M̄are ejab̄aḡu yiguĩji ñ. Ito yic̄ori m̄ua bojori b̄ujaja m̄are baba cutiḡu yiguĩji. Ȳu Jac̄u t̄u wadir̄u ñaḡũ yiguĩji ñ. Ȳu gaye m̄are gotiḡu yiguĩji ñ. ²⁷ Cajeroj̄uti ȳu riasos̄orocaj̄uti ȳu rãca ñas̄oc̄u m̄ua. Ito bajiri masare m̄ua riasoja m̄ua c̄uni ȳu gaye busirã yirãji m̄ua, yiquĩ Jesús ḡare.

16

¹ Gaje ḡare ado bajiro gotiquĩ Jesús:

—Adi oca m̄are gotia ȳu, ña iti r̄etaroca ȳure m̄ua jidicãme yiroc̄u. ² Ña ñna ya minijuara wij̄u m̄ua ñaroca m̄are buc̄arã yirãji ñna. Ito yic̄ori m̄are ñna s̄ñaja, “Diore c̄udirã s̄ña mani”, yĩ t̄uõlabojarã

yirãji ñna. ³ Ito bajiro yirã yirãji ñna, yure cuni yu Jacure cuni masimena ñari. ⁴ Iti oca mware gotia yu. Ija ito bajiro iti rëtaroca, “Ito bajirogo yiquída Jesús”, yi mwa tãoĩa bujatoní, mware gotia yu.

Espíritu Santo ñ moarise

’Cajero mware riasogũ iti oca gotibiticũ yu maji. “Ñna rãca ñagũ yigũja yu maji”, yi tãoĩagũ iti oca mware gotibiticũ yu maji. ⁵ Yure cõaru tu ñagũ wacũ ya yu adocãta. Ito bajibojarocati, “¿No wati mũ?” yi seniñabea mwa yure. ⁶ Iti oca mware yu gotijare mwa ya usijũ bojori buja mwa. ⁷ Riti mware gotia yu. Yu waja quena ñaro yiroja mware. Yu wabeja, mware ejabũarocũ, mwa bojori bujaja mware baba cutirocũ mwa rãca ñagũ wadibiquĩji Espiritu Santo. Yu wajama ñre cõagũ yigũja yu. ⁸ Ñ wadija, “Ñeñaro yirã ña mani”, adi macãrucũro gãna yi ñna tãoĩaroca yigũ yiguĩji ñ. “Quenarise mani yija, Diore cãdirãji mani”, ñna yi masiroca yigũ yiguĩji Espiritu Santo. “Diore mani cãdibeja manire waja senigũ yiguĩji”, ñna yi masiroca yigũ yiguĩji Espiritu Santo. ⁹ Adi macãrucũro gãna yure tãorãnũbitiana ñari seti cutirã ñama ñna ñja. ¹⁰ Yu Jacũ ñ ñaroju yu wajare, “Quenarise mani yija, Diore cãdirãji mani”, yi masirã yirãji masa. Yu Jacũ tu yu wajare, yure timena yirãji mwa. ¹¹ Adi macãrucũro gãnare ñeñaro yi rotigũ Satanásre ruyuriogũ yiguĩji Dios. Ito bajiri, “Diore mani tãorãnũja ñ yiro bajiroti jeame ñjũroju cõabicũ yiguĩji Dios, manire”, masa ñna yi masiroca yigũ yiguĩji Espiritu Santo.

¹² Jaje gotiroti ñaboja yure maji. Ito bajibojarocati adocãta yu goti jeoja itire tão masimenaji mwa maji. ¹³ Espiritu Santo riojo gotigũ ñ ejaroca riojo

oca ñasarise m̄are riasogu yiguĩji ĩ. Īmasirio meje busigu yiguĩji. Ī tuogore m̄are gotigu yiguĩji. Ija rētaroti gaye m̄a masiroca yigu yiguĩji ĩ. ¹⁴ Ȳa riasorise gaye boca āmicōri m̄a masiroca yigu yiguĩji Espiritu Santo. Ito bajiro yicōri masa ȳre ĩna rūcub̄oroca yigu yiguĩji Espiritu Santo. ¹⁵ Ñarocōti ȳ Jac̄u ĩ gotiro bajiroti gotia ȳ c̄ni. Ito bajiri, “Ȳa riasorise boca āmicōri, m̄a masiroca yigu yiguĩji Espiritu Santo”, yib̄u ȳ m̄are, yiquĩ Jesús ḡare.

¹⁶ Gaje ḡare ado bajiro gotiquĩ Jesús:

—Ȳa Jac̄u t̄u wac̄u ya ȳ. Ito bajiri nocō mejeti ȳre timena wana ya m̄a. Ito bajibojarocati m̄cana yoari mejeti t̄u di ȳre tirã yirãji m̄a, yiquĩ Jesús ḡa ĩ rãca riasotirãre.

Bojori b̄jajobjana t̄u di wan̄a quenarã yirãji m̄a m̄cana, Jesús ĩ yire gaye

¹⁷ Ito ĩ yija t̄u cōri, ḡa coriarã ado bajiro ḡameri seniĩac̄u ḡa:

—¿No yireoni ñati iti? yic̄u ḡa. “Ȳa Jac̄u t̄u wac̄u ya ȳ, ito bajiri ȳre timena wana ya m̄a. Ito bajibojarocati m̄cana yoari mejeti ȳre tirã wana ya m̄a”, yami manire. ¿No yireoni ñati iti? yic̄u ḡa. ¹⁸ “Yoari mejeti”, manire ĩ yija, ¿no yireoni ñarojada? “Iti gaye busiguĩji, yi masibea mani”, yi ḡameri busic̄u ḡa Jesús rãca riasotirã.

¹⁹ “Ȳre seniĩa āmoama āna”, yi t̄u oñari seyoquĩ Jesús. Ito bajiri ado bajiro yiquĩ ĩ ḡare:

—Yoari mejeti ȳre timena wana ya m̄a. Ito bajibojarocati m̄cana nocō mejeti ȳre tirã wana ya m̄a, yib̄u ȳ m̄are. Ito bajiro ȳ yirise, ¿m̄amasiti ḡameri seniĩati m̄a? ²⁰ Riti m̄are gotia ȳ. Oticōri, b̄to bojori b̄jarã yirãji m̄a.

Adi macãrucãro gãnama wanurã yirãji ñna. Bojori bũjarã ñabojarãti yoari mejeti mucana tãdi wanurã yirãji mña. ²¹ Ado bajiro bajaia: Sīgõ romio macu rucogo wago iso yija, tuoïa oca jaigo yigõji, “Yũre juniro yiroja”, yiroco. Iso macu rucõja bero junirise gaye tãdi tuoïabeco yigõji iso. Adi macãrucãrojũre macuacã ñ rujeajare bũto wanu quenagõ yigõji iso. ²² Ito bajiroti mña cuni adocãta tuoïa oca jaia. Mucana mũare tigũ ejagũ yigũja yũ. Yũre mña tija mña ya usiju bũto wanurã yirãji mña. Ito bajiro mña wanũja, ñimũja mũare camota masibiquĩji.

²³ Iti rũmũ iti ejaja ñejũa yũre senimena yirãji mña. Riti mũare gotia yũ. Yũre tuorũrucõri, yũ wamena yũ Jacũre mña senija, mña seniro bajiroti ñsigũ yiguĩji ñ. ²⁴ Adi riojũa yũ wamena senibiticũ mña maji. Adi rũmũna yũ wamena senisũorã ya mña. Ito bajiri queno mña wanu quenatoni mña boca ãmiroca yigũ yiguĩji Dios, yiquĩ Jesús gũare.

*Adi macãrucãro ñeñaro yirã mũre rẽtocũcũ yũ,
Jesús ñyire gaye*

²⁵ Gaje gũare ado bajiro gotiquĩ Jesús:

—Iti mũare yũ gotirise goti masiore ocana gotibũ yũ. Ija ñaro yiroja goti masiore ocana meje mũare yũ bũsiri rũmũ. Recoti mña tuoro riojo yũ Jacũ gaye mũare bũsigũ yigũja yũ. ²⁶ Iti rũmũri yũ wamena yũ Jacũre senirã yirãji mña. Ito bajiri mũare yiarĩ yũ Jacũre bũsi ñsire mano yiroja. Mũamasiti bũsirã yirãji ñja. ²⁷ Mũare yiarĩ yũ Jacũre bũsi ñsibicũja yũ ñja. Yũ Jacũmasiti mũare maicãmi. Yũre mña maijare yũ Jacũ mũare maicãmi. “Dios yagũ wadirũ ñami Jesús”, mña yijare mũare maicãmi ñ. ²⁸ Yũ Jacũ tũ wadicõri, adi macãrucãrojũ ejacũ yũ. Adi

macãrucãro gãnare wagocõri, yu Jacu tu wacu ya yu m̃cana, yiquĩ Jesús g̃ua ã rãca riasotirãre.

²⁹ Ito ã yija tuocõri, cudicu g̃ua:

—Goti masiore ocana meje, queno riojo gotia mu adocãta. ³⁰ “Jeyaro masigũ ña m̃”, yi ti masia g̃ua ãja. “¿Riti gotiati m̃?” yi seniãare ma ãja. “Dios tu wadiru ña m̃”, yi tuorũnua g̃ua mare ãja, yicu g̃ua Jesure.

³¹ G̃ua ito yijare, ado bajiro cudiquĩ Jesús:

—¿Riti adocãta yure tuorũnuaati m̃ua? ³² Batacõri, yure m̃ua watoroto ejacoaju. Riti gotia yu. Yure m̃ua watoroto ejacoaju ãja. Ito bajibojarocati sigũ meje ña yu. Yu Jacu yu rãcati ñami. ³³ Iti jeyaro mare gotia yu, yure tuorũnucõri, m̃ua ya usiju usiriore mano m̃ua ñatoni. Adi macãrucãroju m̃ua ñaja, jeyaro tõbujarã yirãji m̃ua. Oca seõña m̃ua, adi macãrucãro gãnare ñeñaro yi rotigure r̃etocucu yu, yiquĩ Jesús g̃ua ã rãca riasotirãre.

17

Ã rãca riasotirãre yiari Jesús Diore ã seni ãsire gaye

¹ Ito bajiro ã yija bero macãrucãroju ti tuocõri, ado bajiro yiquĩ Jesús:

—Cuna mu tu yu tãdi ejaroti ejacoaju ãja. Yu ña mu Macu. Masa yure ãna rucuboroca yiya. Ito bajiroti yu cãni mare ãna rucuboroca yigu yiguja. ² Yu ña mu Macu. Masare yu roti masitoni yure cüyija m̃. Yure m̃ ãsiana ãna catitĩnaroca yu yi masitoni yure cüyija m̃. ³ Ado bajiro baja catitĩnare gaye: Mu sigũti riojo oca ñasarise gotigure masicõri, ito yicõri yu Jesucristo mu cõarure tuorũnucõri, catitĩnarã yirãji masa. Ito bajiro baja catitĩnare gaye.

4 'Adi macārucūro yu ñaja mure masa ña rucubhogoca yicu yu. Yure mu roti ñucacato bajiroti itire gajanoa yu. 5 Adi macārucūro iti ñaroto riojaju mu rāca rucubhogu ñacu yu. Cuna, ito bajiroti adocāta mu tiro riojo masa yure ña rucubhogoca yiya.

6 'Yu rāca riasotirā adi macārucūro gāna wato mu beseana ñama. Ñare besecōri, yure ĩsiyija mu. Mure ña masiroca yicu yu. Mu ñarā ñaṇi ña. Ñare yure ĩsiyija mu. Mu ocare cūdisotirā ñama ña. 7 No yure mu ĩsirise, “Dios ye wadire ña”, yi tuo masiama ña. 8 Mu ocare yure mu goticato bajiroti ñare goticu yu. Ito ocare tuocōri, boca āmicā ña. “Dios tu wadiru ñami āni”, yi masiama ña, yure ĩja. “Dios ĩ cōaru ñami āni”, yi yure tuorūñama ña ĩja.

9 'Ñare yiari mure busia yu. Adi macārucūro gānare yiari meje mure busia yu. Yure mu ĩsiana, mu ñarā ña ñajare, ñare yiari busia yu. 10 Yu ñarā jeyaro mu ñarāti ñama ña. Ito yicōri mu ñarā yu ñarāti ñama ña. Yu rāca riasotirā mu ñarā ñama. Ña queno yirise ticōri, yure rucubhorā yirāji masa.

11 'Mu rāca ñagū wacu ya yu. Ito bajiri adi macārucūrore wagogu ya yu ĩja. Yu rāca riasotirāma adi macārucūroju tujarā yama. Cuna, ñeñarise yīabicu ña mu. Āna yure mu ĩsianare mu masirisena ñare tirūñama. Mani sīgūre bajiro tuoīarā ña. Manire bajiroti ña cuni sīgūre bajiro ña tuoīatoni ñare tirūñā. 12 Adi macārucūroju yure mu ĩsiana rāca yu ñaroca mu masirisena queno ñare tirūñacu yu. Sīgū yure godagobe yirocu queno ñare tirūñacu yu. Ito bajibojarocati sīgū ñaquī yure godagocas.

Ĩ ñaquĩ jeame ãjuroju warocu. Mũ oca iti gotiro bajiroti iti rĕtatoni yũre godagoquĩ ĩ.

¹³ Adocãta mũ tũ wacu ya yũ. Adi macãrucũroju ñagũ maji adi oca ĩnare gotia yũ. Yũ wanũro bajiroti ĩna cũni wanũ quena jeditoni iti oca ĩnare gotia yũ.

¹⁴ Mũ ocare ĩnare goticũ yũ. Adi macãrucũro gãna bajiro meje tũoĩa yũ. Yũ rãca riasotirã cũni adi macãrucũro gãna bajiro tũoĩarã meje ñama ĩna. Ito bajiri adi macãrucũro gãna ĩnare ti tudiana.

¹⁵ Adi macãrucũrojũre ĩnare mũre ãmigo rotibea yũ. Ado bajirojũa mũre senia yũ: “Ĩnare camotaya rũmũ usiroro ĩnare yibe yirocũ”, ya yũ mũre.

¹⁶ Adi macãrucũro gãna bajiro tũoĩagũ meje ña yũ. Ito bajiri yũ rãca riasotirã cũni adi macãrucũro gãna bajiro tũoĩarã meje ñama ĩna.

¹⁷ Mũ oca ña oca riojo ñasarise. Mũ ñarã queno yirã riti ĩna ñatĩñatoni mũ oca ñasarisere ĩna masiroca yiya.

¹⁸ Adi macãrucũro gãna wato yũre cõayija mũ. Yũ cũni ito bajiroti adi macãrucũro gãna wato yũ rãca riasotirãre cõa yũ.

¹⁹ ĩnare yiari, mũre riti cũdigũ yigũja yũ. Ito yicõri mũ yagũ riti ñagũ yigũja yũ. Ito bajiro yũ yija ticõri, mũ oca riojo ñasarise cũdicõri, mũ ñarã riti ñarã yirãji ĩna cũni, yiquĩ Jesús Diore bũsigũ.

²⁰ Gaje Diore ado bajiro gotiquĩ Jesús:

—Ĩnare riti yiari meje mũre bũsia yũ. ĩna riasorise tũocõri, yũre tũorũnarã yirãji gãjerã. ĩnare yiari cũni mũre bũsia yũ.

²¹ ĩna jeyaro sīgũre bajiro ĩna usi cũtitori mũre bũsia yũ. Manire bajiroti ĩna usi cũtire ãmoa yũ. Cũna yũre bajiroti usi cũtigũ ña mũ. Yũ cũni mũre bajiro usi cũtia. Ito bajiro manire bajiro sīgũ bajiro riti ĩna usi cũtire ãmoa yũ. Ito bajiro ĩna bajija ticõri, “Riti Dios ĩ cõaru

ñañi Jesús”, yirã yirãji adi macãrucãro gãna. ²² Yure masa ñna rucuburoca m̄ yiado bajiroti ñnare masa rucuburoca yic̄u ȳ c̄ni. Sīgũre bajiro ̄si cutirã ñna ñatoni ito bajiro ñnare yic̄u ȳ. Mani c̄ni ito bajiroti sīgũre bajiro baja mani. ²³ Ȳ bajiroti ̄si cutirã ñnama ñna. Ȳ c̄ni m̄ bajiroti ̄si cutiḡu ñna ȳ. Ito bajiri sīgũ bajiro riti t̄oĩa jedirã yirãji ñna. Ito bajiro ñna baja ticõri, “Dios ï cõaruti ññañi Jesús”, yi masirã yirãji adi macãrucãro gãna. “Ï Macure ï mairo bajiroti ñnare c̄ni maiami Dios”, yi masirã yirãji adi macãrucãro gãna.

²⁴ C̄na, ȳ rãca riasotirã yure m̄ ïsiana ñnama ñna. No ȳ ñaroj̄u ȳ rãca ñna ñnare ãmoa ȳ. Ito bajicõri, masa ñna yure rucuburoca m̄ yire ti masirã yirãji ñna. Ito yicõri, “Adi macãrucãro iti ñaroto rioj̄aj̄u Jesure maiñi Dios”, ñna yi masire ãmoa ȳ. ²⁵ C̄na ñeñarise mac̄u ñna m̄. Adi macãrucãro gãna mure ti masibeamã ñna. Ȳama mure ti masia. ãna ȳ rãca riasotirã, “Dios ï cõar̄u ñna m̄”, yi masiamã ñna, yure. ²⁶ Mure ñna ti masiroca yic̄u ȳ. Ito bajicõri, mure ñna masit̄ñaroca yiḡu yiḡuja ȳ. Ito bajiro yiḡu yiḡuja ȳ, yure m̄ mairo bajiro ñna gãmeri maitoni. Ito yicõri ñna rãca ñat̄ñagũ yiḡuja ȳ, yiquĩ Jesús Diore busiḡu.

18

Jesure ñna ñiare gaye

(Mt 26.47-56; Mr 14.43-50; Lc 22.47-53)

¹ Ito bajiro Jesús ï busija bero Cedrón wame cutiri jarib̄u siduj̄aj̄u wac̄u ḡna ï rãca. Ito wacõri ote wese wijac̄u ḡna, Jesús rãca. ² Coji meje iti ote wesej̄u minijuasotic̄u ḡna. Ito bajiri Judas, Jesure

oca menirocɔ cɔni tisotiquĩ iti wesere. ³ Ito bajiri iti wesere masicõri, surarare, porecia masare cɔni ãmi ejaquĩ Judas. Paia ɔjarã, fariseo gaye tɔoĩarã cɔni ãna cõana ñaĩni ãna. Sarera jãirina bisu cuticã ãna. Sĩabusuoragari, ito yicõri mujura jãiri cɔni rucocã ãna. ⁴ “Ado bajiro yɔre rẽtaro yiroja”, yigũ ãnare boca ãmigũ waquĩ Jesús. ãnare boca ãmicõri, ado bajiro ãnare seniãaquĩ ã:

—¿Ñimɔre ãmati mɔa? yiquĩ Jesús ãnare.

⁵ Ito ã yijare:

—Jesús Nazaret gagɔre ãma gɔa, yicã ãna.

ãna ito yija tɔocõri:

—ĩti ña yɔ, yi cɔdiquĩ Jesús.

ãna rãca ñaquĩ Judas, Jesure oca menirɔ cɔni. ⁶ “ĩti ña yɔ”, Jesús ã yirocati jɔdojɔana juja quedicocã ãna. ⁷ Ito yi mɔcana tɔdi ãnare seniãaquĩ Jesús:

—¿Ñimɔre ãmasati mɔa? yiquĩ ã ãnare.

Ito ã yija tɔocõri:

—Jesús Nazaret gagɔre ãma gɔa, yicã ãna.

⁸ ãna ito yija tɔocõri:

—“ĩti ña yɔ”, yicã mɔ yɔ, mɔare. Yɔre riti mɔa ãmajama, yɔ rãca gãnama wacoajaro, yiquĩ Jesús ãnare.

⁹ Ito bajiro yiquĩ Jesús, iti rɔmɔjɔ ã gotigoado bajiro iti rẽtatoni. Iti rɔmɔjɔ ado bajiro gotiquĩ ã: “Yɔ Jacɔ yɔre ã ãsicãna sãgũjɔa yɔre godabiticã”, yiquĩ Jesús iti rɔmɔjɔ. ¹⁰ Ito bajiro Jesure ãna ñia ãmoja ticõri, ã ya sarera jãni ãmiquĩ Simón Pedro. Iti jãina paia ɔjɔre moa ãsiri masɔ, Malco wame cutigɔre ã ya gãmoro riojocadɔjɔre jataquĩ Pedro.

¹¹ Ito ã yijare:

—M_u ya sarera jāire seoya m_ucana. Y_u tōbujaroti Dios ĩ āmoja, camotabic_uja y_u. “Itire camotag_u yiguĩji”, ¿yire masiati m_u? yiquĩ Jesús Pedrore.

Anás t_u Jesure ĩna āmi ejare gaye

(Mt 26.57-58; Mr 14.53-54; Lc 22.54)

¹² Ito yija surara ĩna _uju rāca, judio masa porecia c_uni Jesure ñiacā ĩna. ĩre ñiacōri, ĩ ya āmori siacā ĩna. ¹³ Ito yicōri Anás ya wiju āmicoacā ĩna, ĩre ĩja. Caifás mañic_u ñayij_u Anás. Iti rodori paia _uju ñayij_u Caifás. ¹⁴ ĩ Caifás ñayij_u, “Mani ñarocōti godaja quenabetoja. Manire yiari sīg_u ĩ goda ĩsija quena”, yi ĩ ñarā judio masare gotigor_u ñayij_u ĩ.

Jesure masibea y_u, Pedro ĩyire gaye

(Mt 26.69-70; Mr 14.66-68; Lc 22.55-57)

¹⁵ Simón Pedro, gāji gua rāca gag_u, Jesure ĩna āmi waja s_uya wacā ĩna. Simón Pedro rāca wacac_u paia _ujure baba cutig_u ñasotiyij_u ĩ. Ito bajiri josari mejeti paia _uju ya w_i sabiara c_uní rēta sājacoayij_u ĩ. ¹⁶ Pedroama sabiara c_uní j_udoj_u sājabic_uti tujacoayij_u. Ito bajiri gāji Jesús rāca riasotir_u paia _uju baba sabiara c_uní coderi maso rāca b_usig_u wayij_u. Ito yicōri Pedrore jisōyij_u ĩ baba. ¹⁷ Iti c_uní coderi maso ado bajiro seniñayijo Pedrore:

—¿Jesús rāca riasotigor_u meje ñati m_u c_uni? yiy-ijo iso Pedrore.

Iso ito yijare:

—Meje ña y_u, yiyij_u Pedro.

¹⁸ Iti _usajare moa ĩsiri masa, porecia masa c_uni jea riocōri, suma ñayijarā ĩna. Pedro c_uni ĩna rāca suma ñayij_u.

*Paia ɛjɛ Jesure ĩ seniĩare gaye
(Mt 26.59-66; Mr 14.55-64; Lc 22.66-71)*

¹⁹ Jesure ĩna āmi ejaja ticōri, paia ɛjɛ Anás wame cɛtigɛ Jesure ado bajiro seniĩasɛoyijɛ:

—¿Noa ñati mɛ rāca riasotiana? Ito yicōri, ¿ñe gaye ĩnare riasocati mɛ? yiyijɛ ĩ Jesure. ²⁰ Ito ĩ yija tɛocōri, ado bajiro cɛdiyijɛ Jesús:

—Masa jeyaro tiro riojo bɛsisoticɛ yɛ. Dios ya wijɛ, mani masa judio masa minijuara wijɛ cɛni masare riasocɛ yɛ. Ito bajiri yɛ goti rudire ma. ²¹ ¿No yija yɛre itire seniĩati mɛ? Yɛre tɛogonare seniĩate mɛ. Yɛ bɛsigore gaye mɛre gotirā yirāji ĩna. Yɛ bɛsigore masirāji ĩna, yiquĩ Jesús paia ɛjɛre.

²² Jesús ito bajiro ĩ yija tɛocōri, sīgɛ porecia masɛ, Jesús ya riojɛ jayijɛ.

—¿Paia ɛjɛre, no yija ito bajiro cɛdiati mɛ? yiyijɛ ĩ Jesure.

²³ Ito ĩ yija cɛdiyijɛ Jesús:

—Riojo meje yɛ gotija, “Ado bajiro rɛo gotia mɛ”, yiya yɛre. Yɛ gotirise riojo gotia yɛ. Ito yibojarcati, ¿no yija yɛre jati mɛ? yiyijɛ Jesús ĩre.

²⁴ Ito ĩ yija bero paia ɛjɛ Caifás wame cɛtigɛ tɛ Jesure siarɛreti cōayijɛ Anás maji.

*Jesure masibea yɛ, mɛcana Pedro ĩ yire gaye
(Mt 26.71-75; Mr 14.69-72; Lc 22.58-62)*

²⁵ Ito baji ñaroca jea suma ñayijɛ Pedro maji. ĩ rāca jea suma ñarā ado bajiro ĩre seniĩayijarā:

—¿ĩ rāca riasotigorɛ meje ñati mɛ cɛni? yiyijarā ĩna Pedrore.

ĩna ito yijare:

—Meje, ĩ rāca riasotigorɛ meje ña yɛ, yiyijɛ Pedro.

²⁶ Ito ï yija, sîgũ paia ʘjũ moa ïsiri masũ ado bajiro seniñayijũ Pedrore:

—Ote wese ï rãca mũ ñaroca, ¿tibiticati yũ mũre? yiyijũ ï Pedrore. Pedro gãmorõ ï jatarũ oca bũsigũ ñayijũ ï.

²⁷ Ito bajiro ï seniñaja tũocõri: “Jesure masibea yũ”, yiyijũ Pedro mũcana. Ito bajiro ï yirocati, cara yujicoayijũ ïja.

Pilato tũjũ Jesure ïna ãmi ejare gaye
(Mt 27.1-2,11-14; Mr 15.1-5; Lc 23.1-5)

²⁸ Ito yija bero Caifás ya wina romano masa ʘjũ ya wijũ Jesure ãmi wayijarã ïre ñiana. Ito ïna yiroca riti busu mũja wadicoayijũ ïja. ïna judio masa romano masa ʘjũ ya wijũ sãjabisijarã ïna. “Gaje masa ya wi mani sãjaja pascua basa bare bamenaji mani”, yi tũõjarã sãjabisijarã ïna. ²⁹ Ito bajiri Pilato ïmasiti ïnare bũsirocũ budi wayijũ:

—¿Ñe seti cãtiati ãni, mũa tija? yiyijũ Pilato judio masare.

³⁰ Ito ï yijare cãdiyijarã ïna:

—Ï seti macũ ñaja, mũ tũ ïre ãmi ejabitiboana gũa, yiyijarã ïna Pilatore.

³¹ ïna ito yijare:

—Ïre ãmi wasa mũa. Mũa masa bũcũrã rotirena, “Ado bajiro seti cãtia mũ”, yiba mũa ïre, yiyijũ Pilato judio masare.

Ito ï yija tũocõri, ado bajiro cãdiyijarã ïna:

—Ïre sĩa ãmõboja gũa. Ito bajibojarocati gũa judio masa bũcũrã rotirena ïre sĩa masibea gũa, yiyijarã ïna Pilatore.

³² “Yucũtẽõju yũre jaju sĩa rã yirãji masa”, Jesús ï yicãdo bajiroti rẽtayijũ ito bajiro ïna yija. ³³ Mũcana

ĩ ya wi tũdi sãjacõri, ado bajiro Jesure seniĩayijũ Pilato:

—¿Judio masa ʋjũ ñati mũ? yiyijũ Pilato Jesure.

³⁴ Ito ĩ yijare, ado bajiro cãdiyijũ Jesús:

—¿Mũmasi tũoĩacõri, ito bajiro yi seniĩati mũ? ¿Gãjerã mũre ĩna gotijare ito bajiro yũre seniĩati mũ? yiyijũ Jesús Pilatore.

³⁵ Ito ĩ yijare:

—¿Judio masũ ñati yũ, mũ tija? Mũ ñarãti, paia ʋjarã cũni yũ tũ ãmi ejama ĩna mũre. ¿No bajiro yicati mũ? yiyijũ Pilato Jesure.

³⁶ Ito ĩ yija cãdiyijũ Jesús:

—Adi macãrucũro ʋjũ meje ña yũ. Adi macãrucũro ʋjũ yũ ñaja yũre sũyari masa gãmeri jaboana judio masa yũre ñiame yirona. Adi macãrucũro ʋjũ meje ña yũ. Adi macãrucũrojũ meje ña yũ rotiroto, yiyijũ Jesús Pilatore.

³⁷ Ito ĩ yijare:

—¿Ito yicõri, ʋjũ ñati mũ? yiyijũ Pilato.

Ito ĩ yija cãdiyijũ Jesús:

—Mũ yiro bajiroti ʋjũ ña yũ cũni. Adi macãrucũrojũ wadicõri, rujeacũ yũ, riojo oca ñasarise gotirocũ. Riojo oca ñasarise cãdirã ĩna ñama yũre tũorũnarã, yiyijũ Jesús Pilatore.

³⁸ Ito ĩ yija:

—¿Ñe ñati oca riojo ñasarise? yiyijũ Pilato Jesure.

Jesure sũarũja mani, ĩna yire gaye

(Mt 27.15-31; Mr 15.6-20; Lc 23.13-25)

Ito bajiro Jesure seniĩacõri, ĩ ya wi budi wacõri, judio masare busigũ wayijũ Pilato mũcana:

—Yũ tija ñe seti macũ ñami ãni. ³⁹ Co rodo rũyabeto pascua basa mũna meniija sũgũ tubiarũre

bucōasotia yu m̄are yiari. ¿M̄a judio masa ɯj̄ure yu bucōare āmoati m̄a? yiyij̄u Pilato judio masare.

⁴⁰ Ito ī yijare, ado bajiro awasā c̄diyijarā ĩna:

—Īre meje bucōaña m̄. Barrabásj̄ure bucōaña, yiyijarā ĩna Pilatore.

Riniri masu ñayij̄u Barrabás.

19

¹ ĩna ito yija t̄ocōri, Jesure baje rotiyij̄u Pilato ĩja. ² Jesús ya rijoga joe jota bedo seara bedo jeoyijarā surara. Ito yicōri ɯjarā ĩna s̄ñaro bajiro s̄aro s̄ayijarā ĩna Jesure. ³ Ito yija bero ī t̄u b̄usa eja r̄ḡucōri, ado bajiro yiyijarā ĩna:

—Judio masa ɯj̄u catijaro, yi aja tudiyijarā ĩna Jesure.

Ito yicōri rioj̄u ĩre jayijarā ĩna.

⁴ M̄cana budi wacōri, judio masare gotiḡu ejayij̄u Pilato:

—Tiya m̄a. Ī seti manijare ĩre bucōaḡu ya yu, yiyij̄u Pilato judio masare.

⁵ Ito ī yija, jota bedo jesaru, s̄aro s̄ñaru budiyij̄u Jesús. Ito yija ado bajiro yiyij̄u Pilato masare:

—Tiya, āni ñami ūm̄ḡu, yiyij̄u Pilato.

⁶ Jesús ī budija ticōri, ado bajiro awasās̄oyijarā paia ɯjarā, porecia c̄ni:

—Yuc̄t̄eoj̄u ĩre jaju s̄aña, ĩre s̄aña, yi awas̄ayijarā ĩna.

ĩna ito yija t̄ocōri:

—M̄hamasi ĩre āmi wacōri, yuc̄t̄eoj̄u jaju s̄at̄ēña m̄a. Yu tijama, ñe seti ma ĩre, yiyij̄u Pilato judio masare.

⁷ Ito ī yijare ado bajiro c̄diyijarā judio masa:

—Gua bucarã masa ñna rotirena ñ godaja quena. “Dios Macu ña yu”, ñ yire waja ñ godaja quena, yiyijarã ñna Pilatore.

⁸ Ito bajiro ñna yija tuocõri, buto busa güiyiju Pilato. ⁹ Tudi wi toti Jesure ãmi sãcõri, ado bajiro seniñayiju Pilato ñre:

—¿Noju gagu ñnati mu? yiyiju Pilato ñre.

Ito bajiro ñ yibojarocati ñre cudibisiju Jesús.

¹⁰ Mucana tudi ñre seniñayiju Pilato:

—¿Yure cudibeati mu? Gãjerã mure yucutẽojũ yu jaju roti ãmoja jaju roti masia yu. Mure yu bucõa ãmoja, bucõa masia yu. ¿Itire masibeati mu? yiyiju Pilato Jesure.

¹¹ Ito ñ yijare:

—Mu rotiroca Dios ñ mure yibeja, yure roti masi-bitiboa mu. Mu rẽto busaro seti cutigu ñnami yure ñna ñiatoni gotiru, yiyiju Jesús Pilatore.

¹² Ito ñ yija tuocõri, “¿No bajiro yicõri Jesure bucõarujati yu?” yi tuõñayiju Pilato. Ito bajiro ñ tuõñabojarocati judio masa ado bajiro awasãyijarã:

—Ñre mu bucõaja mua romano masa ujũ ñasagu baba meje ñagũ yigũja mu. No, “Uju ñagũ yigũja yu”, yigũ, ñ ñnami masa ujũ wajacu, yiyijarã ñna Pilatore.

¹³ Ñna ito yija tuocõri, Jesure ãmi rotiyiju Pilato ñja. Ito yicõri ujarã ñna rujiriju rujiyiju Pilato ñja. Itiju Gabata wame cutiyiju hebreo ocana. “Gõtana buoraju”, yireoni ñayiju itiju. ¹⁴ Pascua basa riojua ãmua gudareco ñayiju iti rumu. Ito yija Pilato ado bajiro yiyiju judio masare:

—Ñni ñnami mua ujũ, yiyiju Pilato.

¹⁵ Ito bajiro ñ yibojarocati buto awasãyijarã ñna:

—Sĩacõruja ãre. Sĩacõruja ãre. Yucutẽojũ ãre jaju sĩaña, yiyijarã ãna Pilatore.

Ãna ito yijare:

—¿Mũa ẽjũre jaju sĩagũ yigũjada yũ? yiyijũ Pilato ãnare.

Ito ã yijare, ado bajiro cãdiyijarã paia ẽjarã:

—Romano masa ẽjũ riti ñami gũa ẽjũ. Ñimũjũa gãji mami, yiyijarã ãna Pilatore.

¹⁶ Ito bajiro ãna yija tũocõri, yucutẽojũ Jesure ãna jaju sĩatoni ãnare ãsiyijũ Pilato. Ito bajiri Jesure ãmicoayijarã ãna ãja.

Yucutẽojũ Jesure ãna jaju sĩare gaye

(Mt 27.32-44; Mr 15.21-32; Lc 23.26-43)

¹⁷ ãre ãna ãmi waja, sũya wacũ gũa cũni. ãre ãmi wacõri, yucutẽo ãre gaja roticã ãna. Hebreo ocana Gõlgota wame cutiri buroju ãre ãmi wacã ãna. “Rijoga gãari ñaro”, yireoni ñacũ itijũ. ¹⁸ Itojũ ãmi ejacõri, Jesure yucutẽojũ jajucã ãna. Gãjerã jũarã jũa dũja gãna yucutẽojũ yosacã ãna. ãna gũdareco ñaquĩ Jesús. ¹⁹ Jesús ã wãñaritẽojũ ã ya rijoga weca wame wõ rotiquĩ Pilato. Ado bajiro goticũ iti: “Jesús Nazaret gagũ, judio masa ẽjũ”, yĩ wãñacũ iti. ²⁰ Judio masa jãjarã ticã iti ucarere. Jesure yucutẽojũ ãna jajucati cãto tãti ñacũ. ã ya rijoga weca wame wãñarise griego oca, hebreo oca, latĩn oca cũni ñacũ iti. ²¹ Ito bajiri judio masa paia ẽjarã ado bajiro yicã Pilatore:

—“Judio masa ẽjũ ñami”, yĩ ucabesa. “Judio masa ẽjũ ña yũ”, yibojarũ, yĩ ucaja quena, yicã ãna Pilatore.

²² Ito bajiro ãna yibojarocati ado bajiro cãdiquĩ Pilato:

—Y_u ucare ito bajiroti tujaro ya, yiquĩ Pilato ñare.

²³ Surara yucutēoj_u Jesure jaju tiorã ñ ya yutabujurire ãmicã ñna. Itire ãmicōri, j_uariarori batocã ñna. Ito yicōri ñnacōti gãji coro, gãji coro ãmicã ñna. Jesús ñ sãñado joegadoama jioya mano ñacu. Riojoti sua m_uja, gajanoado ñacu. ²⁴ Ito bajiri ado bajiro yicã surara:

—Itore ñigãmena mani. Ñim_uj_ua itore ñ bajaja tiana yirona, gũtana rea ajecã ñna.

Ito bajiro ñna yija Dios oca tuti iti gotiado bajiroti rētacu. Ado bajiro gotia ñ oca: “Y_u ya yutabujurire batocã ñna. Ñim_uj_ua adore ñ bajaja tiana yirona, gũta ajerã yirãji”, y_i gotia Dios oca. Ito bajiroti yicã surara.

²⁵ Jesús ñ yucutēoj_u wãñaro roca adocō jãjarã ñacu gua. Ñ jaco, Cleofas manajo María, María Magdalena, ito yicōri y_u c_uni ñacu ñna rãca. ²⁶ Jesús ñ jacore, ito yicōri y_u ñ maigũre ticōri, ado bajiro yiquĩ Jesús ñ jacore:

—Cana ñ ñagũ yiguĩji m_u mac_u, yiquĩ Jesús ñ jacore.

²⁷ Ito yicōri y_uj_uare ado bajiro yiquĩ:

—Iso ñagõ yigõji m_u jaco, yiquĩ Jesús y_ure.

Ito ñ yija bero isore boca ãmicōri, y_u ya wij_u isore codec_u y_u ñja.

Jesús ñ _usi jedire gaye

(Mt 27.45-56; Mr 15.33-41; Lc 23.44-49)

²⁸ Ito ñ yija bero, “Dios ñ ãmoro bajiroti y_ure rēta jedicoaj_u ñja”, y_i t_uoĩaquĩ Jesús. Dios oca tuti iti gotiro bajiroti iti rētatoni:

—Idi ãmoa y_u, yiquĩ Jesús.

29 Ito ñacu uyé ide jiaradu. Ide udi ãmirisena itire udi ãmicã ñna surara. Ito yicõri hisopo wame cutiricu ruju gaja siacã ñna itire. Ito yicõri Jesús ya rise tu ñutucã ñna. 30 Uyé ide jiare weroĩacõri, ado bajiro yiquĩ Jesús:

—Dios ñ goticãdo bajiroti rēta jedicoaju ñja. Itocõ ña, yiquĩ Jesús.

Ito yija ñ ya rijoga queo yocõri, usi jedicoaquĩ Jesús ñja.

Jesús ya warubu surara ñ sare cudare gaye

31 Iti rumu pascua basa riojua ñacu. Busuri gua judio masa ya tujacãra rumu ñaro yicu. Ito bajiri yucutẽojum godana ya ruju wãñare ãmobicã ñna tujacãri rumu ñajare. Tujacãra rumu guijori rumu ñacu gua judio masare. Ito bajiri Pilatore ado bajiro senicã ñna: “Yucutẽojum wãñarãre sagaro gõare jajea rotiya. Ito yicõri ñna ya ruju rujo rotiya”, yicã ñna Pilatore. 32 Pilato ñ rotija tuocõri, ñ ya surara wacõri, yucutẽojum wãñarãre ñna ya sagaro gõarire jajeacã ñna. Jesús tu jãarã yucutẽojum wãñarãre ñna ya gõarire jajeacã ñna. 33 Jesús tuju eja rãgucõri, “Usi jedicoañi añi”, yi ti masicã ñna. Ito bajiri ñ ya sagaro gõare jajeabiticã ñna.

34 Ito bajibojarocati Jesús ya warubu sare cudaquĩ sãgũ surara masu. Ito ñ yirocati rí ide wusarise budicu. 35 Yu itire gotigu, itire tigoru ña yu. “Riti gotia yu itire”, ya yu. Mu cãni itire tuorãnatoni, riojo itire gotia yu. 36 Iti jeyaro rētacu Dios oca tuti iti goticato bajiroti. Tuote. Ado bajiro gotia Dios oca: “Ñre co gõa jajeamena yirãji ñna”, yi gotia Dios oca. 37 Gajeju Dios oca iti gotija ado bajiro gotia:

“Sare cuda ecorare tirã yirãji masa”, yi gotia Dios oca.

Jesure ñna yujere gaye

(Mt 27.57-61; Mr 15.42-47; Lc 23.50-56)

³⁸ Ito bajija bero José Arimatea gaga Jesús ya rujure amiroca Pilatore seniyijü ñ. Jesús ocare tuo sayagoru ñayijü ñ, ito bajibojaguti gãjerãre goti batobisijü ñ, judio masare güigü. “Amiña”, Pilato ñ yija tuocõri, Jesús ya rujure rujiogu wayijü José. ³⁹ Nicodemo ñamijü Jesús rãca busigu ejagoru cuni ejayijü. Treinta kilos rãcarisecõ queno suti quenarise ami ejayijü ñ. Mirra wame cutirise, ãoes wame cutirise wãore ñayijü iti sutirise. ⁴⁰ Ito bajiri José, Nicodemo rãca Jesús ya ruju amicõri saya botirona sutirise tucõri, ñre gümayijarã ñna. Judio masa, masa yujerã ñna yisotirise ñayijü iti. ⁴¹ Jesure yucutẽojü ñna jaju sãarajü ote wese tü ñayijü. Iti wesejü masari cuma mama goje ñayijü. Gãjerãre yujeiaña mani goje ñayijü iti goje. ⁴² Jabeto ruayayijü tujacãra rumu iti busuroto. Ito bajiri iti gojejü Jesús ya rujure sãyijarã ñna, sõjü meje iti goje ñajare.

20

Jesús ñ tãdi catire gaye

(Mt 28.1-10; Mr 16.1-8; Lc 24.1-12)

¹ Gua masa ya moasura rumu busuri jijü rãitña busaroca wayijo María Magdalena. Jesús ya masari cuma tü ejacõri, iso tija gũta biaraga mañijü. ² Ito iti bajija ticõri, ñmaquedi wacõri, gua tü ejacõ iso. Simón Pedro, ito yicõri yu Juan Jesús ñ bũto maicana ñacu gua. Gua tü ejacõri, ado bajiro yicõ iso:

—Mani ʘjɯ ya ruʝure ãmicoañi ñna. “Itojɯ ï ya ruʝure cūana ñna”, yi masibea yɯ, yicō iso gɯare.

³ Iso ito yija tɯocōri, yɯ Pedro rāca masari cumajɯ tirā wacɯ gɯa. ⁴ Gɯa jūarā cocati ũmaquedi wacɯ. Pedro rēto busaro ũmaquedicɯ yɯ. Ito bajiri yɯjɯa cajero masari cuma ejasɯocɯ. ⁵ Muqueacōri, ito tisōcɯ yɯ. Īre ñna gūmagore riti ticɯ yɯ. Itojɯ sājabiticɯ yɯ maji. ⁶ Yɯ bero ejaquĩ Simón Pedro. Īama masari cumajɯ sājacoaquĩ ĩja. Ī cɯni Jesure ñna gūmagore riti tiquĩ. ⁷ Jesús ya rijoga gūmado gajerojɯ iti jesaja tiquĩ. Dureare ruʝajucu gajerojɯ iti jesaja tiquĩ ĩ. ⁸ Ito yija yɯ cajero ejacacɯ cɯni sājacoacɯ. Iti rētare ticōri, “Tɯdi caticoañi Jesús”, yi tɯoĩacɯ yɯ ĩja. ⁹ Iti riojɯa, “Godabojaguti tɯdi catigɯ yiguĩji Jesús”, Dios oca iti yire gaye tɯo masibiticɯ gɯa maji. ¹⁰ Ito yija bero gɯa ya wɱjɯ tɯdi wacɯ gɯa.

*María Magdalenare Jesús ï goañore gaye
(Mr 16.9-11)*

¹¹ María Magdalenama masari cuma tɯ oti tu-jacō. Otigoti masari cumajɯ tisōyijo iso. ¹² Ito iso tisōja jūarā ángel mesa botirise sãñarā ruʝiyjarā. Sīgũ Jesús ya rijoga ñagoadojɯa ruʝiyijɯ. Gãji ï ya gubori ñagoadojɯa ruʝiyijɯ. ¹³ Ito yija ado bajiro seniñayjarā ñna María Magdalenare:

—¿No yija otiami mɯ? yiyjarā ángel mesa isore.

Ñna ito yija:

—Yɯ ʘjɯ ya ruʝure ãmicoañi ñna. “Itojɯ ï ya ruʝure cūana ñna”, yi masibea yɯ, yiyijo iso ángel mesare.

¹⁴ Ito bajiro yigoti, Jesure jɯda ti bujayijo iso. Ito bajibojarocati, “Jesuti ñami ãni”, yi masibisijo iso.

¹⁵ Ito yija ado bajiro seniñayjɯ ĩjɯa isore:

—¿No yija otiati romio mɔ? ¿Ñimɔre ãmati mɔ? yiyijɔ Jesús isore.

“Adi wese coderi masɔ ñaguñji”, yire masiyijo iso. Ito bajiri ado bajiro ñre yiyijo iso:

—Ï ya rujɔre mɔ cūja, “Ito cūmɔ yɔ”, yiya yɔre. ãmigō waroco ya yɔ, yiyijo ñre.

¹⁶ Iso ito bajiro yija tɔocōri, ado bajiro yiyijɔ Jesús isore:

—María, yiyijɔ Jesús isore.

Ito ï yija tɔocōri, ado bajiro yiyijo iso hebreo ocana:

—Rabuni, yiyijo iso. “Yɔre riasogɔ”, yireoni ñayijɔ iti.

¹⁷ Ito yija ado bajiro cɔdiyijɔ Jesús:

—Yɔre moaĩabesa maji. Yɔ Jacɔ tɔ mujabea yɔ maji. Wasa yɔ ñarãre ado bajiro gotitēña: “Dios sīgūti ñami mani Jacɔ. Ito yicōri ï sīgūti ñami mani Ũjɔ. Ï ñarɔjɔ wacɔ wagɔ ya yɔ”, yi gotitēña, yimi Jesús yɔre, yi rotiyijɔ Jesús María Magdalenare.

¹⁸ Ito yija gɔare gotigo ejacō iso. “Mani Ũjɔre tibɔ yɔ”, yicō iso. Ito yicōri Jesús ï gotiado bajiro gɔare goticō iso.

*Ï rãca riasotigoanare Jesús ï goaĩore gaye
(Mt 28.16-20; Mr 16.14-18; Lc 24.36-49)*

¹⁹ Gɔa masa ya moasɔora rɔmɔ ñacɔ iti rɔmɔ. Iti ñami gɔa Jesús rãca riasotigoana wijɔ minijua ñacɔ. Gɔa ñarã judio masare gūirã soje biacōri, ñacɔ gɔa. Ñajasaroti gɔa wato goa rãgūquĩ Jesús.

—Ñati mɔa, ñe oca mano queno ñaña mɔa, yiquĩ Jesús gɔare.

²⁰ Ito ï yija bero ï ya ãmori, ito yicōri ï ya warubɔ ïoquĩ gɔare. Gɔa ï rãca riasotigoana gɔa Ũjɔre ticōri,

buto wanucɥ gɥa. ²¹ Mɥcana tɥdi ado bajiro gotiquĩ Jesús gɥare:

—Ñe oca manoti queno ñaña mɥa. Yu Jacɥ yure ĩ cõado bajiroti yɥ cɥni mɥare cõa yɥ ĩja, yiquĩ Jesús gɥare.

²² Ito yija gɥare juti jeocõri, ado bajiro yiquĩ ĩ:

—Mɥa ya usijɥ Espíritu Santo ĩ quedi sãjaroca ya yɥ. ²³ ĩre boca ãmicõri, gãjerã ĩna ñeñaro yirise mɥa ãcabojaja, ĩnare seti mano yiroja. ĩna ñeñaro yirise mɥa ãcabojabeja, seti cutirãti ñarã yirãji ĩnaõna, yiquĩ Jesús gɥare.

Tɥdi Jesús ĩ catija bero Tomás ĩ tire gaye

²⁴ Ito bajiro gɥare Jesús ĩ goaĩoroca Tomás gɥa rãca gagɥ maniquĩ. ĩ ñaquĩ “Sãrũaru”, gɥa yicacɥ.

²⁵ Tomásre ti bɥjacõri:

—Mani ʒjɥre tibɥ gɥa, yibojacɥ gɥa ĩre.

Ito bajiro gɥa yibojarocati Tomás ado bajiro yiquĩ:

—Ĩ ya ãmo ĩna ja cudarajɥ yɥ tibeja, ito yicõri ĩre ĩna ja cudarajɥ yɥ ya ãmo wãsoana yɥ ñusõĩabeja, ito yicõri ĩ ya warubɥ ĩre ĩna sare cudadojɥ yɥ ya ãmona yɥ moaĩabeja, “Ĩti ñami”, yi masibicɥja yɥ, yiquĩ Tomás gɥare.

²⁶ ʒdia ãmojeno rɥmɥri bero mɥcana tɥdi minijuacɥ gɥa. Iti rɥmɥ gɥa minijuacati rɥmɥ Tomás cɥni ñaquĩ ĩja. Soje biado ñabojarocati gɥa wato goa rãgũquĩ Jesús.

—Ñati mɥa, ñe oca mano queno ñaña mɥa, yiquĩ Jesús gɥare.

²⁷ Ito yicõri Tomásre ado bajiro yiquĩ ĩ:

—Y_u ya ãmore ticõri, m_u ya ãmo wãsoana y_ure ñusõiaña. M_u ya ãmona y_u ya warub_u susuro y_ure moaiaña. “Í meje ñaguíji”, yibeja ñja. “Íti ñami”, yí masiña m_u ñja, yiquí Jesús ñre.

²⁸ Ito ñ yijare:

—Y_u U_{ju}, Dioti ña m_u, yiquí Tomás Jesure.

²⁹ Ito ñ yijare Jesús c_udiquí:

—Tomás y_ure ticõri, y_ure t_uor_un_ua m_u. Gãjerãma y_ure tibitibojarãti y_ure ñna t_uor_un_ua, queno wan_u quenarã yirãji ñna, yiquí Jesús Tomásre.

*Cristore t_uor_un_uña m_ua c_uni, yiroc_u adi uca y_u,
San Juan ñ gotire gaye*

³⁰ Gaje jaje tiyamani ñoquí Jesús g_ua ñ rãca riasotirã tiro riojo. Iti ñarocõti ña jedibea adi papera tutij_u. ³¹ Adí y_u ucarise, “Jesuti ñaño Cristo, ito yicõri Dios Mac_u ñaño”, yí m_ua t_uor_un_utoni uca y_u. ñre t_uor_un_ucõri, catitĩñare m_ua bajatoni itire uca y_u.

21

*J_ua ãmojeno ñ rãca riasotigoanare Jesús ñ goaõore
gaye*

¹ Ito bajija bero m_ucana t_udi goaõoquí Jesús, g_uare ñ rãca riasotigoanare. Tiberias wame c_utirita t_uanimaj_u g_uare goaõoquí Jesús. Ado bajiro bajic_u ñ goaõoja. ² Adocõ jãjarã ñac_u g_ua minijua-cana, Simón Pedro, Tomás “Sūr_uaru”, g_ua yig_u, Natanael Galilea sita Caná wame c_utiri c_uto gag_u, g_ua Zebedeo rãa, ito yicõri gãjerã jãarã Jesús rãca riasotigoana ñac_u g_ua. ³ G_ua ito baji ñaroca ado bajiro yiquí Simón Pedro:

—Wai jog_u wac_u ya y_u, yiquí Pedro.

Ito ñ yijare:

—Gua cuni mɛ rãca waju, yicɛ gua.

Ito yicõri wacɛ Ìja. Cumajɛ sãjacõri, ñamiasaro wai jobojacɛ gua. ⁴Iti busu mɛja wadiroca itajura tɛnima guare goañoquĩ Jesús. Ito bajibojarocati, “Ìti ñaguĩji”, yi masibiticɛ gua. ⁵Ado bajiro guare yi ruyquĩ Ì:

—¿Wai sãbeati mɛa? yiquĩ Jesús guare.

Ito Ì yijare:

—Sãbea, joboja gua, yicɛ gua Ìre.

⁶Gua ito yijare:

—Cuma riojocadɛjare yorigɛ cõa roaya mɛa. Ito bajiro mɛa yija wai sãrã yirãji mɛa, yiquĩ Jesús guare.

Ì roticato bajiroti yicɛ gua. Wai jãjarã Ìna ñajare, yorigare mosã masibiticɛ gua, wai jãjarã Ìna ñajare. ⁷Ito baji ñaroca, yɛ Jesús Ì maigũ ado bajiro yicɛ yɛ Pedrore:

—Mani ʘjɛti ñami Ì, yicɛ yɛ Pedrore.

“Mani ʘjɛ ñami”, yɛ yija tɛocõri, wasoro yosagɛ ñari joegado sãñaquĩ Ì. Ito yicõri itajurajɛ quedi roacoaquĩ Ì. Ito yicõri Jesús tɛjɛ bati waquĩ. ⁸Cien metrocõ tɛnima sõjɛa jayacɛ gua. Ito warãti jajɛ tɛnima ejacɛ gua. Wai yorigɛ rãca weja jãjã ejacɛ gua. ⁹Cuma majacõri, jeame weca wai jũoana ti ejacɛ gua. Ito yicõri naju cuni iti ñaja ti ejacɛ gua. ¹⁰Gua ejaja ticõri, ado bajiro yiquĩ Jesús, guare:

—Wai jane mɛa sãana ɛdiarãcõ ãmi waya, yiquĩ Jesús guare.

¹¹Ito Ì yija tɛocõri, cumajɛ mɛja sãjaquĩ Simón Pedro, ito yicõri wai cɛrã yorigujɛ ñarã jajujɛ waire weja mocũquĩ Ì. Ciento cincuenta y tres ñarã ñacã wai jeyaro. Jãjarã Ìna ñabojarocati cudubiticɛ yorigɛ. ¹²Ito yija Jesús ado bajiro yiquĩ guare:

—Ba yujirã waya maji, yiquĩ Jesús gware.

“¿Ñimũ ñati mũ?” yi seniãabiticũ gwa, “Mani Ujuti ñami”, yi masicõri. ¹³ Ito yicõri gwa tujũ eja rũgũcõri, naju gware batoquĩ ã. Waire canĩ ito bajiroti yiquĩ.

¹⁴ Itina udiãaji goãoquĩ Jesús gware, godacõri tũdi ã catija bero.

Simón Pedro rãca Jesús ã busire gaye

¹⁵ Gwa ba yuji tĩoja bero ado bajiro seniãaquĩ Jesús Simón Pedrose:

—¿Mũ rãca gãna rẽtoro yũre maiati Simón, Jonás macũ mũ? yiquĩ Jesús Simón Pedrose.

Ito ã yijare:

—Mũre maia yũ Ujũ yũ. “Yũre maiami”, yi masia mũ yiquĩ Pedro Jesure.

Ito ã yijare:

—Oveja rĩare ãna ecasotiado bajiro yũre yiari yũ ñarãre riaso ãsima mũ, yiquĩ Jesús ãre.

¹⁶ Mũcana tũdi jũaji seniãaquĩ Jesús Simón Pedrose:

—¿Yũre maiati Simón, Jonás macũ mũ? yiquĩ Jesús Pedrose.

—Mũre maia yũ Ujũ yũ. “Yũre maiami”, yi masia mũ yiquĩ Pedro Jesure.

Ito ã yijare:

—Ovejare ãna codeado bajiro yũre yiari yũ ñarãre code ãsima mũ, yiquĩ Jesús Pedrose.

¹⁷ Ito yija mũcana tũdi udiãaji seniãa quenoquĩ Jesús ãre:

—¿Yũre maiati Simón, Jonás macũ mũ? yiquĩ Jesús Pedrose.

Ʋdiajjɛ, “¿Yɛre maiati mɛ?” Jesús ĩ yija tɔcõri, bojori bɛjaquĩ Pedro. Ito bajiri ado bajiro yiquĩ ĩ Jesure:

—Jeyaro masigũ ña, yɛ Ʋjɛ mɛ. Yɛ mɛre mairise masia mɛ, yiquĩ Pedro Jesure.

Ito ĩ yijare:

—Ovejare ĩna ecasotiado bajiro yɛre yiari yɛ ñarãre riaso ĩsima mɛ. ¹⁸ Riti mɛre gotia yɛ. Iti rɛmɛjɛ mamɛ mɛ ñaja yutabuju sãñacõri, mɛ ãmoro bajiroti wa ucusotiyija mɛ maji. Mɛ bɛcɛgɛ ñaja mɛ ya ãmo siacõri, mɛ wa ãmobetoju mɛre ãmi warã yirãji ĩna, yiquĩ Jesús Pedrore.

¹⁹ “Ito bajiro mɛ godaja ticõri, Diore rãcɛbɔorã yirãji masa”, yirocɛ ito bajiro gotiquĩ Jesús Pedrore. Ito ĩ yija bero:

—Waya yɛ rãca. Yɛ oca tɔo sɛyagɛ waya, yiquĩ Jesús ĩre.

Yɛ Juan ĩ rãca riasotigorɛ Jesús ĩ bɛto maire gaye

²⁰ Jɛda ticõri, ĩnare yɛ sɛyaja tiquĩ Pedro. Yɛ ña Jesús rãca riasotigorɛ bɛto ĩ maicacɛ. Yɛ ña Jesús rãca basɛsacati rɛmɛ ĩ tɛ rujicacɛ. Yɛ ña Jesure seniãacacɛ, “¿Ñimɛ ñati mɛre ĩna ñiatoni gotiri masɛ?” yi seniãacacɛ ña yɛ. ²¹ Yɛre ticõri, ado bajiro Jesure seniãaquĩ Pedro:

—Yɛ Ʋjɛ, ¿ãniama no bajiro godagɛ yiguĩjida? yiquĩ Pedro Jesure.

²² Ito ĩ yija ado bajiro cɛdiquĩ Jesús:

—Mɛcana tɛdi yɛ ejarijɛjɛ ĩ catire yɛ ãmoja, catigɛ yiguĩji maji. Iti mɛ masibeja, no yibea mɛre. Mɛãma yɛre sɛyaba, yiquĩ Jesús Pedrore.

²³ Ito ñ yija tɔocõri: “Juan godabicɯ yiguĩji”, yire masicã ñna. Jesuama, “Godabicɯ yiguĩji”, yibitiqũ. Ado bajirojɯa yiquĩ ñ: “Yɯ tɔdi ejarijɯjɯ ñ catire yɯ ãmoja, catigɯ yiguĩji maji. Iti mɯ masibeja, no yibea mɯre”, yigɯ yiquĩ Jesús. Iti oca queno tɔo masibiticõri, “Godabicɯ yiguĩji Juan”, yire oca batobojañi ñna.

²⁴ Yɯ ñna Juan, Jesús rãca riasotigorɯ. Yɯti ñna adi paperare ucarɯ. “Riojo gotiami”, yi masia mɯa yɯre.

²⁵ Gaje jaje ñna Jesús ñ yigore. Jeyaro Jesús ñ yigore mani uca jeobojaja cɯni, adi macãrɯcũrore daja rêtacoabodoja papera tutiri. Itocõ ñna.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

cv

PDF generated using Haiola and XeLaTeX on 21 Feb 2024 from source files
dated 29 Jan 2022
2581ee54-739f-5595-8d44-83c638ed667b